

31916

IOANNIS
RIOLANI

ANTIQUIORIS
SCHOLÆ MEDICÆ

PARISIENSIS DECANI,
Necnon Professorum Regionum De-
cani, & Primarij Reginae Matris
Regis LVDOVICI XIII.
Medici, ac postremi,

TRACTATVS

DE MOTV SANGVINIS

*eiusque Circulatione vera, ex doctrina
Hippocratis.*



PARISIIS,

Apud CASPARVM METVRAS, viam collectam
sub signo Sanctissimæ Trinitatis
prope Maturinenses.

M. DC. LIII.
CVM PRIVILEGIO REGIO

31916



LOANINES

LOLAMI

ANTIOVIS

CHOLA MEDICA

ARTISTIS DECANI

non Pro Regem Regionis

et & Principis Regem

Regem Lyvovici XII.

Alibi ac postea

STATVS

NOTA 2 NOVEMB

Post Constitutionem

Repositum



PARIS 1782

ASTASCO MAXIMO, viri docti,

Regis & Academiae

Pro Regem

AL. D. G. L.

CH. B. V. L. L. L.

81818



PRÆFATIO

AD

LECTOREM.



CRIPSIT Aristoteles lib. de Cælo, & lib. 1. Meteorûm, scientias esse æternas, nec posse à quoquam homine referri Authores scientiarum primos; sed tantum recuperatores seu renovatores. Talis enim redintegratio non fieret, nisi aliquid in homine esset, quo scientia niterentur. Propterea omnium ore & sermone vulgari teritur, ac circumfertur, nihil nunc dici, quod non prius dictum fuerit: quæ nona prodeunt co-

gitationes, & inuentiones, sunt præcedentium rerum deperditarum repetitiones siue renouationes; Imò nihil noui sub Sole hodie reperitur, quod non ante repertum fuerit, uti testatur Sapientissimus Salomon initio Ecclesiastici. *Que* putatur hodie noua Circulatio Sanguinis, cognita fuit Hippocrati, eiusque manifesta extant vestigia in eius monumentis, præceptiones & utilitates passim exposuit: Hoc multis absurdum, & ridiculum apparebit, quia nouum est inuentum. Fateor ab HARVEO circuitum Sanguinis detectum ac reuelatum fuisse, sed suo modo explicuit; Hippocrates circuitum Sanguinis secundum longitudinem corporis, per venas & arterias suo modo inuenit & declarauit, ut ex eius lectione sedula & assidua didici, & collegi. Itaque quod de methodo medendi, que apud Hippocratem confusè & inordinate describitur, Galenus pronuntiauit, idem de

rebus *Anatomicis* ex Hippocrate de-
 promptis affirmare possum, Fieri ne-
 quit ut libro vno omnia scribat Hip-
 pocrates, qui tamen hæc ab Hippo-
 crate tum transuersè, tum inordina-
 tè scripta didicerit, totamque suam
 vitam, in eam quæ ex operibus do-
 cetur meditationem, exercitatio-
 nemque deuouerit, is lucem & or-
 dinem doctrinæ adiicere poterit.
Hoc exequutus sum in isto tractatu de
Circulatione Sanguinis, ex doctrina
Hippocratis concinnato & adornato,
quam veriore ad usum artis, & pro-
babiliorem HARVEIANA susti-
neo: Iudicium penes Lectorem peritum
Anatomicum erit. Nec ab ea ablu-
dit nostra de Circulatione Sanguinis
doctrina, quam poteris ei coniungere,
 Dum maximis minima annecto,
 quis consensum meum increpet, stu-
 diorum salutarium etiam citra effe-
 ctum, laudanda est tractatio, *Seneca*
de vita beata, cap. 10. Verum quia

per antiquos Authores consummatur artis professio, magna laus est, Veterum instituta scrutari; maior vero gloria, inuenta seruare, ex Vindiciano in Epistola. Eleganter Tullius, lib. 5. de finibus, Turpis non est quærendi defatigatio, cum pulcherrimum est, quod quæritur. *Incepi à Circulatione Sanguinis Hippocratica, ut facilius hanc doctrinam nostris Medicis insinuarem, qui nihil rectum putant, nisi quod dictum ac propositum fuerit ab Hippocrate, quem diuinum Senem, oraculum Medicinæ, & cum Platone ὁρῶν λόγον vocant, cum ipsa Natura loquentem. Quod si possent huic contemplationi assuescere, & ad usum artis renocare, hand dubiè felicius apud agrotantes exerceretur Medicina, ut alio Tractatu de Circulatione Sanguinis iam edito, manifeste demonstraui.*

Nonnulli me lenitatis & inconstantiæ accusabunt, quod Circulationem

Sanguinis tam HARVEIANAM, quam meam deseruerim, ut aliam ex Hippocrate depromptam introduce- rem. Vno verbo respondebo, secundas cogitationes esse sapientiores, nec mea circulatio Sanguinis, ab Hippocrati- ca multum recedit, eliget quam quis- que voluerit.

Ut Lector agnoscat vno intuitu Hip- pocratis sententiam de motu Sangu- nis, etiam circulatorio, paucis ape- riam. Ipse Sanguinem in perpetuo mo- tu esse passim asseuerat, eumque du- plicem esse, Venosum, & Arteriosum. Hunc e Cordo, alterum ab Hepate prodeuntem, Venas & Arterias habe- re inter se communicationes, ut ab vno vase in aliud Sanguis transeat. Contineri tamen tanquam in recepta- culo, & cisterna, intra Truncum am- plissimum Vene Cane, à iugulis ad inguina extensum. Continuationes eius- dem Trunci directè protensas ad ex- tremos artus adiungo. Sanguinem exu-

8. PRÆFATIO AD LECT.

*berantem ab Arteriis in Venas detru-
di consueti cursu; posse tamen in Ar-
terias derivari. Huius motus in San-
guine, utilitates, ad usum artis docui.
Atque ex Platone & Aristotele,
motum Sanguinis demonstraui. Hec
est huius libelli summariū.*





DE
CIRCVLATIONE
SANGVINIS
EX
DOCTRINA HIPPOCRATIS
TRACTATVS.

*Cor à primo vitæ exordio, vsque ad
fatalem vitæ terminum, inde-
sinenter moueri.*

CAPVT PRIMVM.

NE M. O potest inficias ire, Cor
moueri ab ortu suo, vsque ad
interitum; Vnusquisque in se-
ipso tactu, manu scilicet appo-
sita ad pectus, Cordis saltum
deprehendit. Si dubitet, adhuc ei demon-
strabitur, ex apertione animalium viuen-
tium, atque in ouis quatrinduo à gallina

10 *De Circulatione Sanguinis*

incubatis, punctum saliens, quod ipsum Cor repræsentat, obseruabit; Atque id singulis diebus in aliis ouis vsque ad vigesimum diem, quo pullus excluditur, corcusculum palpitans deprehendet. Hic motus à natura huic parti insitus est, ratione animæ vegetantis, vel potius sentientis, vtpote traducis cum semine, huic puncto ex semine formato implantatæ, fouetur perenni affluxu spiritalis auræ, à semine adhuc emanantis, vel ab vtero Sanguinem stillante, donec corcusculum excauatum fuerit, ad excipiendum tenuissimum Sanguinem, qui in ea parte alteratus, calefactus, facultatem illam pulificam fouet, ac perennat, cum calore & spiritu in vniuersum corpus diffundit per arterias, veros canales Cordis.

Sit igitur ratum ac indubitatum, Cor à primo vitæ ortu moueri, vsque ad extremum vitæ spiritum, primum esse viuens, & vltimum moriens, primum esse mobile, à quo perpetuus motus arteriarum dependet.

Causa motus in Corde efficiens & materialis declarantur.

CAPVT II.

VT autem motus iste Cordis sit continuus vsque ad vltimum vitæ spatium, debet semper aliqua materia calida, vel aura spiritalis, vel Sanguis aliunde affluere ad Cor, quæ foueant, instaurent, & conseruent istum motum ad vitam necessarium, sine quo nullum animal potest viuere, & existere.

Non potest alia materia Cordi suppeditari; quam Sanguis maternus in foetu per aliquod tempus, extra vterum Sanguis confectus ex chylo, per venas lacteas chyloferas delato ad Hepar, inde per venam Cauam ad ventriculum dextrum Cordis deductus.

Tunc Sanguis in hepate duplex generatur, vnus crassior, alter tenuior: crassior in radicibus venæ Portæ, per cauas partes jecoris dispersis continetur, & per eandem venam distribuitur omnibus partibus culinariis, quæ primam corporis regionem constituunt, & abdomine coëscuntur.

12 *De Circulatione Sanguinis*

Tenuior ad partes superiores hepatis assurgens siue tractus, ad Cor ipsum contendit. Ex eo Sanguine in dextro Cordis sinu preparato, & in sinistrum sinum per medium septum traducto, efficitur arteriosus, & per arteriam magnam in uniuersum corpus diffunditur, ad nutritionem, & conseruationem caloris natiui.

Vt hoc fiat, & perseueret ad vltimum vitæ spiritum, motus Cordis debet esse perpetuus, non violentus, sed naturalis, huic parti à natura insitus, dependens à calore natiuo, qui superiora petit, nisi aliunde retineatur. Ideoque ibi conclusus, dum tentat euolare, in seipsum voluitur, partem quam habitat, modò dilatando, modò constringendo. Nec tantum ab illo igne, qui est elemento stellarum similis, Cor mouetur, sed etiam ab Anima regulariter, quæ conseruat istum calorem insitum, & motus istos regulares dirigit. Nam quamdiu viuit animal, eius forma est anima, quæ scilicet partes informans, tanquam actus primus & secundus. Quare anima erit primum mouens, spiritus insitus primum animæ instrumentum, atque vt calor Solis omnia terrena viuificat: sic calor ille Cordi implantatus, idem præstat in corporibus animalium; non est materialis, vt calor elementaris, sed tan-

ex Doctrina Hippocratis Tract. 13

quam ignis cælestis lucidus , detrimenti
expers existit, & cum anima abeunte, pro-
pter compositi corruptionem , extingui-
tur. Reparatur autem & conseruatur ab
illo spiritu vitali , qui in Corde generatur
ex Sanguine ; Quamuis Cordis figura ra-
tione caloris insiti , facta fuerit conoides,
basis tamen in superiori parte collocata
est , conus versus inferna inclinatur , ut
Cordis figura , & situs cum motu caloris
mutuò reluctarentur. Ideoque insertiones
vasorum in lata & superiore Cordis parte
natura esse voluit, ut caloris affluentis cum
spiritu copia , ad conum se conuerteret in
dilatatione , & reuolueretur ad basim in
constrictione : Inde exsurgunt diastole &
systole , successiui & alterni motus Cor-
dis , intermedia duplici quiete , siue pé-
risystole.

Diuus Thomas elegantissimum tracta-
tum edidit *de motu Cordis* , post varias
dubitationes , tandem in eam sententiam
iuit : Quod mouetur necessum est habere
motorem , is debet esse inseparabilis à suo
mobili , non est calor causa motus Cor-
dis , sed potius motus Cordis , est causa
caloris. Itaque cum motus ille Cordis sit
naturalis , videtur eo modo congenitus
Cordi, à primordiis suæ formationis, quo
describitur ab *Aristotele* , lib. *de motu ani-*

14 *De Circulatione Sanguinis*

malium. Existimandum est constare animalia , quemadmodum ciuitatem bene ac legitimè constitutam, in qua vbi semel est constitutus ordo , non est opus separato rectore, quem oporteat adesse singulis operationibus , sed quælibet , pars facit, quæ ipsius sunt , vti ordinatum est à natura , & fit hoc , propter consuetudinem. Porro, quemadmodum *Homerus* finxit suo *Spiritu moueri Vulcani instrumenta , & folles quidem simul , atque vt iusserit Dominus , varium & expeditum flatum emittere. Ancillas illas aureas , vt ipsummet opificem, moueri ex seipsis. Ad eundem modum , intellige , in animalis corpore nihil esse otiosum , neque immobile , sed omnia varium & expeditum opus efficere , cum conuenienti constructione, diuinasque quasdam ipsi virtutes à Conditore esse inditas, ex Galeno , lib. 4. de usu partium , cap. 2. Verùm ista per inductionem dicta , non explicant veram causam motus in Corde; Rectius sic assignaretur , quod in generatione est semen , id in generato calidum innatum : semen animatum generat punctum mobile , quod est Cor, in Corde calidum innatum radicum est, quod dum agit in humidum efferuescit , ex efferuescentia motus Cordis , qui à principio vitæ lenis est, sensim augetur, & conseruatur*

ex Doctrina Hippocratis Tract. 15
ex Sanguine, usque ad fatalem vitæ terminum.

Quare ut sit perpetuus Cordis motus, debet esse continuus Sanguinis ad Cor confluxus, alioqui defectu Sanguinis, & Cor cessaret ab officio suo, & animal interiret. Quamvis enim Cor auulsus per aliquod temporis spatium palpitet, absque appulsu Sanguinis, quia facultas pulsifica est ei naturaliter insita & congenita, non potest tamen id præstare diu in viuentē corpore, propter indigentiam partium, quæ ipsius influentiis vitalibus & Sanguine Arterioso & spiritu fouentur & subsistunt. Ut enim automata artificialia sine ventorum afflatu, vel aquarum transitu, suas actiones edere nequeunt, sic Cor *auulsus*, non potest diu in suis motionibus perseuerare per diastolen & systolen, sine receptione Sanguinis, ex quo spiritum præpareret, & vitalem Sanguinem efformet, in vniuersum corpus distribuendum, ad vitæ conseruationem.

*An totus Sanguis, vel portio
Circuletur.*

C A P V T I I I.

QVÆRITVR nunc, an totus Sanguis ad Cor confluere debeat, an verò duntaxat eius portio. Si credimus *Aristoteli*, eiusque Sectatoribus, totus Sanguis in hepate præparatus eò peruenire debet, vt suam perfectionem acquirat; Nam in hepate fit Sanguis rudior, & impolitior, qui rationem habet materiæ, in Corde elaboratus perfectior redditur, qui formæ rationem habet, ex *Auerrhoë*, atque ita conficitur Sanguis, qui verè nutrit, ex arteriis in venas transire debet, ne sint vacuæ, sed repleantur Sanguine. Itaque si totus Sanguis ad Cor feratur, sufficientem habebit copiam Sanguinis, ad sui motus conseruationem, & continuationem.

Hippocrates & Galenus, & qui eorum doctrinam sequuntur, portionem tantum Sanguinis Cordi suggeri à trunco venæ Cauæ ascendentis ad jugula, & artus superiores sustinent, Sanguini arteriali conficiendo destinatam, qui planè dissimilis
est

ex Doctrina Hippocratis Tract. 17

est à venoso ; ratione nouæ præparationis, quia non potuit natura coquere duplicem Sanguinem diuersum in vna eademque olla, satis illi fuit dimidium Sanguinis rectificare, vt arterialem redderet, per nouam in Corde alterationem, sigillum vitalitatis imprimendo. Ipsemet *Galenus, lib. 6. de placitis, cap 10.* post longam disputationem contra *Erasistratum* de sanguificatione, tandem fatetur nullum perfectum & magnum opus repente, vnaque aggressionem fieri, totamque suam expolitionem ab vno naturali instrumento acquirere, quod si non de toto Sanguine, saltem de arterioso intelligendum.

Hæc portio Sanguinis, quæ traditur Cordi, sufficiens est ad continuandum Cordis motum, quia vt sensim per venam cauam instillatur Cordi, sic sensim è Corde fluit, & per arterias vniuerso corpori distribuitur; si indigeat Cor, vicinum habet Hepar, ex quo potest haurire. Postiores Medici Peripatetici, in opere sanguificationis doctrinam *Aristotelis* sequuti, ipsum aliter exponunt; admittunt quidem Sanguinem præparari in hepate, perfici in Corde, per arterias in vniuersum corpus distribui: Sed cum viderent *Aristotelem* non declarasse, an per medium septum Cordis, vel pulmones, totus San-

18 *De Circulatione Sanguinis*

guis traduceretur, & in arteriis si regurgitet, ubi transire debeat, quænam habeat diuerticula ne suffocationem adferat, novas vias inuenere distribuendi Sanguinem. *Galenus* cum portionem dumtaxat Sanguinis ad Cor deferri voluerit, ad Sanguinis arteriosi confectionem, per foraminula septi Cordis, à dextro sinu in sinistrum traduci statuit, si exuperet intra sua vasa, utrumque Sanguinem transire in vas alterutrum proximè iunctum, per Anastomoses, quæ sunt eo fine conditæ, & adornatæ ad mutuum & reciprocum confluxum Sanguinis venosi & arteriosi.

HARVEVS author & inuentor Circulationis, totum Sanguinem circulari voluit: RIOLANVS istam Circulationem correxit, & nouam proposuit:

C A P V T I V.

INTER recentiores Medicos primus *HARVEVS* subtiliter inuenit & introduxit Circulationem Sanguinis, quâ demonstrat totum Sanguinem non tantum in Corde elaborari, sed sæpius in die re-

ex Doctrina Hippocratis Tract. 19

meare in Cordis penetralia, vt recalescat, nouosque spiritus recuperet, ad conseruationem caloris natiui, & spirituum restaurationem. Ad huius rei probationem, demonstrat Cor horæ spatio bis terve milles pulsare, in singulis pulsationibus puta in diastole, drachmam Sanguinis Cor excipere, parem quantitatem in systole violenter emittere in arterias. Cum autem traductio Sanguinis non possit fieri velociter & copiosè per medium Cordis septum, Sanguinem per medios pulmones traduci sustinet. Ac proinde ex illa supputatione drachmarum Sanguinis, cum pulsationibus Cordis collata, Sanguinem vniuersi corporis intra duas, tresve horas Circulari asseuerat, nec posse aliud iter tenere, quam à Corde per arterias, ab his in venas, vt redeat ad Cor: nec Sanguinem à venis in arterias esse remeabilem.

Aduersus istam Circulationem Sanguinis, quæ à plurimis impugnata fuit, Riolanus nihil opposuit, eamque admisit, modò perficiatur per septum Cordis non per pulmones, atque dimidia tantum Sanguinis portio lento gradu circularetur, per vasa maiora directè protensa vsque ad extremos artus, sine vllis diuerticulis & ambagibus viarum, cuiusmodi sunt Aortæ & venæ Cavae truncus cum axillaribus,

20 *De Circulatione Sanguinis*

& cruralibus ramis directè porrectis ad extremitates artuum , quia ipse sustinet Sanguinem venæ Portæ , & eum qui in ramis obliquis truncorum Cavæ & Aortæ lateraliter distribuuntur in habitum corporis , non circulari nisi per accidens , rationes attulit in disputationibus contra H A R V E V M.

De Circulatione Sanguinis ex Hippocratis doctrina.

C A P V T V.

CV M autem apud *Hippocratem*prehendissem Sanguinem circumagi per ambitum corporis , habere fluxum & refluxū intra vasa , ἀποτλήν ἐ πλινμύειν, sic nominat *Hippocrates* , & propter eius immobilitatem, multos morbos funestos contingere : Quomodo fieri posset ista Circulatio Sanguinis *Hippocratica* , per fluxum & refluxum apud me perpendi, tandem me inuenisse vias puto. Sed imprimis scire oportet *Hippocratem*, appellare istum circuitum *Ἐκδορ* , similiter *Aristotelem* eodem nomine uti ; De periodo lege *Foësum* in *Oeconomia Hippocratis*, ubi tres circuitus ignis explicat : Postea

ex Doctrina Hippocratis Tract. 21

statuo Sanguinem ad portas Cordis cunctantem, cum delectu paulatim admitti, quantum Cor indigeat, traduci per septum Cordis in ventriculum sinistrum, inde in Aortam transmitti, atque ista traductio Sanguinis est: admodum parca, quamdiu corpus detinetur in placido & tranquillo statu, alioquin, si violenter exerceatur, tum Cor vehementer agitarum, vel ardore febrili coactum, suos motus accelerat, atque maiore copia Sanguis attrahitur in Cor; Tunc vberior Sanguis, cum non possit per septum Cordis traduci, per venam arteriosam amandatur in pulmones, ab his in ventriculum sinistrum, inde in Aortam emittitur, itque reditque viam, quamdiu violentus iste motus durabit. Hæc traductio Sanguinis non est Totius, sed tantum partis alicuius ad continuationem motus in Corde; Nihilominus ista Circulatio Sanguinis valet ad extensionem caloris, & Sanguinis ventilationem; Nam vitium capiunt, ni moveantur aquæ.

Multum crede mihi differt, an à fonte bibatur

Qui fluit, an pigro qua super unda lacu.

Demonstratio viarum, per quas fit Circulatio Sanguinis ex doctrina Hippocratis,

22 *De Circulatione Sanguinis*

est euident, & facillima : si quis consideret truncum Cauæ à iugulo vsque ad Os sacrum directè productum, sine vilo impedimento cursus, & à iugulo per ramos axillares vsque ad manus excurrere, similiter ab inguinibus crurales ramos vsque ad pedes extendi, id virgula ex frustulo costæ balenæ parata, cubiti longitudine, deprehendi potest. Quippe in Cauam introducta, directè transibit ab osse sacro vsque ad iugula, idem in axillaribus ramis & cruralibus explorabis; inuenies tamen valuulas leniter oblucentes solido corpori, sed liquido, spirituosum, nequaquam obsistunt. Idem in Aorta tentabis eadem virga intromissa, quæ ab vno extremo iuxta iugula penetrabit vsque ad truncum inferiorem, sine valuularum Aortæ contactu aut læsione : Isto angiporru iuxta Cor penetrato, liber est arteriosi Sanguinis excursus ad partes inferiores per arterias, & reditus ad superiores vsque ad manus; Aorta quamuis in diremptu sit paulum incuruata, canalium continuitatem facile reperies introducto bacillo. Totà difficultas consistit in recurſu Sanguinis è manu per arterias axillares ad truncum inferiorem Aortæ, sed mox resoluetur. Ista peragratio Sanguinis à cerebro, vsque ad extremos artus necessaria fuit, ad dupli-

ex Doctrina Hippocratis Tract. 23

cem corporis substantiam nutriendam, unam spirituosam, alteram solidam. Spirituosa calidum innatum constituit, primò Cordi, dein omnibus partibus infixum, quod Sanguine arterioso restauratur. Solidam substantiam componunt solidæ partes corporis uniuersi, quæ conseruantur Sanguine crassiore, venoso; præterea, cum variæ sint partes corporis substantia differentes, oportuit ipsas vario & dissimili Sanguine nutriri. Ideoque massa Sanguinis non est creata simplex & uniformis, sed ex variis humoribus & substantiis conflata fuit. Vt partes diuersæ, quod sibi proprium & familiare erat, in Sanguine exfugerent. Ac proinde non mirum videri debet si ex chylo pars quædam ab illa glandula magna mesenterij deriuata, per venas lacteas chylicas superne trunco Cauæ iuxta subclauias, & infra iuxta emulgentes infundatur, vt crassities Sanguini comparetur, ad nutritionem adipis, & ossium, atque formationem fibrarum Sanguinis.

An absolutè neceſſaria Circulatio Sanguinis, qualis ab HARVEO, vel RIOLANO deſcribitur?

CAPUT VI.

VT hæc quæſtio poſſit rectè explicari, atque definiri, in primis inquirendum quo fine facta fuerit à Natura iſthæ Circulatio Sanguinis, ex HARVEO, ut totus Sanguis in Corde perficiatur, nondum in Hepate perfectè ſubactus, alioquin eſſet inutilis alendo corpori, & quando diffuſus fuit in vniuerſum corpus, redire debet ad Cor, ut recoquatur, & recaleſcat, ad diſtributionem Sanguinis vnius, à Corde expulſi, deſtinatas eſſe Arterias: ad recurſum ad Cor, venas.

RIOLANVS non credit Sanguinem ab hepate ad Cor deferri, ut denuo coquatur & perficiatur ad nutritionem corporis: ſed portionē dumtaxat tenuiorem Sanguinis ad Cor ab hepate remeare, ut ex ea Sanguis arterioſus conficiatur, ſimulque motus Cordis continuatio, appulſu Sanguinis conſeruetur, alioqui peritura defectu Sanguinis. Quod eſt notandum, & à RIOLANO primū obſervatum.

Portio

ex Doctrina Hippocratis Tract. 25

Portio illa Sanguinis in Corde conuersa in arteriosum, distribuitur per arterias ad conseruationem, & reparationem humidi primigenij, siue calidi innati omnibus partibus solidis insiti. Cumque spiritus simul cum Sanguine ferantur, Sanguis ille primùm per arterias diffunditur quouersum, & potest nutrire. Cum autem recto tramite decurrat per canalem rectum, arteriæ laterales tantum attrahunt & excipiunt, quantum indigent, reliquus in extremis partibus in venas transfunditur, vt perueniat ad amplissimum canalem trunci venæ Cauæ, à iugulo ad inguina extensum, in quo tertia, vel saltē quarta portio Sanguinis continetur: Atque ex illo trunco Sanguis continenter à Corde hauritur, ad confectionem Sanguinis arteriosi, & sui motus assidui conseruationem. Sed R I O L A N V S negat Sanguinem diffusum in tertiam corporis regionem, id est musculosas carnes, quæ habitum corporis constituunt, remeare ad Cor. Negat etiam Sanguinem Portæ separatum à Sanguine venæ Cauæ, ad Cor redire. Ac proinde Circulatio Sanguinis à R I O L A N O constituta, differt ab H A R V E I A N A, vt amplius demonstrauit in responsione ad primam Exercitationem H A R V E I.

26 *De Circulatione Sanguinis*

Nunc ostendam utramque Circulationem non esse absolutè necessariam, nisi in casu necessitatis, quando in maioribus canalibus Aortæ & venæ Cavæ, Sanguis deficit, ut in summa euacuatione sanguinis sponte, vel arte facta; Nam si non sufficiat Sanguis maiorum canalium, qui dispersus est per vniuersum corpus, recurrit ad Cor, primùm ad conseruationem motus perpetui Cordis, & reparationem Sanguinis arteriosi: Vterque vsus ab eodem Sanguine perficitur. Suppono tamen multas hypotheses HARVEI falsas esse ut demonstraui. Sanguinem amplo hiatus vorari à Corde, & euomi in pulmones, quod concedo in casu necessitatis: Arterias solas continere Sanguinem alimentarium ab hepate prodeuntem: venas ad reditum dumtaxat inferuire. Ego verò venas potius verum Sanguinem alimentarium continere affirmo, qui naturaliter ascendit, & descendit successione vacuati. Itaque sustineo duplicem esse Sanguinem in corpore nostro, vnum venosum, alimentarium intra venas maiores & minores conclusum, ab Hepate profectum, perfectum, non indigum ulterioris perfectionis, quantum spectat ad nutritionem diuersarum partium corporis: Alterum arteriosum, intra arterias

coërcitum, qui ex portione venosi Sanguinis continenter elaboratur in Corde, & assiduè distribuitur in vniuersum corpus, ad vsus commemoratos.

Exceptum dextro ventriculo, traduci per septum Cordis in sinistrum; Inde in arterias diffundi; Ad eum finem Truncus venæ Cauæ Cordi adaptus est, ad suppeditandum Sanguinem, in transcurso, dum rectà fertur ad iugula, vt in artus superiores Sanguinem effundat. Et quemadmodum *Hippocrates* decreuit pulmones alio Sanguine, quàm reliquas partes nutriri, sic credo ipsum cerebrum natura sua frigidum, procreandis spiritibus animalibus tenuissimis dicatum, arterioso solo Sanguine nutriri; Nec venosum eò assurgere naturaliter, ne obrueretur multitudinè Sanguinis antrorsum & retrorsum affluētis. Ideoque Truncus venæ Cauæ Cordi suggerit tantum Sanguinis, quantum opus habet ad confectionem Sanguinis arteriosi, simulque sui motus continuationem.

Cum autem tertia massæ Sanguinæ portio in trunco venæ Cauæ contineatur, Cor assiduè haurit ex isto canali amplo, & ad eum Sanguis arteriarum superfluous per venas recurrit, alteri permixtus, in isto canali longissimo, qui medietatem cor-

28 *De Circulatione Sanguinis*

poris æquat, nullæ sunt valuulæ, nullæ remoræ, & obices, qui impediunt sistantque motum & excursum sanguinis, ut in venis artuum.

Quare cum Sanguis debeat esse in perpetuo motu, ne putrescat & corrumpatur, simulque per vniuersum corpus excurrendo, diuersis partibus alimentum conueniens ex se suppeditet, reuoluitur assidue per maiores canales, eo modo, quo à me descriptus est ex *Hippocrate*, ac proinde totius Sanguinis massa, ex omnibus & minimis partibus corporis ad Cor non recurrit, nisi in casu necessitatis, quia nunquam Cordi deest Sanguis ad istos duos vsus à me designatos.

Addo plura animalia per totam hyemem latere in cryptis, & dormire absque alimento, & tamen viuunt, quia ineunte vere resuscitantur, at Sanguinem in his circulari non est credibile, alioqui totus absumeretur, sed ex massa sanguinea aliquid illiquitur Cordi, ad eius conseruationem. Sic vrsi viuunt & glires, de quibus *Martialis* sic loquitur.

Tota mihi dormitur hyems, & pinguis illo

Tempore sum, quo me nil nisi somnus alit.

*Quomodo perficiatur Circulatio
Sanguinis Hippocratica.*

C A P V T V I I.

SIc autem Circulatio Sanguinis Hippocratica perficitur. Incipit à primordiis vitæ, vbi Cor foetus mouetur, & admittit Sanguinem, non ab hepate depromptum, sed per arterias vmbilicales tum exilissimas ad Cor extensas: Non examinabo curiosè istas anastomoses in foetu, vasorum maiorum circulantium, cum vasis propriis Cordi, Hippocrati ignotas; sed asseuero circuitum Sanguinis in foetu, intra vterum, inchoatum fuisse per arterias vmbilicales, quæ deduxere Sanguinem aliquo tempore ad Cor, dein in arterias inferiores protrusus, traductus fuit in venam Cauam, per arterias crurales. Vbi peruenit ad Cor, per anastomosis venæ Cauæ cum arteria venosa, deferitur in sinistrum ventriculum, inde in Aortam, & per alteram anastomosis Aortæ descendens cum vena arteriosa, Sanguis arteriosus subministratur pulmmoni, ad nutritionem. & incrementum, quoniam vena Porta debuit habere suum San-

30 *De Circulatione Sanguinis*

guinem peculiarem, vena vmbilicalis defert, in Portam insinuata. Vbi editus est Infans in lucem, incipit jecur Sanguinem elaborare, pro nutrimento totius corporis; Sanguis ille demittitur in Cauam, & versus Cor allabitur, cuius portionem surgit ad conficiendum sanguinem vitalem, nec ibi moratur Sanguis, sed continuato cursu tendit ad extremos artus superiores, distribuendo Sanguinem per suos ramos vndequaque. Vbi peruenit ad manus, recurrit in arterias, & lento gradu incedens, refluit versus Cor, & à trunco superiore arterioso iuxta valuulas Aortæ, in diastole Cordis, clauso orificio Aortæ, ruit in truncum inferiorem Aortæ eiusdem; sed iuxta Cor saltum facit tanquam in angiportu vel Isthmo, vt transeat in truncum Aortæ descendens ad artus inferiores, distribuendus vbi rursus refluit in venas, eandemque viam repetit. In hoc cursu Sanguinis, non totus permeat penetralia Cordis, sed portio dumtaxat illiquitur guttatim, vel Cor exsugit, & Sanguis venarum brachij refluens, per arterias eiusdem brachij, incalescit permixtione arteriosi, qui singulis momentis effunditur in Aortam tam superiorem, quàm inferiorem.

De Circulatione Sanguinis in Cerebro.

C A P V T V I I I.

QUOD spectat ad Circulationem Sanguinis in cerebro, ut pulmo nutritur alio Sanguine nempe arterioso, quam reliquæ partes corporis, propter frigiditatem ab aëre continenter excepto, sic cerebrum ex se frigidum, & assidue inspirato aëre refrigeratum, in suo circuitu indigebat pari Sanguine: Ideoque carotides arteriæ amplissimæ, quæ immediate hauriunt ex ipso fonte, saltem sinistra carotis, deducunt Sanguinem arteriosum in cerebrum, & partes capitis externas, qui postea per venas jugulares recurrit in cavam; Atque ita Sanguis per uniuersum corpus labitur, & labetur in omne volubilis æuum vitæ nostræ.

De Circulatione Sanguinis in Fœtu.

C A P V T I X.

IN Hippocratica Circulatione Sanguinis, facile demonstratur circulatio
c iiij

32 De Circulatione Sanguinis

Sanguinis in foetu trimestri; nam arteriæ umbilicales deferunt Sanguinem in arterias Iliacas, qui deorsum fluit, ut recurrat in venâ Cauam; ubi peruenit ad Cor, quia nondum est probè excauatum, & omnibus suis partibus conuenienter adornatum, transcurrit in arteriam venosam, ut excoquatur, & perficiatur in sinistra Cordis auricula; Inde deriuatur in Aortam, & ex ramo Aortæ descendens, furculus arteriosus iungitur venæ arteriosæ, quæ supeditat Sanguinem arteriosum pulmonibus; Non potest per arterias umbilicales Sanguis ad Cor ascendere per Aortam, quia oppositum habet Sanguinem arteriosum descendens, nec ingressum patiuntur tres valuulæ sigmoides orificio Aortæ circumdatae. Multi negabunt istam Circulationem Sanguinis *Hippocraticam*, etiamsi quotidie videant humorum anadromes, palindromes, metastases, metaptoles subitas à partibus inferis ad superas, & vicissim à superis ad inferas, sed remotis difficultatibus elatior euadet ista doctrina.

Difficultates, quæ reperiuntur in Circulatione Sanguinis Hippocratica, declarantur, & resolvuntur.

C A P V T X.

IN ista Circulatione Sanguinis Hippocratica, non leues occurrunt difficultates, quas declarabo & enodabo.

Prima est, quod venarum & arteriarum usus omnino perturbatur, quia nemo unquam dixit, nisi *Erasistratus*, Sanguinem venosum in arterias refluere, & naturali cursu deduci.

Secunda est, quod frigidior foret Sanguis arteriarum brachij quam reliquarum, venosi permissione.

Tertia est, Sanguis arteriosus exiliens è Corde, non posset facile ascendere in brachia, propter venosum aut è manu vel brachio refluxum, & descendentem in truncum superiorem Aortæ versus Cor.

Quarta est, quomodo transire potest supernè Sanguis iuxta Cor, fluens è trunco Aortæ ascendentis, ut repulsus à venoso transeat in truncum Aortæ descendentis? quoniam Cor in systole continenter eiaculatur Sanguinem arteriosum in trun-

34 *De Circulatione Sanguinis*

cos duos Aortæ? quomodo inquam arteriosus profiliens è Corde potest influere in arterias subclauias, si repellatur à venoso refluxo ac descendente per arterias brachij.

Quinta est: qui ascendet ad cerebrum Sanguis per carotidas, non erit verè arteriosus, saltem carotidis dextræ, nam sinistra ex fonte haurit Sanguinem impetuosè à Corde profilientem.

Primam obiectionem sic dissoluo. Non perturbatur vsus arteriarū; manent enim semper pulsatiles, ex se naturaque sua, deducunt per Aortam, eiusque propagines, à manibus vsque ad pedes Sanguinem arteriosum permixtum venoso, sed exigua quantitate, quia supra Cor vasorum à trunco superiore Aortæ exeuntium, distantia duplo breuior est longitudine vasorum Aortæ descendents infra Cor, atque arteriæ illæ inferiores sunt maiores & ampliores superioribus, ac proinde minus Sanguinis venosi & arteriosi, continetur in partibus supra Cor.

Dein Sanguis arteriosus cum impetu erumpens è Corde, sibi viam facit in arteriam subclauiam, licet occupatam, & plenam Sanguinis venosi refluui. Cor autem singulis pulsationibus euomens Sanguinem arteriosum, assiduè calefacit peræque

ex Doctrina Hippocratis Tract. 35

massam Sanguinis, ac si per Cor & pulmones traduceretur, deinde ista reuolutione, motuque perpetuo calorem suum conseruat & adauget.

Quod attinet ad discrimen Sanguinis venosi & arteriosi, nullius est considerationis, quoniam vterque consimilis est colore, consistentiâ fibrosâ, pondere, si æquali mensurâ & pondere expendantur, ex HARVEI obseruatione: dumtaxat differt Sanguis arteriosus ratione spirituum in viuente animali.

Ista responsio dissoluit etiam secundam obiectionem, quia Sanguis arteriosus, spirituosus, sursum euolat, vique sua penetrante vsque ad manus peruenire potest, si non pari quantitate, saltem qualitate, ratione spirituum.

Prima responsio etiam satisfacit huic quartæ obiectioni, fuit enim iuxta Cor supernè deorsum Sanguis, tantum in diastole Cordis, clauso orificio Aortæ, scilicet à trunco superioris Aortæ celeriter transiens in Aortam inferiorem, & vbi ad pedes peruenit, mutata velificatione, recurrit supernè per venam cauam vsque ad manus.

Quintæ obiectioni sic respondeo: cum lento gradu fiat in brachiis iste circuitus, vbi appulit venosus Sanguis ad arterias,

36 De Circulatione Sanguinis

alterius permissione assiduâ, euadit arteriosus. Deinde brevis est via, nam in medio brachio vena & arteria inter se communicant per anastomoses, sicque traducitur Sanguis à vena in arteriam. In principio brachij vsque ad cubitum plures sunt anastomoses, intra venam axillarem & Arteriam, vt sæpius obseruavi in viuientibus, arctè constricta arteria infra cubitum, ad curandum Aneurisma. Ac proinde recursus sanguinis à vena axillari ad Arteriam, brevis est.

Sic dilucidè explicata Circulatione Sanguinis ex *Hippocrate*, forsan quibusdam magis arridebit, quia facilior, & securior; facilior est, quia directâ via perficitur, sine diuerticulis & ambagibus in Corde, & pulmonibus; securior, quia liberâtur Cor, & pulmones ab impuritate massæ sanguineæ, quippe Sanguis venæ Portæ non circulat; neque is, qui in habitum corporis circumfusus est: dein Cor cum delectu trahet Sanguinem, & quantum opus habebit, nec impetuosè Sanguis irruet in Cordis ventriculos, & pulmones. Sanguis venosus transeundo per arterias recalescet, arteriosi Sanguinis irrigatione perpetua conspersus; pulsabilis facultas arteriarum dependebit à Corde, non à motu Sanguinis arteriosi: Quin etiam

ex Doctrina Hippocratis Tract. 37

Cor redundante Sanguine mox suffocatur, sese exonerabit in pulmones, illi per sinistrum ventriculum Cordis & per Aortam depleri poterunt: sicque Sanguis assiduè suppeditabitur Cordi, ad continuationem suæ motionis, & procreationem Sanguinis arteriosi absque confusione.

*Demonstratio Circulationis Sanguinis
ex variis locis Hippocratis: & Ad-
monitio ad Medicos pragmaticos.*

C A P V T X I.

NUN c nobis superest manifestè demonstrare ex variis locis apud Hippocratem dispersis, hanc Circulationem Sanguinis. Imprimis anastomoses venarum & arteriarum designavit, *lib. de locis in homine. Communicant venæ, & confluent inter se mutuo, & alie quidem sibi ipsis, per se committuntur, ac coincidunt; alie verò per venulas à venis extensas.* Ipsemet Hippocrates venarum, & arteriarum communiones, *neurias*, separato sermone pollicetur, *lib. 3. de articulis.* Passim venarum nomine arterias intelligit, ut fecit Aristoteles. Propterea sustinemus Sanguinem, ut

38 De Circulatione Sanguinis

ab arteriis in venas transcolatur, sic à venis in arterias transfundi: sed venas per quas iste circuitus Sanguinis perficitur, Hippocrates ἀμείβους, sanguifluas appellat: Intelligit maiora vasa corporis sanguinea. Ipse in Corde constituit *quatuor fontes, & fluuios ab eo manantes*, quibus rigatur vniuersum corpus. Intelligit venam arteriosam, & arteriam venosam, quibus alluitur pulmo, & maiora vasa Aortam, & venam Cauam, quibus vniuersum corpus inundatur Sanguine circulariter effuso. Lib. de Corde, istius circuitus tempus designauit: *Ab aurora ad vesperam*, lib. de insomnijs, & lib. de carnibus, Cor & vena caua semper mouentur, & plurimum calidi in venis inest. Et lib. de ossium natura: *vena per corpus diffusa spiritum, & fluxum ac motum exhibent*. Et lib. 1. de morbis, *Vena circa spinam sanguiflua in corpus Sanguinem distribuunt*. Intelligit Aortam & venam Cauam. Cum nostrum corpus sit conditum, & fabricatum ad exemplar & imitationem vniuersi, eodemque modo regatur ex Hippocrate, *vniuersi imitatrix natura circularis existit*, lib. 1. de dieta, Orbesque cælestes cum sint in perpetuo motu circulari, similiter oportuit Cor assiduè moueri, eiusque Sanguinem circulariter ab vno extremo ad aliud versus

ex Doctrina Hippocratis Tract. 39
centrum, Cor, reuolui. Ipsemet Hippo-
crates, lib. de insomnijs, astrorum circuitus
in nostris corporibus reperiri statuit, Astro-
rum, inquit, exterior est in corpore circui-
tus, Solis vero medius, Luna ad cavitates.
Hoc loco videtur designare triplicem mo-
rum, & circuitum Sanguinis, Vnum, qui
fit secundum longitudinem corporis: al-
terum, qui fit in Corde, & pulmonibus:
tertium, qui fit in ventre inferiore intra
venam Portam, & cæliacam. Hippocrati
ignota fuit vena Porta, & eam habuit pro
ramo venæ Cauæ, vt est arteria cæliaca ra-
mus Aortę descendens. Nec ipsam ha-
buit pro vena magna sanguiflua, quia de-
stinata est vehendo chylo, & nutriendis
partibus aluinę regionis.

Textus extat memorabilis apud Hippo-
cratem, lib. de alimento, qui denotat Cir-
culationem Sanguinis. Principium ma-
gnum in ultimam partem peruenit, ex ulti-
ma parte ad principium magnum peruenit,
vna natura esse, & non esse. Ænigma vi-
debitur quibusdam Oedipo dignum, sed
Galenı interpretatione in Commentario
ad hunc locum illustrabitur. Cum in Cor-
de sit vite principium, ipsumque sit & ori-
go, & fons innati caloris, sine quo nullum
animal vivere potest; ideo Cor magnum
principium nuncupat, siquidem ab ipso de-

40 De Circulatione Sanguinis

manans natus calor, in omnes partes adi-
mantis & proximas, & remotissimas, quas
ipse ultimas vocat, omnibus horis, omnique
tempore peruenit, & rursum ad idem prin-
cipium reuertitur, ut talis quadam fiat vi-
cissitudo, quam persepe esse ad vitam ne-
cessariam admonimus, & quâ priuatum
animal non posse, non solum nihil planè
agere rerum omnium, sed ne omnino qui-
dem viuere. Ac fortasse hoc unum, natu-
ram nuncupat, ut quum hic calor adsit,
homo sit, quum ille absit, homo esse de-
beat.

Sed quaeso, quid aliud significat apud
Hippocratem, ἔρρο.α μίχ, σὺμπροα μίχ,
quam istam Circulationem Sanguinis?
quid aliud apud eundem authorem εὐγεία
vasorum, tantopere commendata, quam
libertas canalium, & facilitas meabilis
Sanguini per venas omnes corporis. Pro-
pterea grauiterrant, qui obstructions
contumaces venæsectione curari putant,
ut corpus reddatur εὐγεία. Passim apud
Hippocratem, Sanguinis circuitus moram,
interceptionem, inæqualitatem, morbo-
rum causas esse legimus, cum iuxta Cor
Sanguis sistitur, ipsum breui suffocabit
ab intercepto motu, nisi maturè succur-
ratur detractioe Sanguinis. Atque isthæc
interceptio ἀπολίψις τοῦ Φλεβῶν dicta,

Hippocrati

ex Doctrina Hippocratis Tract. 4 &

Hippocrati, syncopen cardiacam producit, ab eo sic nominatam, quæ proximè accedit ad apoplexiam. Legendus Galenus, lib. 4. de diætâ acutorum. Ex Sanguinis motu tardiore vel intercepto, graues, & funestos affectus exoriri notauit Hippocrates variis in locis: quosdam producam. Lib. de morbo sacro, manus impotentes fiunt, ac conuelluntur, Sanguine quiescente, & dum non diffunditur, ut ante solebat, & ubi pituita defluerit in Sanguinem calidum existentem perfrigerat, ac sistit Sanguinem. Lib. 2. de morbis, Postquam venæ pituitam in seipsas attraxerint, necesse est præ pituitæ frigiditate, Sanguinem nunc sisti, ac perfrigerari, quam priori tempore; dum autem Sanguis non mouetur, fieri non potest, ut non etiam corpus quiescat, ac torpeat. Et lib. 1. de diætâ, Tardiore existente circuitu, sensus paulatim collabuntur, & qui acuti existunt parum commiscuntur, propter circuitus tarditatem. Lib. de flatibus sub finem, cum agit de epilepsiæ generatione, Ex inequali transitu Sanguinis per vniuersum corpus. Lib. 1. de morbis, Cum bilis commota, ad venas & ad Sanguinem ingressa fuerit, Sanguinem ex consueta cōpage ac motione dimouet, & serosum facit ac calefacit. Lib. 2. de diætâ, Calefacto Sanguine, & attracto cele-

42 De Circulatione Sanguinis

rem circuitum faciunt ea, quæ in corpore sunt.

Hanc doctrinam Hippocratis, si nostri Pragmatici, Urbis circuitores, vel potius circulatores, attente considerarent, forsitan in suis discursibus, vel consultationibus Medicis mutarent sententiam, nec tam obstinate hærent, in illo veteri errore *Fernelij*, & aliorum, qui constituunt focum continuæ febris in maioribus vasis quæ inter alas & inguina excurrunt: in eo spatio, quod istis terminis comprehenditur, truncum venæ Cavæ intelligunt, nescio an etiam adiungant truncum Aortæ, cum tamen Sanguis ibi non restitet, & moretur, sed calore febrili excandefactus ocyus excurrat per vniuersum corpus, atque præter venæsectionem partium superiorum, & inferiorum, sit refrigerandus. Sanguis tam assumptis, quàm admotis refrigeriis, quæ usurpabat *Hippocrates*, lib. 3. de morbis. Miror istos Medicos constituere duplicem focum febris assiduæ, vnum primarium in minoribus venis, credo in te ligere ramos venæ Portæ cum partibus culinariis: alterum in venis maioribus, atque cum vident in detractione Sanguinis, post varias epaphæreses, nondum impurum Sanguinem eductum, alicubi latere impuritatem massæ Sanguineæ sustinent,

ex Doctrina Hippocratis Tract. 43

quam ubi vident educi, existimant ad focum putredinis intra vasa maiora peruentum, & audacius ad venam secandam progrediuntur, cum tamen iste Sanguis ex vena Porta eductus fuerit, magna ex parte exhausto Sanguine trunci Cavæ, atque tum liberalius detrahunt Sanguinem, quando quiescendum foret; in debilitate virium, etiam oppressionem semper accusantes, ab isto impuro Sanguine.

*An Hippocrati nota fuerit Circulatio
Sanguinis per Pulmones.*

C A P U T X I I.

RESTAT adhuc mihi demonstrandum, Hippocratem agnouisse Sanguinis Circulationem per pulmones, vel ipsos esse spongiæ & emunctoria Cordis, quia in omnibus ferè ægris Epidemion, quorum historias descripsit, notavit difficilis spirationis symptomata, nunquam pulsus intermissiones, vel inæqualitates. Atque Galenus ea de re tres libros conscripsit, *de difficili respiratione ex Hippocratis doctrina in ægris observata*, quia Sanguis vitiat, & corruptus in morbis, & traductus per pulmones, suæ labis vesti-

d ij

44 *De Circulatione Sanguinis*

stia relinquit in istis partibus, quas per accidens esse puto Cordis emunctoria, & spongiarum. Atque istud monitum cupio à Medicis pragmaticis notari in curationibus morborum, quod indicat summam necessitatem detrahendi Sanguinem in oppressionibus pulmonum cum febre; & ubi carent inflammatione absque febre, purgandi orragogis. interdum mochlicis, ut reuellantur deorsum humores.

In Circulatione Sanguinis Hippocratica quædam dubia resolvuntur.

C A P V T X I I I;

CÆTERTUM, in Circulatione Sanguinis reperio *apud Harucum & Valæum* multa, quæ Hippocratica circulationi fauent, & confirmant eius doctrinam: alia quæ repugnant, & destruunt; hæc tamen ab experimentis dependent, in vivis animalibus administratis, sed mihi valde suspecta sunt.

Hippocrati fauent utriusque Sanguinis venosi & arteriosi æqualitas in calore, consistentia, & pari virtute ad nutritionem, & conservationem caloris nativi. Propterea, cum ab arteriis in venas fiat

ex Doctrina Hippocratis Tract. 45.

transfluxus , potest etiam ab arteriis in venas transfusio fieri, puta cum à ramo superiore venæ Cauæ in brachiis transfusatur in arterias , hæc via breuissima est. Deinde iuxta Cor per reliquum corpus ab arteriis deferitur in venas ; hanc viam transfluxus *Erasistratus* promiscuam esse voluit , & fieri à venis in arterias per paruptosim.

Sed repugnant & destruunt istam Circulationem *Hippocraticam* , experimenta noua , si vera sunt : Sanguis ab hepate transmissus , & semel exceptus Corde , semper deferitur per arterias , & ab his in venas transfunditur ; Nullatenus in arterias regreditur, quod *HARVEVS* demonstrauit , experimento ligati runci Cauæ versus iliacos ramos, & aperta alicubi arteria, totum Sanguinem exhauriri absque vacuatione cruralium venarum, quod indicio est Sanguinem non remigrare in arterias. Præterea adducit Sanguinem per venas ab extremis corporis partibus recurrere ad Cor , nullibi descendere posse, nec redire in arterias. Id probat in jugulari vena interna, quæ ligata in medio collo, & secta infra ligaturam , Sanguinem non emittit ; si supra ligaturam aperiatur, magna copia profundit vsque ad extinctionem animalis. Deinde ligata vena

46 *De Circulatione Sanguinis*

crurali, Sanguis excurrit ad Cor, remanente vena supra ligaturam vacua; infra ligaturam plena est, ac distenta Sanguine; si supra ligaturam aperiatur, Sanguis emanabit; si infra secetur, larga copia effluet. Isthæc experimenta erunt administranda, ut rei veritas exploretur & innotescat. Verum tædiosa, laboriosa & difficilis admodum viuentium animalium anatomicæ, quod etiam fatetur HARVEVS; Sanguinis è vulnere proficientis effusio omnia perturbat, & experimentum irritum, vanumque reddit, adeo ut nihil certi ob impetum Sanguinis demonstrari queat.

De causa impellente Sanguinem in arterias & in venas.

C A P V T X I V.

FORSAN aliquis quæret, quonam impulsore agiteretur Sanguis intra vasa, ut ab vno in aliud transire queat; & per longitudinem corporis reuolui. Respondebo Sanguinis calorem, esse efficientem causam, ex Hippocrate, lib. de carnibus. Cor & vena semper mouentur, & plurimum in venis calidi inest: Et lib. 1. de dieta, Anima hominis (id est calidum innatum) ir-

ex Doctrina Hippocratis Tract. 47

reperit in omne animal quod spirat, itemque in omnem hominem & iuniorem, & senio-rem, tum autem similiter in omnibus auge-
scit, sed in iuuenibus corporibus, ut pote ce-
leri circumuolutione existente: Et alibi,
Ignis omnia quæ in corpore sunt secundum
ipsius modum, exornauit ad uniuersi imi-
tationem, lib. de diæta. Ex Aristotele, lib.
2. cap. 7. Meteoron. Maximum quidem im-
petum habet, estque vehemens maximè, id
omne quod maxima celeritate fertur, ferit
enim maximè sua celeritate. Penetrare au-
tem longissimè natura sua solet id, quod
per omnia irrumperè potest, quale est id,
quod maxima tenuitate præstat. Talis est
Sanguis arteriosus, præsertim si recta
via feratur, non autem per obliquas, &
ambagiosas vias, in quibus frangitur il-
lius impetus.

Præter calorem Sanguinis, vis quædam
attractrix insita est venis. Hippocrates, lib.
1. de morbis. Vena magis trahunt, quam
carnes, & cum calefactæ fuerint, & exi-
nante, magis attrahunt. Circuitus iste
Sanguinis, dum à moderato calore per-
ficitur, in commodum animalis, tum
lentus & tardus esse debet; alioqui vio-
lentus ex febrili calore, noxius est, om-
niaque perturbat. Id significauit Hippo-
crates, lib. 3. de diæta. Nulla amplius fit se-

48 De Circulatione Sanguinis

cretio, præ circuitus violentia. Hippocrates. Sanguinis distributionem in habitum corporis agnouit & declarauit, lib.6. Epidem. sect. 6. Carnes attractrices ex ventre, & extrinsecus, significat, sensus, ut expirabile & inspirabile. Vide Commentarium Galeni & Valesij. Alibi scripsit, Sanguinem & spiritum per carnes effundi, si sanus fuerit homo, sin ægrotet pro Sanguine serum, pro spiritu flatum reponi. Unde licet repetere fluxiones subcutaneas siue intercuties per vniuersum corpus repentes, quas hodie vocamus Rheumatismos, ex superuomitu venarum, serum istud effundentium in habitum corporis.

Utilitates Circulationis Sanguinis declarantur: Sanguinem etiam redire posse naturaliter in arterias, & per venas etiam descendere.

C A P V T X V.

QUÆRET aliquis vsus Circuitus Sanguinis, ex doctrina Hippocratis. Primò necessarius est ad distributionem Sanguinis, tam arteriosi, quàm venosi, in vniuersum corpus ad nutritionem, & conseruationem

ex Doctrina Hippocratis Tract. 49

seruationem caloris natiui. Secundò ad ventilationem Sanguinis , vt per motum illum circularem præseruetur a putredine; siquidem corpora calida humida , sunt obnoxia putredini ; ea de causa Sanguis calidus humidus facilè ex se , naturaque sua , & aliorum humorum permixtione corrumpitur , & putrescit.

Eleganter Galenus , lib. 3. epid. sect. 3. part. 1. *Putredo omnis ex materia humida gignitur, causa efficiens extraneus calor præter naturam , augetur immobilitate. Sic vestem homines continenter quatiunt , præcipuè cum aer humidus calidusque existit , quod immobilitas ipsam putrefaciat. Isthæc comparatio videtur desumpta ex Hippocrate , lib. de natura pueri. Vestes pelliceæ colligatæ ac fortiter compactæ , à seipsis comburuntur , velut ego vidi. Omnia quæ comprimuntur à seipsis calidiora reperies , quàm quæ rarè posita sunt. Ergo mobilitas in Sanguine necessaria est , ad euitandam putredinem , quod fit per circulationem , dum Sanguis per longitudinem corporis assiduè reuoluitur. Adde quod ex Aristotele , lib. 8. Physic. initio , motus omnibus rebus inest , quasi vita , insito enim motu unumquodque durare certum est. Nec putredo illa rectius emendari potest , quam illo motu perpetuo Sanguinis per longitudinem*

50 *De Circulatione Sanguinis*

corporis, qui si impediatur ob plenitudinem vasorum, imminutione Sanguinis excitatur & inducitur per venæsectionem, quæ procurat libertatem meatuum, & istam flabellationem ad vitam necessariam. Iam enim demonstraui ex *Hippocrate*, non tantum vtilem, sed etiam necessariam istam Circulationem, sine qua vita stare nequit. Nam maxima pars morborum lethalium, ab inæquali vel intercepto motu Sanguinis in Corde, vel in cerebro accidit, & oboritur; In Corde palpitationes, præfocationes, inæqualitates pulsuum: In cerebro comatosi affectus, epilepsia, apoplexia, dolores capitis, superuomitibus venarum, & alij innumeri, defectu conuenientis Circulationis contingunt. Quomodo fiat in capite Circulatio Sanguinis, in alio tractatu exposui, nec repeto.

Interea notabis me cum *Hippocrate* & *Galeno*, statuere motum arteriarum, licet alternum, dependere ab ipso Corde, nec id inficiantur Circulationis Sanguinis aduersarij. Atque cum iisdem authoribus asseuero, Sanguinem posse è venis in arterias remigrare, & in ipso ingressu, naturam arteriosi Sanguinis acquirere, alterius permixtione, qui continenter fluit è Corde; Propterea Sanguis iste venosus

ex Doctrina Hippocratis Tract. 51

è manibus , & cubito per longitudinem Aortæ progrediens , altero Sanguine à Corde prodeunte continenter rigatus , euadit æquè arteriosus , ac si per ipsum Cor & pulmones , totus fuisset traductus , per illam Circulationem Sanguinis *Harnæi & Vallæ* , in qua plurimum ei deperit de illa perfectione arteriosi Sanguinis , quam possidet , quando ab vno ventriculo per medium pulmonem traductus , in sinistro Cordis sinu perficitur. Vtrumque Sanguinem tam arteriosum , quàm venosum : (ita appello eum , qui ab arteriis in venas transit :) nutrire certum est , ac indubitatum ex doctrina *Galen*i : sed qui in arteriis continetur perpetuo affluxu arteriosi ac spirituosus Sanguinis è sinistro sinu Cordis fluentis rigatus purior , & calidior existit , eiusque spiritus quoquouersum in omnes corporis partes tam superas , quàm inferas , per obliquos & laterales ramos arteriales distribuuntur ; Propterea suis spiritibus orbatus iste Sanguis , transit in venas , quodammodo dissimilis , ac immutatus propter inopiam spirituum : Nihilominus cursum suum per venas absoluit , Sanguinemque per venas obliquas , & laterales trunci Cauæ per transennam omnibus partibus suppeditat ad nutritionem. Tandem ubi peruenit ad ar-

52 *De Circulatione Sanguinis*

terias manus, & cubiti, nouam formam induit ratione spirituum, quos recuperat, & ita transeundo per Aortæ truncum, spiritibus repletur, quos dispergit in suo cursu vsque ad tibias, & pedes, Corde semper admittente Sanguinem ex Caua in diastole, & emittente in Aortam in systole.

Obiiciet aliquis, motibus contrariis, & contrariis etiam mobilibus nunquam natura eandem viam, & vnam admittit. Hoc falsum docuit *Galenus*, vbi sunt diuersa trahentia, vel impellentia, (exemplo venarum mesaraicarum, quæ chylum adferunt Hepati, & reuehunt Sanguinem ad intestina) contrarij motus in vasis reperiiri possunt.

Porro Sanguinem è venis in arterias naturaliter refluere non est impossibile, quamuis arteriæ habeant motum expulsiuum à Corde in extremas partes: Sunt tamen arteriæ canales interdum immobiles, qui possunt Sanguinem è venis in quibusdam locis excipere, & ritu venarum deferre, vt obseruatum fuit in quibusdam, qui vixere diu absque vlllo pulsu in arteriis, quantum tactu variis in locis, vbi micare solent arteriæ, apprehendi potuit; Obseruaui in quibusdam per totum vitæ decursum, pulsum arteriarum omni-

ex Doctrina Hippocratis Tract. 53

no defecisse in alterutro brachio, raro in utroque, nihilominus integra valetudine fruebantur. Vidit Ronssens, uti refert in *Epistolis*, quendam diu vixisse, absque ullo motu arteriarum sensibili, & manifesto, ut in intestinis interdum aboletur motus peristalticus, in vesica motus expulsiuus, unde urinæ suppressio, per duos tresve annos durabilis, bis in die cathetere vesicam vacuando. Ita motus arteriarum minuitur, vel aboletur. Opponet aliquis vno verbo, hoc fieri contra naturæ ordinem; propterea aliis rationibus hoc demonstro.

Hippocrates in omnimoda interceptione + venarum, id est arteriarum, secatur venam, ut minuatur Sanguis arteriarum, unde oppressio, & prefocatio Cordis oborta, ergo arteriæ possunt obstrui, & opprimi ex abundantia Sanguinis.

Nonne plethoram, siue plenitudinem vasorum dignoscimus ex pulsu arteriæ pleno, duro, & tardo, cum repletæ sunt arteriæ & oppressæ? Ergo in utroque vase potest adesse æqualis plenitudo ex Sanguine, & maior interdum in arteria, quam in vena; unde hoc, si non à refluxu Sanguinis à venis in arterias?

Frustra secatur saphena in morbis inflammatorijs partium, quæ alluuntur à
e iij

54 *De Circulatione Sanguinis*

vena Porta, nisi fieret reuulsio Sanguinis intra coeliacam arteriam, & venam Portam æstuantis, per eandem arteriam coeliacam, quæ reuehit superfluum & regurgitantem Sanguinem in truncum Aortæ descendentis; nam secta vena saphæna, simul & arteriæ vicinæ deplentur. Arteria splenica insignis solitaria, deferret quidem Sanguinem arteriosum in lienem, sed inde potest etiã reuellere & reuehere in Aortam.

His insuper adiicio duo experimenta, quæ produxi in *altero libro de Circulatione Sanguinis meæ Anthropographiæ*, Editionis ult. in folio, pag. 557.

Verùm, facile est probare ex doctrina Circulationis HARVEIANÆ, Sanguinem arteriosum è venis reduci in arterias, si veterem medicinam retinere velit; statuunt enim Sanguinem illum arteriosum in omnes partes corporis deferri, ad vitæ conseruationem, addo per accidens, ad vitæ detrimentum, quum fluxiones sunt in quibusdam partibus corporis; exempli gratia, si per arteriam hypogastricam fluxio facta fuit in vterum, & à parte affecta cupio reuellere Sanguinem per venæsectionem, siue è brachio, siue è pede fiat, necessum est Sanguinem reduci per eandem hypogastricam arteriam in Aortæ truncum, inde per arterias ascendere, vel

ex Doctrina Hippocratis Tract. 55

descendere, nam Sanguis per hypogastricam venā non descendit in venas pedis, ex doctrina circulationis, nec descendit ad venas brachij. Ergo vel admittendū remeabilem esse sanguinem arteriosum per arterias, vel Sanguinem descendere in venas. Produco aliud exemplū à *Valeo* relatum; In pleuritide per arterias fit fluxio in latus affectum: non potest inde reuelli Sanguis, nisi per arterias, ut ipse fatetur, pag. 454. Ergo arteriæ intercostales referent Sanguinem in Aortæ truncum superiorem, si latus superum thoracis sit affectum: si latus inferum, in truncum inferiorem Aortæ; quomodo potest pars affecta exonerari, & Sanguis inde hauriri, nisi larga Sanguinis detractione, cum via sit longissima per arterias, breuissima per venas? Nihilominus Sanguis per arterias effusus in latus affectum remeabit per easdem arterias ex *Valeo*, quod aduersatur circulationi. Ac proinde circulatio vestra, quæ variis experimentis nititur, est falsa, & vitæ valde noxia, atque nostram medendi methodum prorsus euertit. Id etiam adhuc demonstro aliis exemplis.

Suppono fluxionem factam in genu inflammatoriam, quæ postulet repetitam venæsectionem, detrahendus erit Sanguis è brachio, quomodo reuelletur Sanguis?

56 *De Circulatione Sanguinis*

Non per arterias , alioqui ascenderet, ergo per venas. At Sanguis ex vestra doctrina non ascendit supra Cor , neque descendet in brachia.

Itaque nihil ex parte affecta reuellerur. Similiter fingamus ingentem fluxionem factam in manu , mittendus erit Sanguis ex altero brachio opposito ; Sanguis ut transeat in brachium sectum , ex affecto, ascendet per venas : sed descendere debet in oppositum sanum & phlebotomatum per venas , quod videtur vobis impossibile ? Si per arterias ex parte affecta deriuatus fluat in alterum brachium , necessario ascendet , quod aduersatur circulationi HARVEIANÆ.

Supponamus inflammationem in hepate, vel liene ; quomodo inde reuellerur Sanguis ? Si per arterias , ascendet Sanguis : Si per venas ascendet quidem iuxta Cor Sanguis , sed nequaquam descendet in brachium , ex Circulatione HARVEIANA.

Si grauis affectus cerebri efflagitat venæsectionem , non potest depleri cerebrum , nisi per arterias , aut venas , refluente Sanguine : at per arterias id non fiet , quia descenderet Sanguis mutato cursu. Ergo per venas , ac tunc descendet Sanguis per foramen apertæ venæ brachij.

ex Doctrina Hippocratis Tract. 57

Si velimus ad reuulsionem maiorem è pede Sanguinem educere, ex doctrina circulationis, Cerebrum nunquam exonerabitur, nec quidquam à parte affecta exhaurietur, quia per venas non descendit Sanguis ad pedes, neque à cerebro refluit per arterias. Ergo frustra secatur saphena ad cerebri depletionem, quæ speratur ab isto remedio, nisi dicant impetum ascendentis Sanguinis sisti, sed postea Sanguis, qui est in perpetuo & veloci motu, recurret ad cerebrum. Itaque *Hartorius & Valleus* suam Circulationem Sanguinis non accommodarunt ad praxin, & curationem morborum. Neque considerarunt perniciosas istas consequentias, quamvis *Valleus* id à se factum asseueret; Nam ex circulatione putauit se melius iudicaturum, quomodo plurimi morbi curari debeant, si cognitum haberet, cuius venæ incisio, has, illasve potius euacuaret partes.

Isthæc incommoda in mea Circulatione Sanguinis, & in altera *Hippocratica* non reperiuntur, quia Sanguinem duplicem intra venas & arterias ascendere, & descendere posse sustineo, successione vacuati, quamvis habeat naturalem suum cursum per vasa circulatoria, vt à nobis expositum fuit in mea Sanguinis Circulatione, & altera *Hippocratica*. Neque tamen diffiteor

58 De Circulatione Sanguinis

sectis venis pedis, vel brachij, non tantum è venis descendere Sanguinem; sed etiam ab ipsis arteriis vicinis hauriri.

Quod spectat ad descensum Sanguinis à superis partibus ad inferas, negavit HARVEVS, & per ligaturas brachij, id conatus est demonstrare, sed autoritas Hippocratis ipsi non fauet, neque antiqui Authores, qui de ligaturis artuum scripsere ad sistendum Sanguinem. Hipp. sect. 3. lib. 2. Epid. Fluxum sanguinis videtur designasse, obscurè tamen his verbis, *Deligationes in venarum sectionibus impetum faciunt, fortes vero Sanguinem impediunt: per impetum facere* intelligit attractionem Sanguinis utrimque: per impedimentum quod accidit in forti ligatura, intelligit Sanguinis suppressionem.

Scribonius Largus, Medicus antiquus, temporibus primorum Cæsarum, cap. X. agens de supprimendo Sanguine, Oportet, inquit, vitare, artus constringere, quod plerique medicorum faciunt, ignorantes, quod incitatur eruptio, musculorum compressione; quandoquidem omnis constrictio, in utramque partem exigat aquè subiectam materiam.; sicut utrem si quis medium laqueo constrinxerit, animaduerit in utramque partem excludere subiectum liquorem, & si superforatus casu fuerit, in-

ex Doctrina Hippocratis Tract. 59

citatione ei aculabitur quod in eo erit. Eadem ergo ratione quum Sanguis eruptus est, qui constringunt vi magna artus, exprimentes Sanguinem venis subiectum, cogunt magis erumpi per vulnus. Huius rei argumentum est si quis super laqueum percusserit venam, in brachio, qua est animalis, animaduertet aquè incitari Sanguinem ex ea parte, quàm ex inferiore loco, quum percussa est vena. Idque notabile est, contra doctrinam HERVEI, qui negat Sanguinem ex vena incisa supra vinculum effluere.

Calius Aurelianus, lib. 2. cap. 13. versus finem, cum agit de ligaturis ad sistendum Sanguinem, narrat, ex *Antipatro, lib. 3. Epistolarum*, Teneri materiam quidem ligatione, sed cum fuerit indulta, vel relaxata, in repentinum, atque immodicum fluorem venire. Quae quidem verba fauent circulationi HARVEIANÆ. Verum, eruditissimus *Primerosus* aduersus istam ligaturam brachij in venæsectione, experimenta sua producit contra *Harnæum & Vallæum*, plusquam centies se expertum fuisse, applicato sub vulnere digito, Sanguinis fluxum non impediri in venæsectione. Alia adhuc profert experimenta, si ligatura brachij in venæsectione sit arctior, & venam comprimat, cogimur sæpe eam la-

60 *De Circulatione Sanguinis*

xare, vt liberior fiat cursus Sanguinis; Ergo non ab inferioribus Sanguis accedit.

Secundum est experimentum; Certum est fluente Sanguine, si arctissimè vena ligetur sub loco sectionis, ita vt nulla spes sit amplius Sanguinem ad sectionis locum affluere posse ab inferioribus, effluet tamen ex vulnere, modo superius vinculum non sit nimis strictum, indicio Sanguinem à supernis, non ab infernis partibus proficisci.

Tertium. Si prius liges brachium arctissimè inter digitos & cubitum, ita vt pulsus in carpo non amplius sentiri queat, postea autem liges supra cubitum vinculo laxiori, nihilominus venæ inter vtramque ligaturam intumescunt, atque etiam si aperiantur, Sanguis vacuabitur, & hoc etiam docet eas non intumescere Sanguine ab inferioribus veniente. Possem huic experimento pro HARVEO respondere, Sanguinem manare per anastomoses illas venarum & arteriarum, quæ sunt in isto spatio, & totum Sanguinem eius loci exhauriri.

Quartò. Si ab inferioribus Sanguis remearet ad superiora, sectio venarum in manu non minus commode vacuaret Sanguinem, quam in brachio; siquidem Sanguis venarum brachij prius venulas illas

ex Doctrina Hippocratis Tract. 61

pertransit; multò igitur flueret facilius si illæ aperirentur. At contrarium videmus quotidie, dum foru aquæ calidæ attrahitur Sanguis, & in pede, & manu, intra aquam tepidam partes illæ demittuntur, ut Sanguis effluat facilius.

Istæ rationes sunt validæ, & fortiter oppugnant HARVEY doctrinam, ac planè destruunt, veritas tamen in experientia consistit, quæ fallax est admodum in animali crudeliter torto, Sanguine vndeque proruente, qui perturbat istas operationes in aluina regione, & thorace, faciliores sunt in inguine, ut iconæ demonstravit *Valleus*.

De Circulatione Sanguinis ex Platone.

C A P V T X V I.

QVAMVIS Aristoteles *τὴν ἐξ ἑλίου*, circularem pulsionem descriptam à Platone in *Timæo*, reuocauit ad aëris, & spirituum circumactionem in vniuersum corpus; inuenio tamen simul cum spiritu etiam Sanguinem deduci, itaut *ἐξ ἑλίου* proximè accedat ad periodum illam Hippocraticam, de qua supra disseruimus.

Id autem probo variis locis, ex *Timæo* desumptis. Cor vocat venarum fontem,

62 De Circulatione Sanguinis

Sanguinisque qui per omnes partes vehemēter circumducitur τὸ περιεργασθὲν κατὰ πάντα τὰ μέρη (Περὶ τῶν αἱμάτων: eodem libro ad ventris in venas aquationem, ὑδραία, siue ὑδραγωγία, Rete quoddam ex aëre & igne instar gibbosæ sagenæ Deus contexit, quæ duos ad introitum gibbos haberet, ex quibus veluti funes per totum corpus ad texture illius extrema usque distendit: Rete verò, quoniam rarum sit corpus penetrare per ipsum, rursusque emergere, radios autem ignis interiores continuo quodam tenore coquentes subsequi, aëre vltro citroque commeante, idque donec mortale animal fuerit, constitutum nunquam desinere. Paulò post: Omne huius vniuersi animal omnino in venis & sanguine calorem habet, quasi fontem ignis in seipso, idque sagenæ, siue texture retis assimilauimus, quæ duas egressiones habet, vnā per os & nates: alteram per corpus extra. Cum igitur spiritus ad alterutram partem se impulerit, ad alteram contra circumrotando repercutit: At quo dilisu percussus est calefit, & in ignem irrepens calescit magis, & sic in gyrum vertitur. Paulò post: Sanguinea variè in nobis distributa & circumsepta visceribus, quamdiu vnumquodque animal viuit, sub hoc cæli conuexo, vni-

ex Doctrina Hippocratis Traët. 63

uerſi lationem coguntur imitari. Idem confirmat in Timæo Locro. Sanguis & ſpiritus velut Euripus viciffim feruntur in corpus, illud verò ſecundum influxus diſtenditur. Paulò poſt: Aſtice, & quæ huic cognata eſt Medicina, purum Sanguinem ſpiritumque expedite fluentem, reddit, ſi non amplius tranſitus eſt ſpiritu, aut alimentum minimè diſtribuitur, animal interit. Ex iſtis locis verbo tenus recitatis, manifeſte probatur, ſpirituum & Sanguinis Circulationem notam fuiſſe *Platoni*. Imò huius rei aſſertorem, ſi non inuentorem fuiſſe. Sed quomodo & per quas vias iſta Circulatio fiat, Philoſophus non adeo diſtinctè vt *Hippocrates* expoſuit. *Galenus* Commentario in Timæum *Platonis*, *πλὴν αἵματος* interpretatur de reſpiratione, quamuis motiones iſtas aëris, quæ nunquam ceſſant, quamdiu animal viuit, fieri, & edi ſcripſerit, tum ad reſpirationem, tum ad diſtributionem alimenti. In Commentario alterius textus ſic explicat iſtam circulationem. In cuiusmodi motione non exquiſite fit circulus, qui ad eadem omnino circumfertur, ſed vt ipſe dixit, *ἢ ἄρα, καὶ ἢ ἄρα*, id eſt huc & illuc, in hocque *Platonis* opinio ab Academicorum opinione differt, non quemadmodum dicebat *Eraſſtratus*; Volunt

64 *De Circulatione Sanguinis*

enim Academici, vt per exquisitum circuitum perpetuo aër ad eadem, ac simili modo circumferatur; *Plato* verò non per circulum vult, sed per duos, vt quispiam dicat semicirculos, qui contrario in se motu moueantur. In altero fragmento quod edidit *Ren. Carterius*, Doctor Parisiensis eruditissimus, in notis ad hunc librum, confirmatur ista opinio de circuitu aëris & sanguinis per respirationem Platonicam. Respiratio non solum in causa est, vt calor refrigeretur, sed etiam cibus aptè concoquatur: Ignis enim ille internus, quem natiuum calorem appellamus, aëris inspiratione temperatus, concoctos, & in Sanguinem mutatos cibos in totum deducit, atque distribuit, quæcumque nactus est spiritum & habitum, qui inspirando ingreditur, tum facilius difflatus, totum corpus peruadit, facitque, vt venæ, quæ alioquin conciderent, Sanguine repleantur, & quamuis fusus per venas fluat propter admistionem pituitæ, tamen respirationis opem requirit, vt in varias corporis partes ascendat, atque descendat.

De Circulatione Sanguinis, ex Aristotele.

CAPVT XVII.

TOTVS Sanguis ex doctrina Aristotelis, & eius Sectatorum, in iecore præparatus, debet ire ad Cor, vt suam perfectionem nutritiam, & vitalem adipiscatur. Cum autem eò allabitur, sensim debet ingredi, & subire ventriculos Cordis, vt ibi efferuescens, & spumans distendat, & attollat ventriculos. Distensionem necessario sequitur contractio, quæ est systole; atque ita alternis vicibus Cor sese attollendo, & contrahendo, excipit, & demittit Sanguinem meliore forma præditum, quàm cum accessit, vt pote mutatum in vitalem & arteriosum. Ist hæc agitatio naturaliter non fit, cum impetu, & violentia, vt in febribus: sed lento gradu incedit Sanguis, ac proinde ista transiitione, vix intra diem totus Sanguis potest traduci.

Huius circuitus causas varias adfert Aristoteles. Ex lib. de Iuuentute prima desumpta est, caloris sedes, & principium cum sit in Corde, motu & excursu caloris foueri necessum est, ignis enim fluminis

66 De Circulatione Sanguinis

instar perpetuo gignitur , atque fluit. Altera est ab eodem Philosopho deprompta: in nobis continetur calor astrorum elemento analogus : at astrorum calor agit lumine, & motu, similiter & calor ille cælestis in nobis insitus , qui cum in Corde radicaliter hæreat , Cor ipsum perpetuo mouet , propter Sanguinis appulsum continuum , & caloris irradiationem. Tertia causa petitur ex eodem Philosopho , *cap. ult. lib. 4. de gener. animalium*, Cum cælestia corpora circulariter moueantur , inferiora corpora motum illum imitari debent , cumque Oceanus fluxu , & refluxu moueatur ab influxu Lunari, similiter humores talem motum habere necessum est. Quid ista significant nisi Sanguinis Circulationem ? De Sanguine hanc memorabilem sententiam profert , *lib. 3. de historia animalium* , *cap. 19.* Palpitat intra venas Sanguis omnium animalium , pulsuque simul vndique mouetur , solusque omnium humorum pulsus per totum corpus animalium est , & semper , quamdiu vita seruatur , animatur & feruet , si multum Sanguinis effluit , anima deficit , si nimium , vita interit.

*Anacephaleosis siue recapitulatio
huius Tractatus.*

C A P V T X V I I I.

ITAQUE sustineo, quod probaui ex Hippocrate, Sanguinem moueri indefinenter per longitudinem corporis intra vasa maiora sanguiflua, Aortam, & venam Cauam, à manibus vsque ad pedes: Venam Cauam iuxta Cor, in eius diastole suppeditare Cordi Sanguinem, quantum indigeat ad procreationem vitalis Sanguinis, & motus Cordis continuationem: Aortam assidue effundere Sanguinem vitalem in Cordis systole per vniuersum corpus, qui permiscetur Sanguini circulato: sanguinem ab arteriis in venas transire in pedibus, sed in manibus in arterias recurrere per anastomoses mutuas vasorum inter se; motum istum perfici à spiritibus impellentibus, & vi attractrice vasorum. Ac proinde istam circulationem probabiliorem esse, ac potiore ad vsum Medicinæ, altera circulatione ab HARVEO introducta, quæ non potest stare, & verisimilitudinem habere, nisi ex mea correctione, & interpretatione.


68 *De Circ. Sang. ex Doct. Hipp. Tr.*

Si quis obiciat , metu putredinis in habitu corporis , necessariam esse totius Sanguinis Circulationem ; Respondebo arteriarum viciniam , earumque motum impedire istam putrefactionem ex immobilitate , nisi prohibita fuerit transpiratio. Primus gradus putredinis ex *Galeno* , cap. 10. lib. 11. *methodi* , est *prohibita transpiratio*. Adde quod Sanguis parcè distribuitur illis partibus , quantum indigent , & attrahunt , nec nisi valde repletis maioribus canalibus Aortæ & Cauæ , Sanguis regurgitans amandatur in vniuersum corporis habitum , ex proprio impetu , & impulsu naturæ , sese exonerantis ista sarcina , & liberantis partes internas à repentina suffocatione. Hisce finem facio , *Amice Lector* : aut profer meliores epulas , & me conuiuare , aut nostra qualicumque cænula contentus esto , vt loquitur *D. Hieronymus*.

F I N I S.

IOANNIS
RIOLANI
NOTATIONES
IN
PRIMAM EXERCITATIONEM
ANATOMICAM
DE MOTV CORDIS
ET SANGVINIS
IN ANIMALIBVS.

Auctore GVILLELMO HARVEO,
Anglo, Medico Regio, & Professore
Anatomico in Collegio Medi-
corum Londinensium.





PRÆFATIO

AD

LECTOREM.

QUUM primum vulgata fuit opinio HARVEI de Circulatione Sanguinis, mihi valde placuit, quia subtiliter inuentam, & ingeniosè probatam videbam. Offendebam tamen multas difficultates, quæ meum animum suspensum tenebant, ac impediebant, ne assensum ei praberem in omnibus articulis, quos constituit ad confirmationem suæ doctrine. Sed potissimum me renocabat, quod morborum curationibus ipsam aduersari cerne-

*rem. Propterea re diligenter perpensa
& examinata, post meum reditum ex
aula Regine Domina mea, ad calos
raptæ, ut Divis adscriberetur, vias
Circulationis correxi, novas proposui,
atque portionem dumtaxat Sanguinis
circulari demonstravi. Quantum au-
tem noceret in Medicina, HARVEI
Circulatio totius Sanguinis, etiam
exposui. Quid egit ille? tacuit, negle-
xit respondere illis obiectionibus, quæ
continentur in meo tractatu de Circu-
latione Sanguinis. Sparsæ quædam in
meo Encheiridio Anatomico dumtaxat
impugnauit, quibus me nervose satis
opposui. Verùm, cum animaduicerem
HARVEVM confidenter assevera-
re, lib. de generat. animalium, pag.
154. circuitum Sanguinis admira-
bilem, à se iampridem inuentum,
neminem refellere, vel quidpiam
opponere potuisse, quod respon-
sum mereatur: Accuratius relegi
eius Exercitationes anatomicas de mo-*

in Sanguinis Circularorio, atque in
 iis notavi multa, quæ merentur ani-
 maduersionem. Ac proinde ne cre-
 dat ille suam doctrinam adeo certam
 & indubiam, ut sit prorsus innicta,
 & à quoquam inexpugnabilis, ten-
 tavi eius examen, non contradicendi
 studio, sed ut inuitarem, & exhor-
 tarer HARVEVM, ad persequen-
 dum nò diu, cum demonstrarit per-
 fectè, ut ait, nò òn. Sed vereor ne
 tot inueniat salebras, & remoras in
 explicatione causarum, quæ ipsum
 retardant à 25. annis, ut non sit spe-
 randa, & expectanda huius laboris
 editio, & tanti boni fruitio, quæ
 Medicinam præsertim practicam, plu-
 rimum illustraret, ac locupletaret.
 Precor Deum, ut in multos annos
 HARVEI vitam conseruet, atque
 nos beare velit isto beneficio, & ego
 ante obitum possim videre Circulatio-
 nis causas, & utilitates ad bene me-

74 PRÆFATIO AD LECT.
dendum, ab ipso Circulationis au-
thore, & inuentore accuratè explica-
tas.





IOANNIS RIOLANI

NOTATIONES

In primam Exercitationem Anatom-
micam de Motu Cordis, & San-
guinis in Animalibus.

*Ingeniosus labor HARVEI in perqui-
rendo Motu Cordis, & huius laboris
difficultas, notabiles errores
HARVEI.*

CAPVT PRIMVM.



HARVEVS profitetur se non ex
libris, sed ex dissectionibus,
non ex placitis Philosophorum,
sed fabrica nature discere &
docere anatomen, in Epistola
Dedicatoria; Ergo non sapit ex Commen-
tariis Anatomicorum, sed ex libro natu-
ræ, quem perscrutatus est diligenter, quod
g ij

76 *Ioannis Riolani Notationes*

confirmat hoc capite, in animalibus per autopsiam, & non per libros, aliorumque scripta, inuenit Cordis motum, & utilitates. Ipse sibi magister fuit, quod de se predicabat Epicurus.

Difficultatem operis declarat ibidem; difficilis est motus Cordis in sua systole & diastole, quia nictu oculi, & quasi traiecto fulgure, sese in conspectum exhibet, ut nescias quomodo sint distinguendi motus. Nec mirum si Galenus ad exactissimam, & absolutissimam pulsuum cognitionem, requiri totam vitam hominis prodidit, lib. 1. de dignoscendis pulsibus, cap. 7. Propterea statetur se multos annos in systoles natura cognoscenda consumpsisse; Annorum numerum non determinauit Galenus, & falso Montanus Veronensis, & alij 20. annos scripsere.

Nec absque ratione scripsit Fracastorius, Soli Deo motum Cordis cognitum esse.

HARVEVS magnam habet sui operis fiduciam, Cui nemo contradicere potuit, & aliis experimentis refellere; Exercitat. 3. & lib. de generatione animalium, pag. 154. Circuitum Sanguinis admirabilem, à me iampridem inuentum, video propemodum omnibus placuisse, nec ab aliquo quopiam haectenus obiectum esse, quod responsum magnopere mereatur, &c. Addit, Quapropter si

de motu Cord. & Sang. in An. 77
circuitus illius causas, & utilitates addi-
dero, aliaque Sanguinis arcana exposue-
ro, &c. Isthæc ab illo expectamus, & ex-
optamus, quod nondum præstitit. Nisi
intelligat, quæ produxit paradoxa de San-
guinis natura, *lib. de generatione anima-*
lium.

Ac ne putet suum Circulati Sanguinis
inuentum inexpugnabile, Notabiliores
hypotheses erroneas, quæ in isto tractatu
continentur, & quibus suam Circulatio-
nem Sanguinis stabilire conatur, enu-
merabo.

Quod totus Sanguis undiquaque circu-
latur, tam ex vena Porta, quam ex uniuers-
so corporis habitu. Id refutaui *tract. de*
Circul. Sanguinis, & responsionibus ad duas
postremas Exercitationes HARVEI.

Quod totus Sanguis è corde traducitur per
pulmones in Aortam, secundum naturam
ordinario motu. Id refutatum in primo tra-
ctatu de Circul. Sanguinis.

Quod medium septum Cordis non est per-
suium, & aptum traducendo Sanguini, à
dextro in sinistrum ventriculum. Id falsum
esse demonstraui ibidem.

Quod arteriæ solæ continent Sanguinem
vitalem, arteriosum, alimentarium; venæ
sunt tantum reuehendo Sanguini ad Cor
destinata, neque Sanguis venarum nutrit,

78 *Ioannis Riolani Notationes*

tanquam effectus & ineptus alendo. Id falsum esse probaui variis in locis.

*Quod Sanguis semper ascendit siue re-
meat per venas ad Cor, nec unquam de-
scendit per venas. Id falsum demonstraui
tract. de Circulatione Sanguinis Hippo-
cratica.*

*Quod nulle sint anastomoses venarum &
arteriarum, sed ubique Sanguis arteriosus
per porositates carnis distribuatur, & exsu-
gatur à venis. Id refutatum in respons. ad
secundam Exercitationem HARVEI.*

*Motum Cordis, & arteriarum esse à San-
guinis impulsu. Id negatum variis in locis,
atque falsitas ostensa.*

*Ad recoquendum, & recalcfaciendum
Sanguinem cōparatam esse istam circulatio-
nem Hoc falsum esse variis in locis proba-
ui, nec in partibus aluinæ regionis, Tho-
race, & Capite necessariam esse.*

*Cor esse conditum ad excipiendum San-
guinem, & propulsandum in uniuersum
corpus. Hoc falsum esse probaui respon-
sione ad tertiam Exercitat. & in hoc tra-
ctatu.*

*In Sanguine contineri totam vitalitatem,
quam attribuunt Cordi. Hoc ridiculum esse
ostendi in hoc tractatu.*

*Quod perficiatur Sanguinis totius circu-
latio intra unam aut alteram horam, ix*

de motu Cord. & Sang. in An. 79
pulsuum arteria in una hora computatione. Quod falsum variis in locis probaui.

Nihil posse transire à venis in arterias, nisi per Cor. Id falsum demonstraui in tractatu de Circul. Sang. Hippocratica.

Omnes istas aberrationes, vt mitius loquar, in his notationibus & alibi falsas esse probaui.

EXAMEN CAPITIS II.

Qualis sit motus Cordis?

Pag. 22. **H**ARVEVS existimat in motu erigi Cor, & in mucronem se sursum eleuare, sic vt illo tempore ferire pectus, & foris sentiri pulsatio possit.

In viuentibus animalibus quadrupedibus, & homine, ita Cor moueri nequit, quia in quadrupedibus, quæ ventrem habent pronum, & deorsum inclinantem, Cor ferit pectus, sed inclinatum, non erectum: in homine & boue, quia Cor inclusum pericardio habent, & directum conum versus centrum diaphragmatis, cui adnexum est orbiculatum pericardium, non potest Cor erigi, conus eleuari, & ista parte ferire pectus.

Id etiam in viuentibus animalibus qua-

80 *Ioannis Riolani Notationes*

drupedibus experiri licet prono corpore; nam in resupino animali Cor non tanger cono suo pectus, quia diuulsum erit. For- san dicet aliquis istam observationem de Corde incluso intra pericardium, & re- uulso ad centrum diaphragmatis, non concludere necessariò, Cor ferire pectus suo cono, sed potius Aortæ truncum emi- nentem, & durum, in sua diastole, cum excipit Sanguinem arteriosum constricto Corde pectus percutere, Cor autem elon- gatum in systole, cono suo percutit cen- trum nerueum diaphragmatis, atque Aor- ta dilatata, & intumesciente ferit pectus. Id explorari potest in animalibus viuenti- bus integris admota manu thoraci, dein inuerso, & resupino corpore, an eodem modo percutiat pectus. Postea in vitulo media parte sterni auulsa, si manus in thoracem introducatur, explorabis num Cor cono suo feriat pectus; quin etiam aperto abdomine distractis xentriculo, intestinis, & hepate, id manifeste perci- piesz.

Pag. 23. Fallitur HARVEVS cum statuit, *Systolen veram esse Cordis actionem, in qua mouetur: in diastole non moueri, nisi per accidens, dum laxatur, quia tum passiuo agit, admittendo Sanguinem.* Diastole per- æque est actio Cordis, ac systole, cum

de motu Cord. & Sang. in An. 81
non possit admittere , nisi distendantur
ventriculi , aperiantur valvule tricuspi-
des , quæ habent columnas carneas , tan-
quam musculos , quibus sunt affixæ mem-
branæ , velut aponeuroses , siue tendones
appositi vasis admittentibus Sanguinem ,
ut orificia vasorum introrsum adducan-
tur; Tumque basis ad conum accedit, Cor
abbreviatur , magnaue fit dilatatio. Sy-
stole fit à fibris omnibus constringentibus
& comprimantibus parietes ventriculo-
rum Cordis , tumque Cor extensum est ,
eodemque tempore cono tangit centrum
nervæum diaphragmatis ; atque Aorta suo
eminente trunco & elevato , ac distento
principio duro ferit pectus. Adde , quod
diastole & systole arteriarum , quæ depen-
dent à Corde , demonstrent Cor in vtra-
que actione moveri.

EXAMEN CAPITIS III.

*Arteriarum motus qualis ex vincto-
rum dissectione.*

Pag. 24. **V**ERVM est motum Cordis & ar-
teriarum non esse simultaneum ,
sed successivum. depletis ventriculis Cordis ,
arterias dilatari , quando deplentur ventri-

82 *Ioannis Riolani Notationes*

culi in contractione Cordis, distenduntur arteriæ in sua diastole. Hæc quæstio disceptatur animosè à multis in Physiologia. Sed præter rationē, sensus id manifeste demonstrat, Cordis, & arteriarum alternos esse motus; Ac proinde tuas observationes lando; Non est imaginabile in singulis ictibus arteriæ, depleri momento omnes arterias, sed tantum successivè, ut fluctus ad littus maris appellant, sic impulsus sit Sanguinis arteriosi in venas. Notavi multoties in palpitationibus Cordis vehementibus arterias non sequi motum Cordis sed bis terve pulsare Cor, pro una diastole arteriarum; quod indicat arterias in sani & ægris corporibus, non semper sequi motus Cordis.

EXAMEN CAPITIS IV.

Motus Cordis & auricularum qualis?

QUONIAM tractatio de motu Cordis referri debet ad hominem, priusquam HARVEVS motum Cordis exponeret, debuerat proponere situm Cordis, eiusque connexionē homini peculiares. Nam pericardium Cordi circumtentum centro nerueo diaphragmatis annexum, & sterno

de motu Cord. & Sang. in An. 83

appensum est, interuentu mediastini. Cur in homine ista peculiaris conformatio, vt diuersum haberet situm in figura sua, & motu, à brutis animantibus, hæc præsciri debent, antequam Cor sua capsula spoliatum, & è sede dimotum, consideretur.

Pag. 26. In eius motu examinando HARVEVS RIOLANVM reprehendit, *Quod scripserit quatuor motus loco & tempore distinctos in Corde observari, quorum duo sunt proprij auricularum, alij duo conueniunt ventriculis Cordis. Nam auricula habent suam diastolem, & systolem, vt ventriculi Cordis. Cum autem auricula expellunt per systolem, ventriculi dilatantur per diastolem.* Quæ mea fuit sententia, non distantia ab HARVEIANA. Sed agnostico motuum reprehensionis, quod pro quatuor putat reponendum duo, quia ambæ auriculæ eodem modo mouentur, & eodem instanti, similiter duo ventriculi, in vtriusque diastole & systole.

Motus ab auriculis incipit, & in ventriculos progreditur. Inter hos duos motus tēpus aliquod quietis intercedit, ergo tempore & loco sunt distincti, ex propria confessione HARVEI. Paulò post: *Sanguis ingreditur in ventriculos nō attractione, aut distentione Cordis, sed ex pulsu auricu-*

84 *Ioannis Riolani Notationes*

larum immiffus. Ergo per ſyſtolem auriculæ pellunt in ventriculos dilatatos. At in homine adulto quum auricula ſiniſtra ferme ſit ſolida, & exſiccata, quomodo Sanguinem poteſt excipere, vt expellat rapide in ſiniſtrum ventriculum, vt dextra ampliffima in dextrum poteſt effundere; quomodo auriculæ poterunt eſſe promptuaria Sanguinis, ſi ſiniſtra non fuerit excavata, vt in ſingulis motibus vacuetur? Multi vident ac tractant Corda hominum & animalium, nec iſtud diſcrimen auricularum animaduertunt in adultis, & foetibus, quia ſiniſtra in his eſt amplior dextrâ.

Pag. 27. Notabile eſt quod ſcribis à te obſervatum, *Cor anguillæ, & quorundam piſcium, & animalium, etiam exemptum abſque auriculis pulſat.* Inde infero non eſſe neceſſarium motum auricularum ad motum Cordis perficiendum, & in adultis auricula ſiniſtra aboletur tanquam inutilis, eiufque tantum veſtigium remanet. Dextra moderatrix eſt Sanguinis in Cor influentis, motum habet vt vena Cava Cordi proxima.

Pag. 27. In prima animalis generatione intra ſeptem dies ab incubatione, quid in ouo gallinaceo cernatur deſcribis: *Ineſt primum ante omnia gutta Sanguinis, qua*

de motu Cord. & Sang. in An. 85

palpitat. quod etiam annotavit Aristoteles, ex qua incremento facto, & paulo aliqua ex parte formata sunt Cordis auriculae, quibus pulsantibus perpetuo inest vita, tum postea corpus delineari incrimissis diebus aliquot incæperit, tum etiam Cordis corpus procreatur, & per aliquod tempus albidum apparet, & exangue, ut reliquum corpus, nec pulsus edit, nec motum. Ausim affirmare multa in hoc articulo contineri absurda; puta binas auriculas formari ante Cor; punctum palpitans quod deprehenditur, esse auriculam Cordis, ipsam palpitare per aliquot dies, immoto Corde; quod albidum, & exangue cernitur. Hæc omnia non cohærent inter se, sed plurimū discordant à tua doctrina, nisi veis insinuare sanguineum punctum palpitans esse Cor; ac proinde sanguinem primū moueri & formari, ex isto Sanguine effingi auriculam, dein alteram, quod est tuum paradoxum demonstratum lib. de generatione animalium. At paulò ante dixisti Cor moueri resectis auriculis, ergo motus Cordis non dependet ab auriculis.

Sed mirari subit, quomodo dixeris Sanguinem vti Corde ceu instrumento, quod Sanguis genuit, & per arteriam coronalem etiamnum nutrit, illique calorem,

86 *Ioannis Riolani Notationes*

spiritum, ac vitam elargitur, cum tamen ista commoda à Corde prius genito accedere Sanguini omnes Medici & Philosophi sustineant. Ipsemet *Aristoteles* Sanguinem per accidens esse calidum insinuauit. Idem prius scriptum ab *Hippocrate*, lib. de *Corde* : *sanguis*, qui extrinsecus Cordi suppeditatur per venas & arterias, impenditur conseruando adipi circumfuso.

Restat affirmare, Cor ob circuitum Sanguinis, fuisse fabricatum. Mihi videtur *HARVEVS* Φιλικύτης diligens Sectator, ex regula generali particularem velle demonstrare in animantibus. At infinita sunt animalia, quæ habent Cor sine Sanguinis Circulatione, vt sunt aues & pisces. Ergo Cor non est conditum propter Sanguinis circuitum : sed nobiliori actioni destinatum est, vt sit focus, sedes caloris natiui, quem singulis partibus imperit, ad suas functiones edendas per suos canales, nempe arterias. Cor, inquit *Aristoteles*, lib. 3. de partibus animal. cap. 4. est veluti animal quoddam, quod ex se mouetur ratione calidi innati, quod ad imitationem ignis cælestis est in perpetuo motu. Ideoque Cor primum viuit, viuens feruet, feruens agitur. Ista desumpta sunt ex *Aristotele*, qui libro de motu animalium, Cor vocat quasi animal separa-

de motu Cord. & Sang. in An. 87

tum, eo quod in se habet humidum radicale, & egreditur ex Corde semen prolificum non secus ac animal quoddam ab animali euulsum.

Pag. 28. Laudo tuam diligentiam, & industriam in examinanda Cordis formatione in pullo, post *Hippocratem, Aristotelem*, & alios, quando supponis motum Cordis incipere ab auriculis, & in ipsis mori. Hæc plurimum faciunt ad probandum usum anastomoseon Cordis nondum excavato Corde, & ad meam opinionem infra accommodabo.

Merito dubitatur, an *Sanguis affluens ad Cordis formationem, adfert secum aliquam vim motivam*, quam retinere post mortem vidit HARVEVS, quia animalium *Sperma & Spiritus prolificus palpitando exit, velut animal quoddam, ut notavit Aristoteles*. Nec quidquam valet isthæc auctoritas, quia prorsus aduersa tuo proposito. Nam *Philosophus, cap. 2. lib. de motu animalium*, notat partibus genitalibus motum inesse, quia genitalis virtus ab ipsis prodit, quasi animal quoddam. Semen non exit palpitando, sed per ejaculationem, quia per partes erumpit saliendo, quia fluit è vasculis seminariis per angustum foramen.

Pag. 29. *Notandum in omnibus ani-*

88 *Ioannis Riolani Notationes*

malibus, ubi Cor inest, ibi auriculas esse, vel auriculis quid analogum, & ubicumque Cor duplici ventriculo donatur, ibi duas semper adstare auriculas, non contra. Id concedo, sed non confirmat usum, & necessitatem auricularum, quæ dumtaxat in foetu vera comperies, donec excavatum, & absolutum fuerit: edito foetu sensim in adultis aboletur sinistra, remanente semper auricula dextra.

EXAMEN CAPITIS V.

Cordis motus, actio, & functio.

Pag. 29. **D**V M explicas motum Cordis, Manifeste declaras motus auricularum, diversos esse à motu ventriculorum; Primum contrahitur auricula, & Sanguinem in Cordis ventriculum eiecit, quo repleto Cor se erigit, omnesque suas fibras intendit, contrahitque ventriculos, ut pulsum faciat. Pulsus æquales, ordinati, eodem instanti ubique facti, demonstrant à virtute Cordi insita, & fixa; non fluxa, & mobili pendere.

Pag. 6. Nec enim imaginari possum, quomodo per canalem mollem, & per varios mæandros, possit Sanguis æquabili
rythmo

de motu Cord. & Sang. in An. 89

rythmo effundi per omnes arterias corporis eodem instanti, & pulsum facere: Hoc mihi videtur impossibile, ut æquabilitas, & coincidentia pulsus, reperiatur in omnibus arteriis, nisi maioribus, quod experimur in mutationibus pulsus in Corde, quas simul in arteriis, quæ possunt tangi, consimiles obseruamus.

Scribis, *Venam arteriosam in pulmones obliterari, similiter arteriam venosam.* Si obliterantur, in filamenta diuisæ euanescent, quomodo fieri potest illa transvasatio celerrimè, ab vno vase in aliud intra pulmones?

Textus ille *Galenii aduersus Erasistratum*, quem producis, tuæ opinioni non fauet, nam si Sanguis ab hepate præparatus ad Cor traducatur, ut suam perfectionem assequatur, per venam Cavam introductus in dextrum ventriculum, non habet viam patentem, per quam refunditur in vniuersum corpus, quia per septum Cordis traductio Sanguinis est illius, qui ad conficiendum Sanguinem arteriosum destinatur, ex *Galeno*: neutiquam totus Sanguis percolatur, alioqui nulla esset distinctio Sanguinis arteriosi, & venosi. Neque per pulmones Sanguinis traductionem possibilem esse credidit *Galenus*. Atque hoc argumentum validum erat ad-

uersus *Erasistrati* opinionem, quod elu-
ditur per istam Circulationem HARVEIA-
NAM: an bene vel malè disquiretur postea.

EXAMEN CAPITIS VI.

*Quibus viis Sanguis è vena Cava
in arterias, vel è dextro, in sini-
strum ventriculum deferatur?*

Pag. **P**ER I T E animaduertit *Primari-
34. sus*, HARVEVM imperitè describe-
re anastomosim venæ Cavae cum arteria
venosa.

Nam iuxta Cordis basim, vbi vena Ca-
ua Cordi iungitur, intra auriculam dex-
tram ista fit pertusio, & communio, mem-
brana foramini obtensa, non est foramine
maior, sed æqualis, quæ edito foetu in lu-
cem, paulò post foramen occludit, non
obliterat, vt scribis, nisi in senibus.

Male describis alteram anastomosim,
nam vena arteriosa duobus digitis à Cor-
de distat, per canalem iungitur inferiori
trunco Aortæ descendentis: quomodo
potest Sanguis venosus è dextro ventricu-
lo per istam anastomosim deferri in Aor-
tam? Si totus Sanguis venosus non ip-

de motu Cord. & Sang. in An. 91
grediatur Cor; sed fluat per alteram anastomofim in finiftrum ventriculum Cordis, non fufficit dicere, *Naturam duobus ventriculis pro unico uti in foetu.* Nam pernego Sanguinem venofum intrare dextrum Cordis ventriculum, fufficit fi ab una auricula dextra in finiftram tranfeat per foramen, quia duę auriculę pulfantes, officio Cordis funguntur nondum perfecti, & fuis partibus abfoluti. Aorta transmittit Sanguinem per canalem iftum breuem in venam arteriofam, ad nutritionem pulmonum. Iamdudum monueram fuperfitem me vidiffē in adultis primam anastomofim, peruiam, nunquam obferuare potui alteram remaniffē integram.

Pag. 33. Ut probet HARVEVS traductionem Sanguinis ē vena Caua in arterias, vel ē dextro Cordis ventriculo in finiftrum, producit duas rationes. Prima eft, *Quum maior numerus fit animalium non habentium pulmones, quam habentium, & fimiliter maior numerus fit, vnum tantum ventriculum Cordis quam habentium duos, proclino eft ftatuere in animalibus ut plurimum, & in vniuerfum Sanguinem aperta via ē venis in arterias, per Cordis finum transmitti.*

Ex ifta propofitione confequentia non
h ij

§2 *Ioannis Riolani Notationes*

valet in homine, quia eius structura dissimilis à brutis animalibus; deinde ab imperfectis animalibus desumptum argumentum non concludit in perfectis animalibus ita fieri debere, id est per apertas vias in Corde perfici Circulationem Sanguinis, id quod primum & perfectius est in vno quouis genere, reliquorum cognoscendorum constituit regulam, ex *Aristotele in Metaphysicis*, non verò ex imperfectorum intuitu, perfectorum cognitio dependet, id quod arridet *HARVEO*.

Altera ratio est. *Si in embryonibus, qui pulmones habent, Sanguis in Corde per vias patentes distribuitur, ut cernere est in anastomosis vasorum Cordis, quia pulmones sunt immobiles, quidni in editis, & adultis idem perficietur?*

Consequentia falsa, quia Cor licet mobile, non est tamen excavatum, & in ventriculos discretum, nec undique perfectum & absolutum. Ideoque Sanguis cum nequeat per Cordis ventriculos transire, naturas ista anastomoses inter vasa Cordis effinxit ad Sanguinis traductionem. Propterea in hoc capite reprehendo, quod vias Sanguinis deducendi ad pulmones non designaris in foetu, ad eorum conformationem & nutritionem, nullam facis men-

tionem alicuius vasis eò deferentis Sanguinem.

Quia Cor Sanguinem exceptum dextro suo ventriculo, transmittit in arteriam magnam, per canalem anastomoseos inter venam arteriosam & Aortam. Ideo Sanguis venæ Cauæ ex te traducitur in sinistrum Cordis ventriculum, per foramen ouale, & in dextrum ventriculum per orificium cauæ, quod est absurdum.

Nam ex te pag. 18. Cor est immobile, Nec pulsum & motum edit in ovo, & Corde adaucto ventriculos habet, aucto & conformato foetu, pulsantibus auriculis. Quomodo potest admittere, & expellere Sanguinem? nam eius officio funguntur auriculæ; quare rectius dixisses, Sanguinem in foetu per anastomosis oualem deferri in auriculam sinistram, ab ea in Aortam vicinam deriuari in vniuersum corpus, & per canalem alterius anastomoseos, portionem Sanguinis distribui pulmonibus. Hæc est recta via, ac proinde inanis tua ratio. Naturam uti duobus ventriculis pro unico ad Sanguinem transmittendum, ac si disruptum esset septum Cordis.

EXAMEN CAPITIS VII.

Sanguinem de dextro ventriculo Cordis , per pulmonum parenchyma permeare in arteriam venosam , & sinistrum ventriculum.

Pag. **V**T probes traductionem Sanguinis à Corde per pulmones , Adducis in exemplum potum aquarum mineralium vitriolataram , qua ad libras 15. & ultra epota intra unam aut alteram horam traducuntur per hepar , & renes , quorum carnes sunt densiores , via angustiores , quam in pulmone , cuius parenchyma spongiosum laxius , in corde vis propulsans , qua deest in alijs visceribus.

Quid si negarem per jecur transire aquas minerales , sed per lienis substantiam traduci , breuiore , & celeriore via , duas esse arterias in liene , quæ huic officio famulantur , deducentes aquam ad renes , atque ut fluminis vnda impellitur vnda , sic cyathus aquæ cyathum trudit. Non deest in jecore impellens , visque cogens , nempe motus diaphragmatis , imo Cor cono suo succutiens hepar , renes commouentur ab assiduo motu intestinorum.

Nunc tibi obiicio. Si ex te totus Sanguis ex chylo confectus permeat jecur, ut in cauam migret, si aquæ minerales istud iter capeffunt, quidni in foetu per pulmones transibit Sanguis, etiamfi sunt immobiles?

Galeni authoritates, quas profers, nullo modo demonstrant ac euincunt translationem Sanguinis fieri per pulmones. Neque valet authoritas *Columbi* refutata & explosa ab *Anatomicis*. Itaque tua assertio prorsus falsa est, *Sanguinem continuè & continenter per pulmonum porositates dimanare, de dextro ventriculo in sinistrum, de vena cava in Aortam*. Id falsum esse demonstraui multis rationibus, & experimentis, *tractatu de Circulatione Sanguinis* iam edito.

Pag. 36. Tui itineris causam, quam assignas, non probo. *Ut calor Sanguinis ignitus intra pulmones inspirato aëre contemperaretur, & ab ebullitione, & suffocatione vindicaretur, siue quid aliud tale*. Transitio illa per pulmones Sanguini arterioso detrimentum non leue adferret, ex aëris permistione, quasi verò dexter venter calidior sinistro, contra *Galeni* experimentum, & isto refrigerio indigeret Sanguis intra pulmones.

Pag. 40. Falsa est altera propositio, *Dex-*

trum ventriculorum non ob nutritionem pulmonum fabricatum, & additum in ijs animalibus, quæ pulmones habent, sed propter translationem Sanguinis, à dextro ventriculo in pulmones, inde in sinistrum ventriculum. Nam pulmones amplissimi indigebant Sanguine, eoque arterioso, quia ex Hippocrate, alio alimento quam reliquæ partes nutriuntur; Ad eum finem constructa fuit vena arteriosa, & ventriculus dexter, ut exciperet Sanguinem, cuius portio distribuitur pulmonibus ad nutritionem. Altera portio maior, transit per medium septum Cordis in sinistrum ventriculum. Non diffiteor per venam arteriosam, regurgitantem intra Cor sanguinem, in pulmones diuertere.

EXAMEN CAPITIS VIII.

De copia Sanguinis transeuntis per Cor, è venis in arterias, & de circulari motu Sanguinis.

Pag. **E**XPOSIT HARVEVS quomodo
41. **E**do venerit in cognitionem istius
Circulationis Sanguinis. *Cum enim videret quanta esset copia transmissi Sanguinis*
per

de motu Cord. & Sang. in An. 97

per Cor, quàm breui tempore ista transmissio fieret, nec parem quantitatem succi suppeditari ex alimento assumpto; Inde animaduertit & collegit necessariò redire Sanguinem ad Cor, tanquam fontem siue lates corporis, perfectionis recuperandæ causâ, quia in partibus refrigeratur, coagulatur, ac veluti effæctus redditur: in Corde tanquam feruido vitæ thesauro, denuo colligatur, & Spiritibus repletur.

Laudo tuum inuentum de Circulatione Sanguinis, tuam industriam, & ingenij subtilitatem in eo probando: sed pace tuâ dicam, multa te proposuisse absurda, p u-
raque falsa. Quis non exploder Sanguinem in partibus viuentis corporis coagulari, congelari, redeuntem ad Cor denuo colliquari? Non ignoro per febres arden-
tes concrefcere in formam medullæ sambucinz, quod notatum à *Fernelio*. & à me sæpius obseruatum, quæ fuit causa inter-
itus. Nec remeat Sanguis recuperandæ perfectionis causa, sed vt materiam præbeat Cordi ad confectionem Sanguinis arteriosi, simulque ad conseruandam continuitatem motus Cordis. De istis omnibus tecum agetur sequentibus capitibus. Metus ille, quem concepisti de ruptura arteriarum ex plenitudine, vitatur ex com-
munionem, & anastomosi venarum, & arte-

98 *Ioannis Riolani Notationes*

riarum, refluyente fanguine in venas, quod notum fuit Hippocrati & Galeno. Probare non poffum, *venas continere sanguinem crudio- rem & effæctum, nutritioni iam redditum inidoneum, ideoque reuerfionem Sanguinis ad Cor necessariam effe per venas.* Non dubito Sanguinem ab arteriis in venas deriuatum, de fpiritu, & feruore fuo aliquid amittere, effufum in omnes corporis partes. Remanet tamen Sanguis ifte fimilis arteriofo, tam in confidentia, quàm in colore, pondere, vt afferis, quodque repetitum à *Valleo*, quod non poffum admittere.

EXAMEN CAPITIS IX.

Pag 43. **C**IRCULATIONEM Sanguinis probare intendit HARVEVS ex tribus fuppoſitis. Primum eſt, Sanguinem è vena Cava in arterias tanta copia tranſmitti pulſu Cordis, vt ab aſſumptis alimentis non poſſit ſuppeditari; adeo vt breui temporis ſpatio tota Sanguinis maſſa illinc pertranſeat. Id concedimus in morbis thoracis, dum pectus anhelum eſt, & in febribus accidere, quia corpus non ſufficienter nutritur: non autem in ſanis corporibus, quibus motus Sanguinis tardior eſt, &

de motu Cord. & Sang. in An. 99

sufficiens alimentum in duobus, vel tribus partibus, & assiduis comestationibus, ad Sanguinem suppeditandum. Ideoque diligenter sunt distinguenda tempora prosperæ vel aduersæ valetudinis; Nec illa suppositio potest esse vniuersalis, & vera.

Vt istam propositionem probet, supponit cogitatione, vel experimento, *Cor intra horam bis vel ter mille pulsus edere, in singulis pulsationibus aliquid emittere Sanguinis à vena Cava suscepti in Aortam. Istud esse, vel semunciam, vel drachmam Sanguinis, at si intra horæ spatium, decem vel duodecim libras Sanguinis Cor effundat in arterias, intra duas tresue horas totus Sanguis per Cor reuolutus, & in arterias effusus, ibique congestus, prefocationem adferret, nisi reflueret in venas, ut redeat ad Cor. At si semel dumtaxat in die Sanguis per Cor reuolueretur, quantitas assumpti alimenti non poterit sufficere ad talem quantitatem Sanguinis circulandi conficiendam. Itaque necessum est illum, qui antea, venis & arterijs continebatur, reuolui, & circulari. Quid si negarem in singulis pulsationibus Cor emittere Sanguinem, vel saltem guttatim stillare per septum Cordis, & guttatim effundi in Aortam, quin etiam sufficientem quantitatem ab assumpto alimento suppeditari,*

corruct ista prima hypothesis, & inanis erit tua experientia in boue, oue, & cane, quorum pulsus non obseruasti, & quot eorum Cor in hora edat pulsus. Aliud est agere de homine, aliud de animalibus. Sed quo fine tanta velocitas in motu Sanguinis, vt redeat ad Cor? An ad eius refectionem, & restaurationem? quia extra intra venas est refrigeratus, & coagulatus. Si hoc verum est, tardior erit eius motus, nec adeo rapidus, vt intra horam totus remeare debeat ad Cor. Nam qui ex arteriis per carnes vniuersi corporis dispersus est, non potest tam citò à venulis resorberi, & deduci ad Cor. Si statuisses necessarium esse celerem Sanguinis refluxum ad conseruandam continuitatem motus Cordis, cum in singulis pulsationibus per diastolem attrahat, per systolem expellat, probabilior fuisset tua opinio, vel doctrina, cum motus ille non perficiatur vacuis ventriculis Cordis. At tu nihil tale cogitasti, & declarasti. Itaque probabile est in sanis corporibus tardiores esse motum Sanguinis, ac proinde paucum infundi ventriculo dextro, ac per septum transire. In ardenti febre, maiore copia affluere, & transire per pulmones. Vnde sæpissime suffocationes accidunt, ex rapido affluxu Sanguinis, & inæquali transitu per pulmones.

EXAMEN CAPITIS X.

*Primum suppositum ab obiectionibus
vindicitur.*

Pag. **E**XPERIMENTA, quæ proponis,
47. non confirmant tuum primum
suppositum. Nam comparatio de lacte sup-
peditato à vacca, & muliere, quod ab as-
sumptis alimentis reparatur. Nihil facit ad
tuam Circulationem, quippe Sanguis,
qui circulatur per Cor, non descendit à
Corde animalis, sed tantum reuoluitur.
Exemplum de angue viuento dissecato, in
quo obseruare licet motum Sanguinis per
Cor, non probat necessitatem Circulatio-
nis, quia non tantum Sanguinis ab assum-
ptis alimentis suppeditatur, quantum per
Cor circulatur.

Cæterum istud primum suppositum,
*Quod Sanguis non tanta copia ab assumptis
alimentis suppeditatur Cordi, quanta quo-
tidie per Cor circulatur.* Non demonstrat
necessitatem circulandi Sanguinis, quia
ad recalesciendum Sanguinem, & reco-
quendum, non est necessaria circulatio;
siquidem per Sanguinem arteriosum cor-
pus vniuersum incalescit, & viuificatur,

Sanguinis in hepate geniti portio distribuitur Cordi ad generationem istius Sanguinis arteriosi. At portio illa potest à nouo sanguine in corpore bene valente abunde suppeditari.

Quum igitur Cor perpetuò moueatur, repetitis per diastolem ventriculis, & exinanitis in systole, necessariò ei sanguis subministrandus erat ad continuationē istius motus, qui non potest ab assumptis alimentis intra diem sufficienter tribui. Ideoque necessaria fuit Circulatio Sanguinis, atque sic tuum primum suppositum est explicandum.

EXAMEN CAPITIS XI.

Secundum suppositum confirmatur.

Pag. **H**ARVEI secundum suppositum
48. **H** tale est, *Continuè, & continenter Sanguinem in quodcumque membrum, & partem pulsu arteriarum intelligi & ingredi maiori copia multò quàm nutritioni sufficiens sit. vel ex tota massa suppeditari possit.* Ex ista hypothesis vult inferre, Sanguinem deferri per arterias in omnes partes corporis, vsque ad extremas & minimas; referri per venas ad Cor, & istam vbertatem

Sanguinis, non posse ab assumptis alimentis quotidie suppeditari. Respondeo ut in præcedente hypothefi, id non probat necessitatem circulandi Sanguinis, quia diffusus in carnes ibi consistit, ad nutritionem partium, & partes tantum Sanguinis attrahunt, quantum indigent. At violenter impelli pulsû arteriarum, inficior. Pulsus ille arteriarum est adeo exilis, vel nullus in extremis arteriis percipitur, nisi in febricitantibus. Ideoque ibi nulla expulsio. Atque ut proceræ arbores trahunt alimentum à radicibus usque ad fastigium: similiter partes corporis. Ac proinde de ista attractione nemo dubitare potest. Fingit HARVEVS violentam expulsionem, ut ipsam suo instituto accommodet. Non inficior Sanguinem nullatenus refluere ab extremis partibus ad internas. Nam certum est in febribus Sanguinem extremarum partium per venas & arterias revolui, atque si maiora vasa fuerint exhausta, Sanguis extremarum partium refluit in vasa minora, necnon Sanguis venæ Portæ, ut habeat Sanguinem sufficientem ad conseruandam continuationem motus Cordis, & Sanguinis arteriosi generationem assiduam.

Pag. 50. & 51. HARVEVS conatur per ligaturas demonstrare diffusionem San-

guinis in carnes, eiusque refluxum ad Cor. Sed credo validiorem esse illam rationem, quæ petitur ex effuso sero in habitum corporis, quod ex Hippocrate, lib. de alimento, est vehiculum Sanguinis, quem deducit ad capillares venas, inde refluit ad interiora versus Renes, nisi per habitum corporis excurrans, rheumatismos producat. Quod si refluit serum in venam Cauam, non inde sequitur Sanguinem cum ipso redire ad Cor. Ingenuè fateor te per ligaturas brachij egregie demonstrasse descensum Sanguinis per arterias, & refluxum ad Cor per venas. Quod prius ostensum fuerat à *Casalpino*, lib. 2. *quest. Medicarum*, cap. 17. Sed hoc notabile à te obseruatum, pag. 51. venas pluri-
mas inter se communicare, *Quod in ligatura mediocri supra cubitum facta multe attolluntur, simul & turgent, ex una autem venula scalpello, exitu Sanguini ducto, omnes statim detumescunt, & in illam venam sese exonerantes subsidunt simul omnes.* Hoc in loco videris admittere anastomoses, quas alibi repudias, ex tuis ligaturis in brachio factis, fortius argumentum est suppressi Sanguinis, ex soluta, & adempta ligatura brachij in venæsectione, & quod fieri debuerat infra locum venæ aperiendum, si descenderet Sanguis in

de motu Cord. & Sang. in An. 105
brachium, sed quia tardus est motus Sanguinis, ligatura mediocris necessaria fuit, quia ex te attrahit pag. 41.

EXAMEN CAPITIS XII.

*Esse Sanguinis circuitum, ex secundo
supposito confirmatur.*

Pag. 53. **H**ARVEVS persequitur confirmationem secundi suppositi, *Ex profusione Sanguinis aperta vena, si ad tres vel quatuor libras effluat, necessum est parem quantitatem ex Caua in Aortam, per Cor & pulmones transisse. Ergo Sanguis per Cor circulator, nec tanta copia suppeditari potest, à nouo Sanguine ex assumptis alimentis.*

Ex violento, & contra naturam fluxu Sanguinis aperta vena, vult inferre talena esse fluxum Sanguinis in sanis corporibus, quod est absurdum; qua data porta ruit Sanguis. Atque istas hypotheses tanquam veras vult recipi, cum sint omnino falsæ, nec ab ipso sufficienter probatæ. Nec enim Sanguis ad tres libras intra semiquadrantem horæ, continuè fluere ex aperta vena potest, per istas venas à te designatas, verisimilius est manare à trunco venæ Caus,

106 *Ioannis Riolani Notationes*

qui, cisterna est Sanguinis. *Ex consideratione, & supputatione Sanguinis in uno brachio fluentis, existimat parē quantitatem per aliud brachium, per collum, per artus, & alias partes corporis transire. At ista copia Sanguinis non potest suppeditari ab assumptis alimentis, ergo necessum circulari Sanguinem per Cor, & pulmones.* Huic experientiae falsae eadem convenit responsio, quæ fuit iam proposita. Sanguis ex aperta vena qua data porta ruit, nec est necessum eadem quantitate per alias partes traduci. Manifestè communicant inter se venæ & arteriæ ex HARVEO, sed nondum probavit Sanguinem non posse redire in arterias ad depletionem venarum, qui recursus non est impossibilis, si non ad circuitum per longitudinem corporis, qui fieri potest, sine transitu per Cor & pulmones, ex doctrina Hippocratis.

EXAMEN CAPITIS XIII.

Tertium suppositum confirmatur.

Pag. **H**ARVEI tertium suppositum tasset. *Hic est, Sanguinem ab arterijs transfusum in venas, ad Cor continuè ascendere sine remeare, nequaquam descendere;*

de motu Cord. & Sang. in An. 107

id probat ex situ, & usu valvularum intra venas, quæ permittunt Sanguinem ascendere, sed descendentem obstant. Id gratis concedo HARVEO, potissimum in maioribus canalibus, directè a iugulo ad artus extremos extensis, sed falsum est in propaginibus, ex istis canalibus maioribus deriuatis, quæ carent istis valvulis, quod non fauet tuæ opinioni de reditu Sanguinis ex ambitu, & habitu corporis ad Cor; Atque vena Porta istis valvulis caret, & truncus venæ Cavae ab axillis ad inguina extensus, istis valvulis destituitur. Interea notabis solas iugulares internas habere valvulas, quibus destituuntur iugulares externæ, quia non ingrediuntur cerebrum.

Cum autem valvulæ sint appositæ venis circulatoriis, quæ directè feruntur per corporis longitudinem, obliquis autem & lateralibus tantùm in limine, & orificio; diuersos habent usus, in rectis venis refluenti Sanguini obstant; in obliquis venis impediunt affluxum vberiore, quia non habet ille Sanguis Circulationem, siue reditum, nisi depletis vasis circulatoriis, vel æstu febrili percitus per corpus reuoluatur. Valvulæ venarum circulantium eodè officio funguntur, quo valvulæ Cordis, quæ impediunt refluxum, siue

108 *Ioannis Riolani Notationes*

Sanguis admittatur, siue expellatur. Arteriae carent valvulis, excepta carotide, quae duas habet, nempe ossicula duo parvula in obliquatione sua intra foveam illam obliquam, qua recipitur, priusquam ingrediatur caput, ne Sanguinem maiori copia effundat quam par sit.

Porro dubito si valvulae impediunt refluxum Sanguinis in venas, nam videmus interdum in quibusdam etiam sanis, dum surgunt e lecto & ambulant, tibias & pedes tumere confestim, fluentibus in eas partes humoribus cum Sanguine, noctu dum iacent in lecto detumescunt, refluentibus in venas maiores humoribus cum Sanguine. Ergo valvulae non impediunt istum descensum Sanguinis, quia sunt carnosae tibiae & pedes hominis, atque brachia carnosae, ideoque in venis istarum partium, plures reperiuntur valvulae quam in brutis animantibus, quae siccas habent tibias, nervosas, & tendinosas, atque musculi earum partium oriuntur à femoribus, solique tendines per tibias traducuntur. At per alias partes carnosae corporis, humores circumfusus motum habere dum tument, noctu detumescere non observamus, indicio manifesto in his locis motum non habere Sanguinem, & humores, ut in extremis partibus corpo-

ris. Sunt quidem appositæ valvulæ iugularibus internis, ne Sanguis ascendat ad cerebrum; quia recto tramite cõ tendere & attingere potest: non autem ad impediendum refluxum Sanguinis ad cerebrum. Ex doctrina HARVEI, Sanguis ascendere non potest supra Cor, & occurrit Sanguini per iugulares descendentem ad truncum Caux, ergo inutiles, & superflue valvulæ in iugularibus internis, quamvis affirmet HARVEVS in Dama demonstrasse Regi Angliæ & Aulicis adstantibus, aperta iugulari interna Sanguinem infernè fluxisse supra foramen: at constricta iugulari, nequaquam proruisse. Propterea sustineo valvulas non impedire transfluxum Sanguinis à venis in arterias, quia anastomoses perficiuntur inter spatia valvularum, quæ distantibus locis sunt appositæ, ideòque falsum quod à venis in arterias non detur regressus, nec Sanguis queat ab arteriis in venas transire, nisi per Cor ipsum, & pulmones.

Verùm, Sanguinem per venas descendere, duobus experimentis demonstrabo, Saphena oritur à crurali ramo iuxta inguen, surculos duos in exortu suo expandit supra glandulas inguinales, qui introrsum supra ossa pubis deoluuntur. Propterea secta vena in pede, & abundanter

IIo *Ioannis Riolani Notationes*

vacuato Sanguine bis terve , materia bubonis veneri , vel alterius naturæ exhauritur. At ibi nulla arteria cum ipsa vena communicat , neque in toto suo excursu vsque ad maileolum internum. Ergo manifestè Sanguis descendit ad pedes per saphenam.

Hæmorrhoidalis fluxus lienem exonerat per Sanguinis euacuationem , quæ fit per hæmorrhoidalem venam à splenico ramo enatam , & desinentem in anum. At vena ista solitaria non habet sociam , & comitem arteriam in suo excursu , cum qua possit communicare. Istas duas experientias negare , est contra sensum pugnare. Addo ex *Hippocrate* communicationes reciprocas lienis & hepatis , per venam splenicam , quæ demonstrant Sanguinem ire & redire per venas. Cur vena splenica non habet comitem arteriam splenicam , quæ longè distita est à venâ. Nam transversum repit iuxta diaphragma ad lienem , nec cœliaca lienem suppeditat arterias iuxta excursum splenicæ intra pancreas traductas. Nemo in praxi medica versatus potest inficiari istum fluxum & refluxum Sanguinis , & humorum in istis duobus visceribus commercium. Ac proinde inanis ista per ligaturam venæ splenicæ demonstratio.

de motu Cord. & Sang. in An. 111

Probo adhuc variis experimentis, Sanguinem in venas descendere. Primum est, si fuerit arteria in medio brachio penitus resecta, & utrimque, id est in duobus extremis ligata ad curandum aneurisma infra cubitum ex arteria imperitè lecta pro vena factum, ut frequenter contingit vel ex duello, ut sæpius vidi penitus amputatum prope axillam truncum arteriæ, atque eodem anno vel postea ob pleuriticum affectum, vel pulmonis inflammationem vena ex isto brachio arteriis orbatō secetur. Certum est sanguinem æquè fluere ac si alterius brachij vena fuisset aperta. Atque necessum est defectu arteriæ Sanguinem usque ad manus descendere ad nutritionem istius brachij. Inde colligo manifestè Sanguinem per venas descendere etiam naturaliter.

Alterum experimentum est. Si arctè comprimatur arteria brachij supra Carpum, vel cruralis arteria supra os pubis spatio quadrantis horæ, donec Sanguis vel brachij, vel tibiæ fuerit exhaustus supernè ascendens, interea tunc temporis, si aperiat̃ur basilica brachij, vel saphena pedis, è venis istis effluet Sanguis descendens ad foramen venæ, cum non possit ab arteriis manare, quæ fuere per quadrantem horæ exhaustæ, & dum fluit Sanguis, sunt ad-

huc arctissimè compressæ.

Tertium experimentum produco. Quando Sanguis in syncope cardiaca detrahitur arteniarum pulsu deficiente, oppresso Corde ex abundantia Sanguinis circa ventriculum dextrum tum Sanguis ab ipsa vena Caua directè vacuatur, & descendit ad venam brachij apertam, alioqui nullum emolumentum perciperet æger ex venæsectione, si per venam arterioſam in pulmones flueret Sanguis, inde per sinistrum Cordis ventriculum in Aortam, ab ea in arteriam brachij deduceretur. Longa est hæc via, & ambagiosa, breuior per venam Cauam. Propterea momento aperta vena pulsus restituitur, leuatur æger, & liberatur à suffocatione.

Quartum experimētum produco. Quando detrahitur Sanguis continuo ductu & filo ad libras duas vel tres in corpore plethorico & breui suffocatur, talis quantitas non potest ab Aorta superna suppeditari intra breue temporis spatium, quo Sanguis vacuatur. Ergo verisimile est à trunco Cauæ ascendentis fluere Sanguinem.

Quintum experimentum erit. Vena iugulari externa aculeo hirudinis supra angulum maxillæ inferioris aperta, interdum non potest sisti Sanguis, appresso digito
supra

supra os maxillę, nec intercipitur Sanguis, nisi glutinante medicamento, & digito supra diu appressio, vt sæpius obseruauī. Inde licet colligere Sanguinem per iugulares etiam ascendere; nec valuulam iugulari internę appositam fuisse, ad impediendum refluxum Sanguinis ad cerebrum, sed ne affatim irruat, vt in carotidibus, duo parua ossicula intra obliquitatem foraminis in basi cranij circumiecta impediunt violentum impulsus Sanguinis arteriosi.

Pag. 222. eiusdem libri. Scribit etiam HARVEVS in muliere grauida, vasa vterina sanguinea plura & cauiora, quàm in reliquo eius corpore, arterias autem multò quàm venas numerosiores. Ex ista obseruatione, quę vera, & à me iampridem descripta, facile est colligere venas spermaticas & venas hypogastricas maiores quàm in reliquo corpore non eo fine factas fuisse, vt reuehant Sanguinem ab utero ad Cor, quam ratione foetus nutriendi. Nam vterus tum indiget vberiore Sanguine, vt foetui sufficienter suppedietur, alioquin ei præriperetur alimentarius & formatius Sanguis. Ergo venę deferunt Sanguinem ad vterum simul cum arteriis.

HARVEVS, pag. 222. *sui libri de ger-*

114 Joannis Riolani Notationes

neratione animal. scribit ex RIOLANO arteriis uterinis ab hypogastrica derivatis inflatis, vicinas venas spermaticas distendi, quod validum est argumentum pro circuitu Sanguinis ab eo inuento, dare transitum ab arteriis in venas, non autem retro è venis in arterias. Non dixi Sanguinem à venis non posse traduci in arterias; nam contrarium sæpius ostendi, & HARVEVS mihi imponit.

EXAMEN CAPITIS XIV.

Conclusio demonstrationis de Sanguinis circuitu.

Pag. **T**ANDEM concludit. Iam à se 58. *probatum fuisse, quod Sanguis per Cor & pulmones, pulsu ventriculorum pertranseat, & in uniuersum corpus impellatur, & immittatur: & ibi in venas, & porositates carnis obrepat, & per ipsas venas undique de circumferentia ad centrum, ab exiguis venis ad maiores remittit, & illinc in venam Cavam, & auriculas Cordis tandem veniat, & tanta copia fluxu, & refluxu, tam per venas, quàm per arterias, ut ab assumptis alimentis suppeditari non possit. Inde sequitur Sanguinem*

de motu Cord. & Sang. in An. 115

circulari motu in circuitum agitari in animalibus Sanguinem. Atque hæc est HARVEI doctrina, quam paucis verbis exposuit. Sed omnibus istis articulis non abunde satisfecit. Nam si impulsio est valida, ea potissimum adest in ventriculo sinistro carnosiore, & robustiore dextro, cuius actio maior est in receptione, quam in expulsionem; Atque impulsio Sanguinis arteriosi per rectam lineam admittitur non per vias obliquas, & ambagiosas, quales sunt ramificationes arteriarum. Immittitur quidem in vniuersum corpus vsque ad minores arterias, sed non reuertitur pari passu per venulas, vt effusus est in carnis porositates, de circumferentia ad centrum corporis nempe Cor, neque tali impetu recurrit, quali profluxit à Corde, quia fuere exhausti spiritus impellentes in progressu itineris. Neque à carniū porositatibus impulsor spiritus exsurgere potest tam validus, ad recursum, nequit etiam per pulmones traduci Sanguis cum impetu; quoniam istud iter est incommodum, anfractuosum, & impossibile, si fiat celeriter; & si vasa per substantiam pulmonum obliterantur, absque vlla anastomosi, *ex opinione HARVEI.* Sed ex eodem probaripotest, quod in omnibus animalibus Sanguineis, non est necessaria

116 *Ioannis Riolani Notationes*

circulatio Sanguinis ad vitam, *Quia quædam absque pulsu viuunt, & nonnulla totam hyemem latitant, & tamen in viuis supersunt, licet interea eorum Corda ab omni motu cessent, & pulmones à respiratione ferientur.* Pag. 150. lib. de generatione animalium.

EXAMEN CAPITIS XV.

Sanguinis circuitus rationibus verisimilibus confirmatur.

Pag. **P**RVDENTER scribis tuas rationes esse verisimiles, quia non sunt absolutè veræ, nec quod intendis probare. Dum HARVEVS recenset vtilitates circulati Sanguinis absurdam puto istam rationem. *Ne dissitus à suo fonte Sanguis, & immotus coagularetur, & congelaretur.* Nam continuo affluxu Sanguinis arteriosi, & spirituum, istud incommodum evitatur. Non ignoro rigidissima hyeme multos peregrinantes extincto calore nativo periisse, aliis extremas partes corporis emortuas fuisse, quibus non profuit ista circulatio Sanguinis, quia fuit intercepta, sed alio tempore non est metuenda ista congelatio.

de motu Cord. & Sang. in An. 117

Pag. 59. Si Corde malè affecto, ex te *cætera membra languent, nec pati potest Cor vitia morborum sine detrimento, ex Aristotele.* Expende quantum noceat Cordi Sanguinis impuri è toto corpore, & partibus culinariis per Cor & pulmones reuolutio.

Nam si sordes, & impuritates primæ regionis per venas ad Cor & pulmones reuehantur, ne descendant per venas mesaraicas, & à Corde relabantur per arterias in intestina, nulla pars corporis inferior & sordidior foret Corde, cuius prærogatiuam nemo non agnoscit, dum comparatur Soli, cui insitum est humidum primigenium calore astris consimili imprægnatum, vnde promanant vitales radij in totum microcosmum, momento & continuò diffusi. Nunc verò ex doctrina circulationis HARVEIANÆ non amplius soli: sed ahenò, siue ollæ coquinarie æquiparatur ad recoquendum Sanguinem, & quod peius est, ad translationem sordium primæ regionis totiusque corporis, vt in intestina deducantur per arterias, priùs tamen transeundo per Cor & pulmones. Ergo Cor & arteriæ erunt corporis cloacæ ad recipiendas sordes corporis, quæ debent expurgari per intestina, & renes, atque vterum in mulieribus,

Lubenter inquirerem ab istis Circulatoribus Sanguinis HARVEIANIS: si sordes & impuritates totius corporis ad Cor & pulmones deferantur, ut per arterias ad intestina, renes & uterum expurgentur, cur non è Corde prodeuntes æqualiter ascendent per truncum Aortæ ascendentis ad caput, & alias partes superiores? Quomodo sordes & impuritates deorsum relabentes potius ibunt ad arterias coeliacam, vel emulgentem, vel hypogastricam, quàm ad arterias artuum recto tramite protensas? quia sunt obliqui canales arteriarum iam commemoratarum? Ridiculum est quod scribitur de potu aquarum mineralium per Cor & pulmones transeuntium, ut relabantur & fluant per renes. Cur non ad pedes descendunt per arterias eò directè descendentes? Cur non distribuuntur partibus superioribus, nempe cerebro & brachiis per truncum superiorem Aortæ? Quomodo Sanguis arteriosus quamdiu per Cor & pulmones aquæ minerales & vinum Rhenanum, siue Mosellanum transibunt, potest generari?

Pag. 60. Consideratio illa desumpta est ex *Aristotele*, quod Cor intra cavitates amplas Sanguinem contineat; reliqua viscera intra venas. Inde probari potest

de motu Cord. & Sang. in An. 119

Circulatio Sanguinis, siue fluxus & refluxus. Adde quod *Aristoteles* scripserit, inter viscera, quæ Sanguinem continent intra venas, nullum est magis sanguiflorbum, quam pulmo, quod fauet tuæ translationi Sanguinis per pulmones.

Pag. 60. Ad vitam animalis necessaria est Sanguinis elaboratio eiusque distributio; utrumque præstatur à Corde, ubi perficitur Sanguis, & unde derivatur ex Aristotele. Tu nondum probasti, puta Sanguinem alimentarium perfici in Corde, hoc desideratur. Nam aliud est à Corde aliquid confici, aliud in Corde perfici. Admittimus quidem Cor per irradiationem spirituum intra Hepar, augendo calorem partis conferre ad elaborationem Sanguinis, sed non in se siue intra suas cavitates Cor Sanguinem conficere negamus. Nisi Sanguinem alterius speciei, quem arteriosum vocamus. Negamus etiam quod Sanguis hepatis sit crudus, omnemque cruditatem deponere debeat in Corde. Adde quod Natura sapiens peditentim agit, non per saltum ac repentinam mutationem. Quomodo in tam præcipiti cursu posset fieri ista mutatio Sanguinis in Corde, si intra horam, quindecim vel viginti libræ Sanguinis transeant. Adde quod *HARVEVS* scribit venosum parum differre ab arterio-

so, in colore, consistentia: Alibi tamen asserit venosum esse crudum, refrigeratum, coagulatum, & ad nutriendum prorsus ineptum. At sane denegare opus sanguificationis hepatis, est totam Medicinam perturbare & confundere. Vnde hydropis, atrophix, fluxuum alui, & aliorum symptomatum causæ repetendæ, nisi ab hepatis deprauata actione? Huic tribuitur læsa sanguificatio, non Cordi: atque hepatis remedia adhibentur ab omnibus Medicis tam antiquis, quam recentioribus. Scribis distributionem fieri impetu & violentia Cordis. At non est opus isto impetu ad Sanguinis distributionem, cum viæ sint patentæ per arterias, sine impedimentis, cum sint destitutæ valvulis, dein Sanguis arteriosus calidus, spirituum plenus & turgidus habet suam impulsorem, ex doctrina Hippocratis.

Ibidem. E venis capillaribus ramificationes, & inde in maiores exprimitur Sanguis, motu membrorum, & musculorum compressione, proclivis est ac magis pronus, ut è circumferentia moveatur in centrum, quàm è contrario. Ergo vis Cordis impellens terminatur & conquiescit in distributione Sanguinis arteriosi. Ad reversionem per venas alios impulsores inuenisti, motum membrorum, & musculorum compressionem,

pressionem. Sed in paralyticis, quomodo potest propelli Sanguis, & quando quiete somno sepulti sumus, non potest redire Sanguis ad Cor celeriter. Expende quæso quantum noceat vitæ iste motus & recursus Sanguinis à circumferentia ad centrum? nonne potest secum rapere ad Cor, & transferre prauos humores cum Sanguine, vt alibi demonstraui.

EXAMEN CAPITIS XVI.

Sanguinis circuitus ex consequentibus probatur.

Pag. **E**X consequentibus per problema-
61. **E**ta conatur probare Circulationem Sanguinis, sed illa contra te faciunt. Nam si venenum luis veneræ, canis rabidi, & alia per Sanguinis circuitum deferuntur in vniuersum corpus, cur tamdiu latent per annos plures abscondita absque ullo effectu? Credis, *In tertiana, febrilis insulsus materiam morbificam contineri in pulmonibus; id probas ex anhelitu, oppresione Cordis, & tussi.* Verum est adstare Cordi, & præ foribus adesse illam causam febrilem vt subeat, & inuadat Cor. Sed non continetur intra pulmones. Alioquin

122 *Ioannis Riolani Notationes*

non haberet suum excursum. Miror quomodo non adduxeris testimonium *Aristotelis*, qui febris sedem in pulmonibus constituit *in Problematis*.

Verum ista non fauent tuæ Circulationi totius Sanguinis è partibus culinariis, & ex habitu corporis; imò noxas & detrimenta quamplura ostendit, quæ sequuntur tuam Circulationem totius Sanguinis: Quamvis in febre fiat totius Sanguinis Circulatio, non inde sequitur in sanis corporibus, ita circulari Sanguinem.

Pag. 62. Ut demonstres per arteriam cœliacam & mesenterium, Sanguinem arteriosum deferri ad intestina; inde ab eodem Sanguine recurrente, in venas capillares portæ chyli delatrices propulsari, & reuehi chylum ad Hepar. Statuis atque laudas istud admirabile inuentum, *Quia per capillares venas duos adesse contrarios motus* non est inconueniens. Hoc posito, per capillares venas descendit Sanguis ad nutritionem intestinorū, simulque ascendit chylus, nec admittis venas lacteas. Notabis si placet, contra tuam opinionem pugnare istum descensum Sanguinis ad intestina; Ergo Sanguis descendit per venas mesentericas ad omnia intestina.

Pag. 62. In demonstrando recurso Sanguinis in foetu, valde hallucinaris; nec vn-

demotu Cord. & Sang. in An. 123

quam vidisti quod scribis : sed solum per imaginationem ita esse concepisti. In embryo nullus est usus jecoris , ac proinde vena umbilicalis iecur manifestè integra pertransit , & à porta iecoris extat foramen , vel anastomosis , ut Sanguis regrediens ab intestinis foetus , non per iecur : sed in dictam umbilicalem venam transiens, Corvna cum materno Sanguine & reuertente à placenta uteri petat.

HARVEVS legat vel audiat ex Arantio, venam Cauam & Portam habere inter se communionem in foetu intra Hepar per foramen , edito foetu exarescente vena umbilicali occoecari & aboleri istud foramen. Ego verò sustineo multiplici experientia edoctus, venam umbilicalem intra Hepar esse bifidam , & communicari Portæ & Cauæ. Considera quomodo Sanguis ab intestinis remeans possit redire ad venam umbilicalem. Dicere debueras ad venam Portam, inde in Cauam transiliens ad Cor deferretur. Ergo venæ mesaraicæ reuehant Sanguinem , quæ paulò antè deferebant ad intestina , cum scribis. Nec duos contrarios motus in omni capillari propagine, chylî sursum, Sanguinis deorsum, inconuenienter fieri , improbabiliter existimare necesse est.

Pag. 63. De Sanguine quæri potest, qua-

re ante omnia & qualiter principium vite, & animalis habeat, & moueri. atque hac & illac impelli desiderat, cuius causa Cor factum fuisse videretur Paradoxum istud est valde absurdum, quod alibi refutabimus. Interea velim considerari, quomodo Sanguis ex se possit esse primum viuens, & vltimum moriens in generatione, & morte animalis, si habeat calorem insitum, cur necessariò redit ad Cor, vt recalescat, & recoquatur, quomodo Sanguis variis mutationibus obnoxius ratione mobilitatis, substantiæ, generationis ex chylo, habere queat vitæ principium & animalitatis: Atque si Cor propter Sanguinem creatum fuerit, ad eius perpetuam generationem, & conseruationem, et si ante omnia Sanguis creatus fuerit, & vnde habuerit suum ortum. Hæc omnia sunt paradoxa. Adde quod Sanguis suo temperamento natiuo frigidus est, *ex Hippocrate, lib. de Corde*, adscititio calidus, dum in Corde istum calorem adipiscitur vitalem. *Idem scripsit Aristoteles*. Propterea necessum habet recalescere, vel nouo appulsu Sanguinis à Corde manantis, vel circulari per ipsum Cor.

Pag. 63. Absurda, ne dicam ridicula, Suctio, & attractio chyli per ramos vene Splenicæ dispersos in ventriculum, & reuer-

de motu Cord. & Sang. in An. 125
sio chyli à longanone siue recto intestino per
venam hamorrhoidalem ad splenicam ve-
nam, ut ibi permistione Sanguinis arteriosi
à liene manantis, coquatur & tradatur he-
pati Opinio tua fuisset probabilior, si di-
xisses lienem chyli portionem tenuiorem
exsugere, & in iecur transmittere, vt offi-
cialem actionem exerceret. Agnosco tuam
subtilitatem, vis inducere venam hæmor-
rhoidalem more aliarum venarum Portæ
reuehere chylum, ne cogaris fateri limo-
sum sanguinem descendere in istam ve-
nam, ad expurgationem humoris melan-
cholici. At illa non habet comitem arte-
riam, cum qua communicare queat.

EXAMEN CAPITIS XVII.

*Confirmatur Sanguinis motus & cir-
cuitus ex apparentibus, & ex ijs quæ
ex dissectione anatomica patent.*

Pag. **L** A V D O quod scribis, Sinistrum
65 ventriculum per se Cor efficere, &
in medio situm, scrobiculis altioribus ita
insculptum, & maiore diligentia fabrefa-
ctum, ut Cor sinistri ventriculi gratia fa-
ctum esse videatur, & dexter ventriculus
l iij

126 *Ioannis Riolani Notationes*

quasi famuletur sinistro. Hæc omnia possunt ei conuenire, propter nobile officium quod exercet, conuertendi Sanguinem venosum in arteriosum, id est viuificum, & vere alimentarium spiritibus refertum.

Probo etiam quam describis conformationem Cordis in fœtu, *Quod in pares cavitates æquè amplas discretum est, auriculas etiam habet æquales, ambos ventriculos excipere, & transmittere suum Sanguinem in Aortam.* Distinguere tamen debes tempora conformationis, nam antequam sit Cor discretum in duos ventriculos, vasa Cordis iuncta per anastomosim, cum auriculis, officium istud præstant ventriculorum, sed vbi Cor perfectionem suam adeptum est, Sanguis ex vena Caua dextro Cordis ventriculo suggeritur, vel per septum transit, vel per anastomosim oualem in sinistrum, inde in Aortam, & cum non moueantur pulmones, Sanguis ad nutritionem, & incrementum ipsis tribuitur, per venam arteriosam, vel per illum canalem Aortæ connexum.

Pag. 66. Quod scribis de lacertulis & musculosis virgulis intra Cordis ventriculos collocatis, *Id primus RIOLANVS proposuit in sua Anthropographia, cap. de Corde,* vbi eorum musculorum vsum exposuit, non ad fortio rem impulsione m conditos

de motu Cord. & Sang. in An. 127

fuisse putat, sed ad reuersionem basis Cordis in diastole, quoniam vasis deferentibus sunt affixi, & ab ipsis enascuntur, vel dependent tricuspidēs valvulæ nervosæ tanquam aponeuroses. Id confirmat tua observatio, *Quibus animalibus desunt valvula in Corae, is quoque deficiunt virgula musculoſæ, siue parvi isti muscoli.*

Pag. 67. *Duæ sunt valvula tricuspidēs instar mitræ in sinistro ventriculo appositæ, ut exactissimè claudantur, qua mole, robore & exacta clausura, illas in dextro præſitas exuperant.* Quia foramen siue orificium arteriæ venosæ est angustius orificio venæ Cauræ, ideo duæ tantum valvulæ tricuspidēs additæ, ttes orificium cauræ amplius circumdant, omnes inseruiunt ad retractionem internam vasorū, materiam Cordis ventriculis aduehentium. Aliud etiam officium præstant, quando inuicem applicatæ in constrictione parietum Cordis, impediunt refluxum Sanguinis, dum alter Sanguis expellitur per alia vasa reuehētia.

Pag. 68. *Motores primi Sanguinis sunt auricula, præsertim dextra primum viuens, & ultimum moriens, quare necessaria, ut scilicet Sanguinem in ventriculum subseruiens infundat.* Auriculæ primæ formantur, ac præsertim dextra, Sanguis in ea

128 *Ioannis Riolani Notationes*

excipitur, delatus per venam Cauam: Ab ista auricula in sinistram fluit in foetu, donec Cor excauatum fuerit, ideoque videntur auriculæ fabricatæ in foetu ad Sanguinis circuitum, cum non possit per Cordis cauitates traduci: sunt similes in substantia, vasis ad Cor materiam vehentibus; ac proinde sunt dilatationes istorum vasorum. Prima mouetur dextra, si punctum illud quod apparet saliens, in ouo formato sit auricula, & vltima mouetur: Hæc sola excipit, motumque edit, in adultis animalibus amplissima est, propter affluxum continuum Sanguinis; expellit Sanguinem in ventriculū dextrum, dum basis reducitur versus conum, adiuuantibus istis lacertulis siue columnis musculosis intra ventriculos collocatis.

Pag. 68. *Contra vulgarem opinionem neque Cor, neque aliud quidpiam seipsum distendere potest, ut in seipsum attrahere sua diastole quidquam possit, nisi ut spongia vi prius compressa, dum redit ad constitutionem suam, sed omnem motum localem in animalibus primum fieri, & principium sumpsisse constat à contractione alicuius particula. Non est absolutè verum tuum dogma; Iecur attrahit chylum, renes serum sine distensione, & aliquo impellente, at quando Cor agit in sua diastole trahit,*

de motu Cord. & Sang. in An. 129

quia dum contrahitur in iese abbreviatur eius longitudo , vt maior fiat distensio ventriculorum , contractio in systole fit per corporis extensionem & compressionem ventriculorum. Propterea tua comparatio de spongia expressa, & postea sponte distenta, nil facit ad explicationem motus Cordis.

Pag. 70. *Qui Aristotelem redarguere conantur, illud principale argumentum omitunt, aut non intelligunt, quod Cor nempe primum subsistens sit, & habeat in se Sanguinem, vitam, sensum, motum, antequam aut cerebrum, aut iecur facta erant.* Animaduerto te iamdudum animo concepisse ex gutta Sanguinis inchoatam fuisse Cordis formationem. In ouo continetur interdum sincera gutta, aliquando permista vitello. At in semine quadrupedum animalium, & hominis, ex quo formatur primum Cor, nulla talis gutta Sanguinis reperitur. Ergo necessum est istam guttam Sanguinis stillasse ab vteri corpore, cum semen, non in se contineat Sanguinem,

EXAMEN CAPITIS XVIII.

*An Sanguis praestantior Corde, eique
motum, & facultates quas
possidet, tribuat.*

QVONIAM HARVEVS variis in locis huius tractatus scripsit, Sanguinem primum esse vivens, & ultimum moriens, Cor excipiendo Sanguini & expellendo dicatum esse, nec habere calorem, nisi à Sanguine, atque praerogativam habere supra Cor, cogor huc transferre Exercitationem, & eamque examinare, ut huius paradoxo falsitas innotescat, quæ suæ circulationi manifestè repugnat.

Quantum ex accurata inspectione discernere licuit, fit Sanguis antequam punctum saliens efformetur, idemque vitali calori praeclatus est, priusquam per pulsum cecidat. Atque ut in illo, & ab illo pulsatio incipit, ita tandem in ultimo mortis articulo, in eodem desinit; quippe plurimis experimentis, tum in ovo, tum alibi factis compertum habeo, Sanguinem id esse, in quo quamdiu calor vitalis non evanuit, potentia redeundi in vitam continuatur. Idque ex multis observationibus liquet, praesertim

de motu Cord. & Sang. in An. 131

*cum quedam animalia, eaque sanguinea
diu absque pulsu uiuant, & nonnulla to-
tam hyemem lateant, & tamen in uinis su-
persint, licet interea eorum Corda ab omni
motu cessent, & pulmones ab omni respira-
tione feriantur.*

Si gutta Sanguinis palpitat in ouo, si-
militer in vtero animalium, non ratione
loci, sed proprio, insitoque motu, cur
Sanguis venarum non eodem pulsu cie-
tur? Nescio quænam sint tua experimen-
ta in ouo, & alibi facta, sed certo scio tuam
observationem in quibusdam animalibus
falsam esse, quæ diu credis viuere sine pul-
su, & per totam hyemem otiante Corde,
pulmonibus immotis; nam si Cor habent
& pulmones, non possunt viuere cessante
motu istarum partium, aut tua Circulatio
Sanguinis est inutilis; Nam ad vitæ con-
seruationem, Cor esse debet in perpetuo
motu, pulmones quoque moueri, aut in
istis animalibus partes istæ obscurè mo-
uentur.

Factus itaque certior ex ijs, quæ in ouo
& vna animalium dissectione obseruari,
statuo contra Aristotelem, Sanguinem esse
primam particulam genitalem, & Cor esse
ipsum organum circulationi eius destina-
tum, quippe functio Cordis est Sanguinis
propulsio.

Ergo Cor non erit ex te organum Sanguini vitali, arteriorum conficiendo dictum, sed tantum ad circulationem & propulsionem paratum, & ei omnes dotes, quibus à Medicis & Peripateticis ornatum est, præcipis, vade suum calorem & motum depromit. Attamen ex tua Circulatione Sanguinis reuiuiscit in Corde recalesfactus, ubi focus caloris natiui insitus est, non in Sanguine, qui sua natura frigidus est, ex Hippocrate & Aristotele: per accidens calidus, Cordis contactu, vel influxu.

Vt Sanguinis vires magis extollas, animatum esse statuis. & in ista gutta Sanguinis primogeniti, animam insitam fuisse, qua corpus formauit.

Hæc quæstio de animatione Sanguinis valde dubia est, nec ipsam Medici admittunt; de vegetatiua & sensitiua, ut in plantis & brutis concedi potest: sed de rationali negamus absolutè ipsam contineri in Sanguine, quia ex traduce cum semine parentum deriuaretur; Atque eò tendit tua subtilitas de præstantia Sanguinis, & efficaci virtute, ad vitæ conseruationem, animi & corporis varias dispositiones.

Constat Sanguinem esse partem genitalem, fontem vitæ, primum viuens & ultimum moriens, sedem animæ primariam:

de motu Cord. & Sang. in An. 133

*calor autem Sanguinem comitatus, totum corpus irrigat, fouet & conseruat. Propter-
ea Sanguis ubique in toto corpore reperitur,
nec vsquam id acu pungere, vel minimam
partem scalpere queas, quin Sanguis ocys
profluat.*

Verum est Sanguinem diffusum esse in omnes partes ad nutritionem & conseruationem caloris natiui, an ideo tantas dotes meretur, quas illi tribuis. Nam vt vitæ conseruator est, sic eiudem destrutor, dum vitatur & corrumpitur. Non intelligis Hippocratis ἀπολειψαι τὸ φλεβόν, id est arteriarum interceptionem ex abundantia Sanguinis circa Cor, dum motus eius intercipitur. Quo in casu liberalem Sanguinis detractionem consulit Hippocrates, istamque oppressionem & suffocationem Cordis, Galenus vocat syncopem cardiacam.

Cor ipsum per arterias coronarias influentem unà cum Sanguine caliditatem, vitamque accipit, quas eatenus dumtaxat obtinet, quatenus eo prouiditur.

Quis non rideat istud ab HARVEO prolatum? Cor quidem habet in superficie venas & arterias coronarias perreptantes eius superficiem ad nutritionem extimarum partium, & adipis conseruationem, quia Sanguis ventriculis exceptus,

134 *Ioannis Riolani Notationes*

& in perpetuo motu non potest densos Cordis parietes penetrare, atque non potest harere, quia continenter voluitur. Cor igitur focus caloris, & origo vitæ propter calidum innatum ibi radicarum, potestne ab illo Sanguine suam caliditatem, vitamque accipere? Id prorsus ridiculum, & indignum HARVEO Philosopho, Anatômico, & Medico.

Falsum est quod iecur, aut Cor sit author & opifex Sanguinis, ut contrarium planè ex pulli fabrica in ovo aperte constat, nimirum Sanguinem ipsum potius esse authorem Cordis, & hepatis, quum Sanguis in ovo aliquamdiu appareat priusquam corporis, aut visceris alicuius vestigium extet, ubi tamen nihil Sanguinis à matre, (quod in viviparis vulgo fieri arbitrantur) ad factum pertingat.

Non diffiteor ex Sanguine partes formari, sed ubi fuere delineatæ ex materia seminali initar retis, tunc guttulæ Sanguinis affluunt ad repletionem staminum, & corporaturam effingendam. Alioquin ex pulli formatione humanam dirigere velle ridiculum est.

Iecur & calorem & colorem suum à Sanguine mutuatur, non autem Sanguis à iecore, adducit in exemplum virgines cachecticas, febre alba laborantes, quarum cor

pus pallidum est, ut secur ex penuria Sanguinis.

Miror tot ineptias proferri ab HARVEO. An ignorat multorum animalium & piscium iecinora esse flava, viridia, nigra, quorum Sanguis est rubicundus, indicio Sanguinem in Corde suum colorem mutuari, quamvis recipiat primam tincturam in hepate. Sed exemplum cachecticę virginis ineptum est, quę toto corpore, & facie pallida est, quia Sanguis est serosus, qualis est color Sanguinis in venis, talis in facie & toto corpore efflorescit, quia diffusus per vniuersum corpus. Sed vnde quęso mutuatur suum calorem Sanguis, nisi à Corde, vel iecore? Si à matre non suppeditatur, vnde deriuatur Sanguis isto colore præditus?

Patet hoc idem luculentius, quia nec in omnibus animalibus, nec omni tempore Corpulsans reperitur, cum tamen Sanguis, aut eius analogum in nullis unquam desideretur.

Ridicula est conclusio huius Exercitationis, cui iam satisfeci. Pergit sequenti Exercitatione XI. demonstrare Sanguinem esse partem principalem.

Certum est, & ad oculum liquet, Sanguinem esse partem pulli primigeniam, ac prinde genitalem, eaque omnia illi com-

petere, quæ capite præcedenti attribuimus.

An si in pullo ita in homine fieri solet? cum vitellus luteus calefieri, & rubescere queat fotu gallinæ, & ex eo extrahi gutta Sanguinis? quod non potest fieri in semine virili. Textus *Aristotelis* à te citatus verus est, & continuum Sanguinis motum indicat, quia quamdiu vita servatur, animatur: tanquam primarium instrumentum animæ, & feruet, quia vehiculum caloris per vniuersum corpus: Id intelligendum de Sanguine à Corde emanante, non de gutta illa Sanguinis imaginaria.

Sanguinem ex irritamenti iniuriâ, & fomentis commodum persentiscere, manifestum est, ex vario ipsius motu: idèque concludimus Sanguinem per se viuere, & nutriri, nulloque modo ab aliqua corporis parte vel priore, vel præstantiore dependere. An verò totum corpus ab ipso dependeat, cui illud est postgenitum, adiunctum, & quasi admiscendo appositum cernimus, non est huius loci determinare.

Audax, ne dicam temeraria propositio. Iniurias, vel commoda non persentiscit; sed partes, quas alluit, sentiunt, prout est purus, vel impurus, ita partes afficit iucunde, vel cum molestia. Viuere Sanguinem & nutriri, quis hoc ferat? Si vita sit permanens caloris in humido, ita viuere
potest

de motu Cord. & Sang. in An. 137

potest, quia in eo permanet & consistit calor natiuus : sed nutriri Sanguinem nullus Philosophus aut Medicus admittet, cum ipse sit destinatus ad nutritionem omnium partium corporis ; potest quidem augeri, vel minui, sed nequaquam nutriri. Quoniam humore, nisi Sanguine ? ergo Sanguis seipsum nutrit. Nutritio est Sanguinis in substantiam partis solidæ conuersio. Ergo alius Sanguis ex chylo genitus nutrit priorem Sanguinem in venis contentum. Ridiculum est dicere à nulla parte dependere Sanguinem, cum ortum suum debeat hepatis sanguificanti, suam perfectionem Cordi viuificanti. Aliud est loqui de ista gutta Sanguinea, quam per se viuere & nutriri sustinet HARVEVS, quia palpitat & nutritur, per additionem, non per veram nutritionem : Aliud est loqui de Sanguine formato, & persistente quamdiu viuatur.

Nec vita solum Sanguis author est, sed pro vario eius discrimine sanitatis, morborumque causæ contingunt

Nemo ea de re dubitat, nam vt vitæ conseruator est Sanguis, sic eiusdem destructor ; Quod nos viuificat, idem etiam enecat, prout rectè, vel prauè dispositus est Sanguis. Id Medici quotidie obseruant, & Hippocr. declarauit, lib. de morbis vir-

138 *Ioannis Riolani Notationes*
ginum, & variis in locis.

Circuitum Sanguinis admirabilem à me iam pridem inuentum video propemodum omnibus placuisse, nec ab aliquo quidpiam hætenus obiectum esse, quod responsionem magnopere mereatur. Quapropter si circuitus illius causas, & utilitates addidero, aliaque Sanguinis arcana exposuero, crediderim sane me non magis nouam, quam utilem gratamque operam Philosophis, Medicisque præstiturum.

A viginti quinque annis editus est liber tuus de Circulatione, necdum causas, & utilitates exposuisti, quod præstare debueras ante editionem huius Tractatus de *generatione animalium*, quia curationibus morborum valde contrarius, & perniciosus est, nisi correctus fuerit, ut demonstraui.

Sanguini sensum & motum pluribus indicijs conspicuum est. Id probat ex semine quod est animatum. Pariter Sanguis erit animatus, cum ex ipso Sanguine genitus fiat.

Demonstratum fuit suprà, sensum nullum inesse Sanguini, sed partibus, quibus adhæret. Motum habet, quia à spiritibus impellitur vndiquaque, ne putrescat, & corrumpatur. Cor maxima naturæ providentia primus est impulsor Sanguinis, qui

de motu Cord. & Sang. in An. 139

sensum & motum habet, quia est animatus, quatenus est facultatum animæ vehiculum: sed ipsum esse animam, ex *Critia Philosopho* absolute negamus cum *Aristotele*. Si semen est animatum, quia ex Sanguine purissimo spiritibus partium principum imprægnato producitur, non sequitur Sanguinem habere easdem qualitates, & dotes, quas semen possidet, ex quo, ut scribis, cum providentia, arte, & intellectu, diuina corporis fabrica exstruitur. Ergo Sanguis ex te non est fabricator, & opifex corporis: sed semen, quod tanquam inutile antea reiciebas.

Ineptè quæris, *An Sanguis sit pars corporis, & intendis id probare ex Hippocrate*, qui partes corporis diuidit in continentes, contentas, & impellentes. Sed ea de re plenius agetur alibi.

Sic euadis isto subterfugio pro more tuo. Propterea tecum ea de re non disputabo.

Putat sufficienter probasse, *Sanguini inesse sensum, & motum*. Nunc cor ipsum membrum scilicet principalissimum insensile esse, demonstrat historia memorabili, si vera est.

Nolo tamen suspectam reddere historiam illam de fenestrato pectore ex fractura costarum, dum adhuc esset puer, (quod optabat *Momus* in fabrica corporis
m ij

240 *Ioannis Riolani Notationes*

ris) & Corde sese manifestante per istam fenestram. Hoc miraculum viuentis adolescentis cum isto incommodo per Galliam & Italiam peregrinati, tandem Londinum reuerſi, Regi Angliæ, multisque aliis ostendit HARVEVS, sed non dilenter explicat si Cor adhuc Pericardio succinctum & obuelatū erat. *pse ager Cor suum tangi non sentiebat, ergo Cor sensu priuatum erat.* Non inde sequitur, quia interiectum erat Pericardium, illudque insensibile, quia carne fungosa adnata contentum. Non designat fracturæ locum, an in veris vel nothis costis. Ponamus fuisse in veris, cum sit adstrictum, & reuultum Cor ad centrum nerueum diaphragmatis interuentu Pericardij, quod orbiculatim centro nerueo diaphragmatis adnexum est, dubito quomodo potuerit obseruare Cor ferire pectus, & prominulum esse, cum erigitur sursum, & in se contrahitur.

Postea inquirir, an Sanguis nutriendo solum corpori interuiat, plurima explicata ardua, maleque coherencia consequuntur Medicorum sententiā in Physiologicis, dum dicunt pituitam in Sanguinem laudabilem conuerti posse, similiter bilem in Sanguinem transire negant, sed in melancholiam, à caloris concoquentis excessu mutari. Quæ si

de motu Cord. & Sang. in An. 141
vera sunt, nullusque *ys* regressus concedi-
tur, scilicet de melancholia in bilem, de
bile in Sanguinem, oportet fateantur omnes
illos succos esse in ordine ad melancholiam,
atque hanc esse prin ipale. & maximè con-
coctum nutrimentum

Demonstras te in Physiologicis parum
exercitatum. Aliud est loqui de naturali
constitutione Sanguinis, aliud de contra-
ria & morbifica; Nam pituita dulcis, cras-
sa, vitiosa, licet excrementitia potest de-
generare in Sanguinem per inedias, non
ea quæ corrupta est & morbifica. Bilis
non potest in Sanguinem facessere, quia
acerrima & ferina; sed per adustionem
degenerat nō in melancholiam, (quia no-
men est morbi, non humoris) sed in hu-
morem melancholicum, qui varios ad-
mittit gradus malignitatis pro variis gra-
dibus adustionis. Itaque atra bilis pessi-
mus est humor, qui corpus nostrum de-
struit.

Tandem statuis, Sanguinem esse simila-
re, & dissimulare, alere, & ali posse, quod
si ex natura instituto corpori solum nutrien-
do destinaretur, non nisi similis constitu-
tionis existeret, instar chyli, vel albuminis
oui, vel tanquam alij humores bilis utra-
que & pituita, qui tales post obitum etiam
extra sua conceptacula permanent, quales

in vino corpore conpisciebantur. Non autem adeo subito transmutaretur.

Ineptè comparas Sanguinem laudabilem nutritium cum aliis humoribus excrementitiis. Sanguis enim alimentarius ex quatuor humoribus conflatus est simul unitis, in vna substantia liquida sub nomine Sanguinis. Quamdiu mixti & uniti perseverant, tamdiu sanitas adest; eorum dissolutio morbum creat, ex *Hippoc. lib. 1. de nat. humana*. Et prout humor separatus prædominatur aliis, sic morbos procreat, biliosos, melancholicos, pituitosos, pro natura & conditione humoris dominantis: non diffiteor tamen excrementitios humores morbos excitare in suis locis, ubi cespitant alterati, vel exuperantes: Vel si in venas maiores irruant, inficiantque massam Sanguinis.

HARVEVS notat alium esse, siue aliterius natura Sanguinem in venis, alium, qui extrauenatus est vasculis exceptus. Qui venis coercetur, vivit, & animatus est; extrauenatus, est mortuus, ac proinde corruptus; in corrupto Sanguine partes dissimilares apparent, ex colore rubra, candida, nigricantes; ex consistentia fibrosa, densa, alia sussa. Observavit mucaginem illam, qua supernatat, & coagulata remanet, non esse crudioram, & frigidioram partem Sanguinis,

demotu Cord. & Sang. in An. 143

sed magis spiritalem duplici experimento motus, quia florida & rutilanti parti etiam arteriosa supernatat tanquam calidior & spiritu plenior. Deinde quod in vena sectione Sanguis huiusmodi impetuosè profluit, tanquam è syphone elusus, talis mucago apparet in Sanguine calidiorum animalium, veluti equorum, boum, & in robustis & calidis animalibus. Differt hac mucago ab ichoroso sanguine, quia densa semper & coagulata permanet. Ichor verò est colligatio istius mucaginis: nam si leui focò decoxeris ichorem mutabis in mucaginem. Differt ab urina, quia coctione non densatur.

Miror HARVEY in re tam clara & perspicua, omnium Medicorum iudicio confirmata contradicere, vel cæcutire: Nempe mucaginem illam candidam Sanguini supernatantem esse Sanguinis partem subtiliorem, cum reputetur ab omnibus Medicis pituita cruda, ab aliis putredo Sanguinis corrupti, ac veluti in puris naturam conuersi: supernatat quidem Sanguini, & melancholico humori crasso & terrestri. Si Sanguis abundet ista portione pituitosa & crassa, segnius effluet, tantum abest, vt impetuosè prorumpat; Atque talis humor mucilaginosus sæpe reperitur in corporibus cachecticis, &

144 *Ioannis Riolani Notationes*

leucophlegmaticis , quæ laborant viscerum nutritionum intemperie frigida.

Vt probet HARVEVS Sanguinem non esse solum alimentum , duabus rationibus demonstrat. *Notum est in animalibus fame enectis & hominibus , qui tabidi intereunt , plurimum Sanguinis etiam post obitum in vasis superesse : altera ratio est , adolescentes , qui augentur , & senes qui iam decrescunt , & minuuntur proportionalem Sanguinis quantitatem obtinent quasi Sanguis pars corporis sit*

Credo in fame enectis totum Sanguinem exhaustum fuisse , & mortem succedere defectu Sanguinis ad continuationem motus Cordis , & productionem Sanguinis arteriosi. Nescio an tales videris in carceribus fame mortuos , præsertim Catholicos in Anglia ; qui tabidi intereunt , plurimo Sanguine abundant , sed putri , seroso , ad nutritionem inepto. Propterea *Hippocrates* in tabidis detrahit Sanguinem , donec corpus exsangue reddatur. *Lib. 5. Epid. Galenus* in ea muliere quæ tabida erat ex suppressione mensium , ad quatuor libras detraxit Sanguinem. Certum est pro necessitate alendi corporis vigere appetitum , ideoque senes & adolescentes ratione appetitus comedunt , & Sanguinem gignunt. Nec est certa & definita mensura Sanguinis ,

demotu Cord. & Sang. in An. 145
Sanguinis, in istis corporibus à te commem-
moratis.

Tandem ne videatur improbare detra-
ctionem Sanguinis, partis adeo præstantis,
& necessariæ ad vitam, permittit in mor-
borum curationibus illius imminutio-
nem, hac ratione addita: *Quantum enim*
Sanguinis ex arte detrahitur, tantumdem
vita ac salutis additur: id ipsum nos natura
docuit, quam Medici sibi imitandam pro-
ponunt. Quod respicientes Veterinarij, om-
nem fere iumentorum medelam à venæse-
ctione auspiciantur.

Quare ad probandam necessitatem ve-
næsectionis, in exemplum adducis veteri-
narios? Scio apud *Vegetium* in Mulo-Me-
dicina, & apud Authores Hippiatricos
Græcos, usurpari frequenter venæsectio-
nem, & sæpe bis terve iteratam. Cum sis
Medicus, debueras potius exemplum Me-
dicorum petitorum priscorum proferre,
qui incipiunt curationes à venæsectione:
& *Hippocrates venæsectionem, lib. 4. de Vi-*
ctus rat. in acutis, ἡγεμνικὴν appellavit,
principale, id est vel primum, vel præ-
cipuum ad curationem morborum re-
medium.

*De experimentis Anatomicis HAR-
VÆI & VALLÆI in viventibus
animalibus.*

EXAMEN CAPITIS XIX.

QUOD spectat ad experimenta Anato-
mica in viuētibus animalibus facta,
mihi suspecta sunt, & valde dubito, an pos-
sint facile, & certo, fieri, saltem in quibus-
dam sunt planè falsa. Certus sum, & exper-
tus loquor, vix in cadaueribus absque cru-
entatione magna detegi & conspici posse
distributionem venę Portę, propter par-
tium lacerationem, quas remouere con-
uenit, priusquam in conspēctum veniant.
Et hoc opus in Anatome difficillimum
iudicauit peritus Anatomicus, & disse-
ctor *Vesalius*; quomodo in viuētibus
absque magna sanguinis effusione, (quæ
opus perturbat, & mortem animantis
accelerat,) detegi queunt, venę Sple-
nicę immersę Pancreati, rarius mesente-
ricus, vt iis ligatis demonstreretur refluxus
Sanguinis ad Hepar, nisi remoueantur
intestina, distrahantur iecur & ventricu-
lus, dilacerentur mesenterium & Pan-
creas, vt nequeas id administrare, vt & cō-

de motu Cord. & Sang. in An. 147

modeintueri sine summâ effusione Sanguinis, qui spongiâ non potest sisti, & absorberi in viuento, difficulter in mortuo animali; Deinde, ligaturæ in vasis Cordis fieri nequeunt, nisi aperto Thorace, dissecto pericardio, pulmonibus reuulsis, qui vasis istis circumiecti adhærent iuxta Cor: interea Sanguis magna copia effunditur, & protinus extinguitur animal. Commodior & facilior est apertio illa, quæ fit in inguinibus animalis, vt in pictura sua ostendit *Vallæus*; Ad demonstrandum recursum Sanguinis ad Cor, facilis est ligatura, & apertio venæ Iugularis interinæ ex HARVEO, quam Regi Angliæ, & adstantibus Aulicis demonstrauit in Dama viuento. Facilis quoque demonstratio in venis cruralibus per ligaturam, ad probandum Sanguinem venarum non refluerere in arterias, quam non expertus est HARVEVS, & tamen proposuit, atque ita fore iudicauit vt imaginatus est. Propterea qui talia scribunt, sine pudore mentiuntur, & Lectoribus inexpertis illudunt ac imponunt, qui nunquam istis operationibus manus admouebunt. Credat Iudæus Apella, non ego. Catus, & cautus fuit HARVEVS in istis experimentis proferendis; Audax *Vallæus*, securus parumque sollicitus de posteritatis iudicio. Cæterum, vt licet iis,
n ij.

quæ è longinquis regionibus redeunt, impune mentiri, sic iis, qui nouitatis studio, tenentur, atque inuia Pieridum peragrant loca, nullius ante trita solo, licet imponere in rebus difficillimis, que nos cogunt ad experimenta ardua, laboriosa, magnarum impensarum, ad explorandam veritatem eorum, quæ noua, inaudita, & mirabilia proferuntur. HARVEVS Tractatum suum *de conceptione & formatione corporis, in generatione Viniparorum*, impensis Regis Angliæ suscepit, qui spectator sæpius interfuit viuientium euiscerationibus, vti narrat: ad eam rem quamplures feminas Ceruas & Damas ei concessit, quas *Harueus* aperuit, vt partium genitalium structuram in prægnantibus inuestigaret, & cognosceret; ac proinde multa narrat incredibilia, quæ pro veris nobis obtrudit, ac si tota antiquitas in fabrica corporis describenda decepta fuisset. Si Medicus non credulus istis hæc repudiet, ad greges pecorum nos ablegabit, priusquam falsi redarguatur, vt fecit HARVEVS in Præfatione sua, atque authoritatẽ *Salomonis in Proverbiis*, adferet, qui prius respõdet quam cognoscat, stultum se fuisse demonstrat, & confusione dignum. Quisnam Medicus in praxi occupatus, tempus, operam, &

questum suum disperdere voluerit in earum rerum exploratione, quæ nihil conferunt ad melius medendum? Manebit potius in antiqua doctrina verisimili, ab omni seculo, & ab omnibus nationibus approbata, quam in dubia & incerta ridiculus esse, si fauceat istis paradoxis opinionibus HARVEI, quæ non possunt sustineri rationibus, nisi visu, & tactu demonstrantur. Honestum est, inquit Aristoteles 1. *Topicorum*, philosophari, sed non omnibus convenit, iis tantum, qui opulenti sunt, & suo redditu opimè viuunt, qui vero arte sua vitam sustentare debent, non libenter ea studia sectantur, quæ nullam utilitatem arti suæ, rebusque domesticis adferunt. Quare in hac ætate prouecta, lubens & volens abstineo ab istis experimentis difficillimis, laboriosis, quæ aliis curiosis, iuuenibus, & diuitibus relinquo.

Quapropter cum *Auicenna* 1. *doctrina* 6. *cap.* Distinguo sermonem utilem à vero; Medicus qua Medicus, inquit ille, non curat, quid in veritate sit, sed contentus est phænomenis quibusdam, quæ sunt factis illi in curatione morborum. Adde quod sensui non omnia sunt deferenda, alioquin à sensibus plurimum decipimur, nisi rationem adhibeamus, Videmus in Luna fa-

130 *Ioannis Riolani Notationes*

ciem hominis, quæ nulla est: videmus in iride varios colores, an ideo colores in cælo? in cerebro est motus, sed cuius partis nondum definitum. Nerui optici sunt perforati, & caui, obstruuntur, nemo tamen videre potuit manifestè eorum foraminula.

Tuam doctrinam & aliorum, per experimenta, sic explicabo *ex Galeno, lib. An Sanguis contineatur in arteriis. Quacumque in cognitionem veniunt, aut sensu, aut rationeprehenduntur.* Atque ut sensilium multa multis de causis sensum effugiunt, ita rationem quoque rationalium multa prætereunt. Quod cum ita sit, quisquis sincerus veritatis amator extiterit, is nec ab euidenter cognitis ob ea quæ nondum comperta habet, recedet: nec ob euidenter cognita, iis quæ adhuc sibi incomperta sunt, accedet. Qui verò talis non est, vel incognitarum rerum gratiâ de cognitis dubitat, vel cognitarum causâ incognitis assentitur. In primum inciderunt ij, qui quod nihil sciri dicerent, se Scepticos appellarunt: In secundum, plerique illorum, qui Dogmatici nominantur.

F I N I S.



ANACEPHALÆOSIS

NATHANAELIS

HIGHMORI,

ANGLI,

*De Circulatione totius Sanguinis, in
quavis particula, per uniuersum
Corpus, examinata.*

Pag.
251.



REDERET forsan aliquis
in rebus Anatomicis pa-
rum exercitatus, quæ-
cumque de Anastomosi-
bus venarum & arteria-
rum narrantur ab *Highmoro*, ad proban-
dam Circulationem Sanguinis, esse ve-
rissima, & ab eo diligenter inuestigata, pi-
cturis diligenter expressa fuisse, quia iussu

152 *Anaceph. Nath. Highmori,*
D. Haruei, Medici Serenissimi publica cen-
sura suam Disquisitionē Anatomicam expo-
suit. Ac proinde non indignā luce, atque
talem ab *Eruditissimo Harueo* iudicatam
fuisse. Ego vero manifeste demonstrabo
cuncta hæc in plurimis esse falsissima, nec
ex libro *Naturæ*, id est corpore humano,
descripta. Imo audacter asseuerabo, ne-
minem adhuc Venas, Arterias, & Nervos
totius corporis accuratè indagasse, atque
verè descripsisse. Picturas omnes ex *Vesalio*
traductas, falsas esse, ac fictitias: Trun-
cos tantum insignes vasorum rectè desi-
gnatos, sed ramos, & diuaricationes ima-
ginatione potius pictas, & descriptas fuis-
se, quàm si reuera extarent; atque sic de-
ceptum fuisse *Highmorum*, & posteritati
imposuisse, quia neglexit & prætermisit
tanquam inutilem, tractationem de mus-
culis, & artubus, Medico tamen valde
necessariam, ex consilio *Galeni*.

In primis fingit, *omnes venas & arte-*
rias per Anastomoses uniri inter se, quod
non absolute inficior, sed hoc repugnat
doctrinæ *Haruei*, qui nullibi deprehen-
dit istas vasorum Anastomoses, sed per
substantiam partium, Sanguinem effundi
per arterias, & à venis vicinis resorberi, ut
remittit per venam Cavam ad dextrum
Cordis ventriculum.

'in Circulationem Sanguinis. 153

Pag. 252. *Arteriarum ramis ad Spinalem medullam transmissis, associantur venulae qua abundantem à nutritione spina Sanguinem ad venas intercostales reducunt. Venulae istae sunt productiones intercostalium, nec ab illis differunt. Miror istis venulis valuulas non attribuisse, ad impediendum regressum.*

Pag. 252. *Cœliaca dicitur arteria, Non quod ad ventriculum maiore ex parte delegatur, sed quia omnibus fere partibus ventris inferioris distribuitur, qui *νοστία* nominatur: Lien habet arteriā Splenicam à Cœliaca separatam, *Highmore* ignotam, cuius primus mentionem fecit *Arantius*, & post eum *Spigelius* expressit in Iconibus suis: hanc *RIOLANVS* sæpius observavit, ac publice demonstravit.*

Pag. 253. *Paulò infra Cœliacam prodiit arteria mesenterica superior. Ergo rammum separatum à Cœliaca facit, cum tamen sit Cœliaci soboles, hæc diuiditur in Splenicam & Mesentericam. In istis vasis hypochondriacæ melancholiæ sedem statuit *Spigelius*. Quod non placet *Highmore*, ne concedat ibi Sanguinem non circulari, quia, inquit, à perpetuo sanguinis profluvio humores proluerentur, & agitantur: sed in hisce vasis rectius procul dubio humores illos in Sigmoidum lienis*

154 *Anaceph. Nath. Highmori,*
parenchyma, & pancreatis effluere pronun-
ciabimus, quia primæ coctionis vitiosi hu-
mores in pancreate separantur. Ergo pan-
creas chyli est expurgatorium viscus, &
arteriæ perpetui sordium totius corporis
expurgandarum canales.

Quomodo vena Spermatice in vivis post
mutuas Anastomoses & implicationes, sine
intexturas inter se, parastatam Cirroidem
constituentes, possunt à testibus Sanguinem
ex testium nutritione, & seminis genera-
tione abundantem referre? Hoc est im-
possibile, ac ridiculum proferre.

Ibidem. Nullæ sunt arteria Spermatice
in mulieribus à Trunco Aorta prodeuntes.
Sed portiones arteriæ hypogastricæ ascen-
dunt ad testes muliebres. Ergo falsa Apho-
rismi 32. Hippocratis, Sect 5. tua interpre-
ratio. Idem fatetur, & mecum admittit,
Harueus, lib. de generatione Animalium.

Pag. 254. Multum laborat in expli-
canda causa paralyseos in Colico affectu;
nec veram causam assignavit à me descri-
ptam in Anthropogr. cap. de Mesenterio. At
diuersus est à Spigelio.

Pag. 255. In parte anteriore trunci Aorta,
priusquam in ramos Iliacos diuidatur iux-
ta Os sacrum, Mesenterica inferior enasci-
tur: per arteriam hanc, apertis venis hæ-
morrhoidalibus, vel arte, vel naturâ, hu-

in Circulationem Sanguinis. 155

mores melancholici ac serosi euacuantur, atque sic Lien, renes, totumque Mesenterium à coenosis ac vitiosis humoribus liberantur; huius enim exortus ab arteriis emulgentibus, & ramo Lieni oblato non multum distat, adeo ut ab utrisque facile ruentes humores deriuat. Notate in hoc discursu insignes errores contra Circulationem Sanguinis, & rei veritatem. Nam admittit apertis venis hæmorrhoidalibus Sanguinè coenosum fluere à Liene & mesenterio ad hæmorrhoidales venas. At non potest fluere à liene & mesenterio per arterias ipsis distributas, sed per venas. Ergo Sanguis coenosus, & vitiosus descendit ad anum. At quia mesenterica inferior paulum distat à Splenica arteria & mesenterica superiore, humores fluxuros in eas partes, deriuat in mesentericam inferiorem. Ergo humores qui in Liene & mesenterio continentur, non expurgabit, aut saltem remeabunt in Aortam, inde in arteriam mesentericam inferiorem, quod repugnat Circulationi.

Pag 156. Maior est quæ sequitur hallucinatio. Vasa hæmorrhoidalia duplicia sunt, interna, vel externa. Interna vasa sunt arteria hæc mesenterica, quæ in posteriora secti intestini implantatur; & vena eius sociæ, quæ frequentibus Anastomosibus cum

156 *Anaceph. Nath. Heghmori,*
illa unita, per mesenterium repens, Sanguinem ab arteria hac prolatum, in Portam exonerat. Quomodo mesenterica vena inferior arteriæ socia potest per mesenterium repere, si descendit per Os sacrum ad rectum intestinum, & Sanguinem ab hac arteria prolatum exonerat in Portam? Omnes Anatomici per venas hæmorrhoidales à ramo Splenico, interdum à mesenterico prodeuntes, & ad marginem ani excurrentes, Sanguinem superfluum Portæ vacuari crediderunt. Interdum per venas hypogastricas. At ille novas vias fingit imaginarias, & impossibiles, ut quoquomodo adstruat, & demonstret Circulationem Sanguinis per venas & arterias. Ac sane causam Haruei, in sua Disquisitione Anatomica, deteriorem reddidit, tanquam præuicator.

*Non tali auxilio, nec defensoribus istis
Tempus eget.*

Implorandus erat calamus doctissimi *Georgij Ent*, ad defensionem *Haruei*. Nec parum laborabit deinceps in tuendis novis opinionibus *Haruei*, libro de generatione Animalium, euulgatis.

Pag. 257. Tandem fatetur, per venas hypogastricas Sanguinem menstruum in mulieribus per cavitatem uteri, & per cervicem expurgari. Ergo per venas descendit.

Pag. 257. Falsum est arteriam Iliacam utramque in duos furculos distribui, interiorē scilicet, & exteriorē, nam vnicus est secundum longitudinem Psoæ musculi ad inguina protensus. Propterea falsa & ridicula descriptio arteriarum à ramo interiorē & exteriorē Iliacæ arteriæ. Falsum quoque *venam Iliacam exteriorē cum arteria Iliaca interiorē, per foramen Ossis pubis transire*; Est enim ita occlusum à duobus musculis obturatoribus, externâ & internâ facie locatis, ut nihil per illud foramen transire queat.

Pag. 260. Falsum etiam, *dextram arteriam subclaviā in duos ramos findi, quos carotides appellant, & inæquales esse magnitudine, cum dexter sit sinistro multò maior.* Nunquam vidit & observavit Aortę ascendētis diremptum; nam animadvertisset trifariam scindi, in arteriam subclaviā sinistram, Carotidem sinistram, & subclaviā dextram. Error iste intolerabilis anatomico, qui suam peritiā venditat, ex pluribus dissectionibus in viventibus animalibus, & cadaueribus humanis comparatam.

Pag. 261. Si *Highmorus* in his arteriis, quæ manifestæ sunt, adeo turpiter hallucinatus fuerit, quis ei credet describenti arterias obscuriores per Cerebri substan-

158 *Anaceph. Nath. Highmori,*
tiam dispersas? Quęcumque ab ipso de-
scribuntur, falsa prorsus esse possum asse-
uerare. Verum deceptus fuit in rebus A-
natomicis à *Spigelio*, quę solum sequutus
est, vel potius transcripsit. Laudandus ta-
men eius conatus, forsan monitus me-
liora reponet. At quoniam in ista *Anace-*
phalæosi omnes *Anastomoses* vasorum,
quę in sua *Disquisitione Anatomica* con-
tinentur non expressit, reliquas ab eo præ-
terminissas examinabo.

Pag. 16. Non credo, *In omnibus venis*
per Omentum sparsis valvulas plares repe-
ri, ad splenicam & gastrepiploas spectan-
tes, easque ad ostia venarum positas, ne à
dictis ramis in has minutulas Sanguis re-
fluat, & illas violaret. Imò Sanguis de-
buit magna quantitate eò confluere, quia
promptuarium est Sanguinis, vnde iecur
escam repetit, si indigeat, vt suppeditare
queat alimoniam aliis partibus famelicis.
Nec in viuentibus arteriæ micantes in o-
mento conspiciuntur, siue extra ventrem
vulneratum prolabatur, siue in viuenti-
bus animalibus dissectis obseruetur.

Pag. 26. Adeo addictus est *Highmorus*
designandis arteriis ad nutritionem par-
tium, & venis ad Sanguinis recursum ad
Cor, vt inde notabiles errores commiserit,
in explicandis arteriis & venis hæmor-

rhoidalibus. Mesenterica arteria inferior (inquit ille) ad extremum podicem descendens, arteriam constituit hæmorrhoidalem Sanguine benigno, & concocto ipsum irrigans, ab his vena mesenterica dextra, ad quam hæmorrhoidalis vena dextra tēdit, ac sinistra mesenterica vena Sanguinem in portam, & vena hæmorrhoidalis externa in Cavæ ramum hypogastricum reducunt. Quot verba tot errores in Anatome: fingit duas hæmorrhoidales venas à Porta, cum sit unica; nec unde procedat, exponit, an à ramo splenico, vel mesenterico, & venam hæmorrhoidalem externam in Cavæ ramum hypogastricum Sanguinem reducere; Ergo communionem habent venæ Portæ rami, cum ramis venæ Cavæ.

Pag 35. Incertus fluctuat ac dubitat de usu venarum mesaraicarum. Per has, inquit, totum corpus expurgari possibile est. Ideoque sentinam corporis dicimus hanc partem, ubi sparguntur, quia cōnosa omnia & faculenta in alium amandari possunt, ideoque natura nullas his donavit valvulas, ut per illas facilius descendant humores, atque hoc euacuationis genus probatur, ex Hipp. Aph. 14. Sect. 6. Sed rectius forsàn hoc dicere possumus per arterias humores ad intestina confluere, per venas enim non nisi mutato, aut saltem perturbato Sanguinis

160 *Anaceph. Nath. Highmori,*
cursu descendere possunt. Studium affecta-
tum demonstrandi vias Circulationis San-
guinis ex doctrina *Haruei*, errandi occa-
sionem præbuit *Highmoro*; Nam duæ tan-
tum arteriolæ in hepate reperiuntur, pro-
pagines arteriæ Coeliacæ: quomodo per
istos ramulos impuritas hepatis venosa,
fæculenta potest deriuari in intestina?
Longè sunt ambages viarum, quare vult
per arterias potius expurgari sordes alui-
næ regionis, quam per venas? Ne des-
censum humorum admittat in venas, ac
proinde Sanguinis.

Pag. 43. Confusè admodum, *ramos*
Splenicos (ut credo Portæ) cum arteria Co-
liacæ ramis coeunt, & ad Lienem deferri,
ab utroque humores melancholicos deponi
posse. Ergo venæ cum arteriis deponunt
sordes in intestina, contra doctrinam *Har-*
uei.

Pag. 50. *Vnicuique Cavae furoculorum*
rificio in brutis intra hepar, ubi in Cavam
hiant, valvula apposita est, ne Sanguis rur-
sus, in iecur regurgitet, & illud suffocet.
Nullum inde periculum iecori potest ac-
cedere, quia vel in partem inferiorem
trunci descendet Sanguis, vel transibit in
venam Portam, per mutuas Anastomo-
ses, quæ sunt in iecore, ex obseruatione
Highmori. Si ista obseruatio sit vera de
valvulis

in Circulationem Sanguinis. 161

valvulis, miror ab oculatissimo Slegelio, id in hepate bouino non fuisse deprehensum, neque à Bartholino, qui diuifus est à Slegelio

Ibid. Vena Portæ cum furculis Caudæ per Anastomoses insignes coniungitur, quod non solum in minutissimis vasis contingit, sed etiam in maioribus, in quibus tam ample sunt, ut canalem amulentur, per quas fluit à Portâ in Caudam. In hoc articulo contradicis Harueo, qui nullas vnquam obseruauit Anastomoses, inter radices venæ Portæ & Caudæ. Fateor tamen in iecore adhuc calente post mactationem animalis, per insufflationem venæ Portæ, ipsam Caudam in tumorem attolli, quod indicat si non manifestas coitiones venarum inter se, saltē ab vna vena in alteram traduci posse sufflaminatum spiritum, ac proinde Sanguis feruidus, spirituosus, facile transibit.

Pag. 68. Inopinatò fateris, à ramo Splenico humorem melancholicum per venas minutulas in Pancreas, inde in duodenum, nunc ad mesaraicas, & per aluum, & hæmorrhoidas excerni. Ergo Sanguis descendit per venas ad expurgationem.

Pag. 89. Cum sint vasa Spermatica adeo implexa, Quomodo ex perenni hac circulati Sanguinis defluxione, per

262 *Anacep. Nath. Highmori,*
substantiam testiculorum Sanguis redire po-
test per venas spermaticas ad emulgentes
Hoc est impossibile. Vt & illud, quod re-
petis Pag. 90. Venas è testibus exeun-
tes, partem Sanguinis ad Cauam, à ca-
lore & facultatibus testium inquinati re-
portare.

Pag. 100. Cum agit de fluxu men-
struorum, *Arteria huic officio inservientes plus*
Sanguinis in venas à se effundunt, appro-
ximante tempore purgationis, quam per
illas transmitti possit in Cauam. Venarum
itaque distensarum ora, ut ab onere leua-
rentur, aperiuntur, & Sanguinem euomunt,
&c. Hic locus notabilis contra Circula-
tionem Sanguinis, videlicet ab arteriis in
venas Sanguinem deriuari & foras expur-
gari.

Pag. 101. *Arteriis plurimis ditatus est*
uterus, quibus & sibi & incluso foetui ali-
mentum educitur, per quas etiam vacuato
utero, totum corpus liberatur excrementis,
unà cum Sanguine menstruatim effluente,
qua si in corpore accumulenter, nec consu-
to more excernantur, per venas ab utero re-
fluentes cum Sanguine inquinato Cerebrum
petentes, aut Cor: horribilium accidentium
sunt Authores. In hoc articulo vis per ar-
terias expurgari uterum, & refluentes for-
des cum Sanguine ad Cerebrum per ve-

in Circulationem Sanguinis. 163

nas ascendere, quod repugnat Circulationi, atque si per arterias menstruæ purgationes fierent, immodicè flueret Sanguis, nequam facile sisti posset.

Pag. 133. Cum fuerit adeo sedulus in designandis valuulis minorum venarum, in quibus nullæ reperiuntur, *Miror ab illo prætermittas fuisse istas valuulas manifestas venæ sine pari*; Cum de istis multi Anatomici dubitarint, quod est in præxi magni momenti.

Pag. 134. Grauiterrat in describenda distributione Aortæ ascendentis. *Bifariam secatur in binarias subclauias dictas, dextram, & sinistram, quæ statim ad claviculas, & hinc ad brachium sinistrum excurrit; ex qua arteriæ diuarcatione pulsum in carpo sinistro examinandum sentio: quia fidenter magis citius Cordis statum, ac conditionem enarrat, quàm arteria carpi dextri. Dextra subclauia altius ascendit, atque inde in alios truncos diuiditur, binas scilicet Carotidas. Ex hoc arteriarum Carotidum à subclauia dextrâ exortu venarum electio in venasectione in morbis cephalicis suadere poterit, quod vena dextri brachij est potius eligenda quàm sinistri. Nescit Highmorus, Aortam ascendentem in exortu suo trifariam findi in subclauiam sinistram, Carotidem sinistram, & subcla-*

164 *Anaceph. Nath. Highmori,*
uiam dextram. Carotidem sinistram me-
diam esse, & emergere à trunco, ideo que-
cumque ex sua descriptione superstruit, &
infert, vana sunt, & ridicula.

Pag. 144. Nihil dico de Circulationis
Sanguinis erroribus, quia loquitur ex
mente, & sermone ipsius *Haruei*, cuius
opinionem refutaui.

Pag. 168. Ut vasa pulmonum accom-
modet suæ Circulationi, *Venam arterio-
sam, & arteriam venosam* scribit dicatas
fuisse pulmonibus, non tantum ad nutritio-
nem, sed ad Circulationem Sanguinis, ac
propterea vocanda esse vasa pulmonaria.
Nescit ille, *Venam* dici, & esse arteriosam,
ab officio, & substantia, quia in Foetu,
loboles est Aortæ, licet in dextro Cordis
ventriculo radices habere videatur, quia
Sanguinem arteriosum ab Aorta in Foetu
transfert in pulmones: *Arteria venosa* di-
citur, quia officio fungitur venæ in foetu,
& propago est venæ Cauæ, funditque San-
guinem in sinistram Cordis ventriculum.
Venam arteriosam pulsare scribit, non ar-
teriam venosam, ut in dissectionibus viuens-
tium animalium obseruauit, quod falsum
est; Nam pulsationem habet à Sanguine
arterioso. Addo arteriam venosam habe-
re valvulas consimiles venæ Cauæ, quia ab
ea propagatur. Itaque ista substantiarum.

in Circulationem Sanguinis. 165

diuersitas in vasis pulmonariis, dependet à prima partium conformatione, ratione partium, à quibus manant, & oriuntur, & à primario officio: Verum aduersatur *Harueo* in distributione Sanguinis per pulmones, quia per *Anastomoses vasa iungi contendit*: At *Haruens* per substantiam pulmonum Sanguinem effundi statuit.

Pag. 204. Nugatur dum scribit, *Inter vitasque laminas cranij præter arteriolas, reperiri venulas: quæ reuehunt Sanguinem superfluum.*

Pag. 207. Valde imponit, dum narrat, *In venulis Cerebri valuulas frequentes reperiri versus sinus dura meningis spectantes.* Ego verò asseuero nullibi in Cerebri venis exilibus deprehendi posse valuulas, etiam à perito Anatomico exactè rimanti istas partes.

Pag. 214. Falsum est, quod scribit, *Plexus choroides ex infinitis arteriarum & venarum surculis inuicem complicatis conflantur post nutritionem Cerebri, vas venale reducit Sanguinem ad sinum quartum.* Ergo ex pluribus arteriis plexus Choroides est contextus: Sed quodnam est vas venale, quod reducit Sanguinem ad sinum quartum? Vnde deriuatum? Lege & refuta quæ scripsi de plexu Choroides in *Anthropographia.*

266 *An. Nath. High. in Cir. Sang.*

Pag. 216 Ignorat *texturam*, & *officium* *retis mirabilis*, & quomodo Sanguis arteriosus distribuatur. Ea in resumnam doctrinæ Anatomicæ ignorantiam declarat.

Pag. 217, Error insignis contra Circulationem Sanguinis, *Arteria & vena Cerebro communicata insignes sunt, à carotidis ramo maiori, & iugularis interna minori ramo propagate, quæ copiosè Sanguinis magnam quantitatem illi adducunt; in minutissimos diuisa surculos, per totam Cerebri substantiam abunde disseminata illam irrigant & nutriunt; quæ si nimium repleta fuerint, adeo particulas Cerebri, quas permeant, comprimunt & constringunt, ut liberum spirituum inde denegetur effluuium, atque inde sæpe apoplexia nascitur. Vbi tuum Cerebrum, quando hæc scribebas? An in plenilunio, vel decresciente Luna? Ergo ex te venæ Iugulares adducunt Sanguinem ad Cerebrum, contra doctrinam Circulationis.*

Pag. 233. Nugaris, *Dum Sanguinem in retina membrana oculi superfluum, ab arteria adnectum per venulas referri ad maiores ut in cæteris partibus.*

F I N I S.



ANATOME

PNEVMATICA.



ADMINISTRATIO ANATOMICA, quæ fit per sufflaminationem Vascularum, & cavitatum, necessaria est ad inuestigandos commeatus, & connexiones partium inter se: atque fieri debet, calente adhuc corpore in brutis, & in humanis cadaveribus mox à strangulatione, quia nondum subsiderunt cavitates. Inde cognosces Circulationis Sanguinis vias in diuersis corporis partibus, de quibus dubitatur. Hoc artificio mendacij & imposturæ conuincere licet novos circulatores Sanguinis de ridiculis reuersionibus Sanguinis ad Venam Cavam.

Si corpus adhuc calens, tubulo introducto, vt fieri solet in animalibus à Laniis, insuffletur, cædaturque virga lata in dorso, ventre, & aliis locis, intumescet vniuersum corpus, & cutis facilius separabitur. Id factitatum à Veteribus in Vi-

etimis, vt corpulentiores apparerent, velut obefiores, vt alibi demonſtraui.

In infante mortuo poſt partum, vel in ipſo partu, ſi Vena Vmbilicalis ſpiritu ſuſſlaminata fuerit, videbis vniuerſam corporis compagem intumeſcere, & aperto Ventre, ac Thorace omnia Viſcera, Pulmones, Cor, Cerebrum, Viſcera nutritia, Venas, & Arterias vento repleta. Inde cognoſces mutuū eſſe confluxum vaſorum, & per vniuerſum corpus ſpiritum diſſundi, quia vnus eſt confluxus, vna conſpiratio, conſentientia omnia, ex *Hippocrate*.

Inflata Vena Porta explorabis, ſi ſpiritus perueniat ad Truncum Venæ Cauæ, tranſeundo per medium iecur, inde cognoſces vtriuſque Venæ confluxum, & coitiones mutuas intra Hepar.

Inſufflabis in Truncum Cœliacæ, vt dignoſcas communicationem inter Venas, & Arterias meſentericas. Idem præſtabis in Trunco rami meſenterici.

Inflabis Arteriam Splenicam, vt poſſis deprehendere excuſſum ſpiritus impulſi uſque ad Lienem, & recurſum in Venam Splenicam, vel Arteriam Cœliacam.

Venam etiam emulgentem, & Arteriam quoque ſeorſim inflabis, ſi ſpiritus tranſire queat uſque ad Vreteres.

Ipoſos

Ipsos etiam Vreteres exsufflabis, vt videas distensionem vesicæ.

Sufflaminabis Oesophagum, vt distensionem Ventriculi & Intestinorum vsque ad podicem obserues, atque si Lien aliquatenus intumescat, ob communionem per vas breue, quam habet cum ventriculo.

Inflandus canalis cholidochus hepaticus, vt insertio in intestinum deprehendatur; & ex parte inferiore sufflaminando, eius progressum & distensionem in Hepate, & communionem cum vesicula fellea, si quæ sit, obseruabis. Aperto vesicæ felleæ fundo, & introducta fistula, inflabis vesicam, vt perquiras an flatus ascendat ad Hepar, & ad intestinum descendat eodem tempore, per meatus bilarios, sic enim dignoscet, num bilis quæ in vesicula continetur, sit diuersa ab illa quæ fluit per ductum bilarium hepaticum.

Inflabis pendulam omenti partem intestinis supertensam, alicubi leuiter percutam, vt intuearis eius extensionem vsque ad simas partes Hepatis, vbi digitum cauernulis inseritur, atque eadem opera explorabis, an altera omenti portio conglobata, Lieni & Ventriculo interiecta, similem distensionem admittat, at-

que ita cauitatum continuationem cognosces.

Tubulos lacteos inflabis, ut productionem ad ramos axillares deprehendas, & si flatus ultra feratur, atque parte inferiore quam habeat communionem istud receptaculum chyli cum Vena Caua descendente; & cum intestinis per suos ramos.

Inflanda Vena Spermatica in viris, ut explores, an spiritus possit ad testes peruenire, & inde Sanguis superfluus remeare ad Cauam per eandem Venam Spermaticam. Inflandum etiam vas ejaculatorium supra pubis ossa, vbi crassum, & descendit ad glandulas prostates, & vesiculas seminarias. An spiritus eò pertingere queat, partes istas distendere, & exire per penem iuxta balanum ligatum.

In muliere Venam Spermaticam inflabis, & Arteriam Hypogastricam, ut Vasorum istorum Anastomoses videas.

Statim à partu post eiectam placentam, & separatam ab umbilico ut decet resecto, Venam vel Arteriam Umbilicalem fortiter inflabis, ut explores istorum vasorum Umbilicalium connexiones siue synastomoses in placenta, quæ si compareant manifestè, cognosces Sanguinem superfluum intra vasa corporis Foetus referri

per Arterias Umbilicales in placentam, & confundi cum altero Sanguine, quem à matre placenta parietibus uteri affixa continenter exsugit.

In Thorace inflandum mediastinum, ut eius capacitas inter duas membranas deprehendatur. Id fiet extrinsecus, si sternum perforetur stilo in media parte, ut pateat ingressus fistulæ, deinde sensim elevato sterno prope claviculas, distensio cavitatis innotescet.

Pericardium inflabis, ut explores, an flatus ad pulmones eat, vel ad Cor, ut viam feri inuenire queas. An potius accipiat suum serum à venis Diaphragmatis.

Inflanda erit Vena Azygos, ut valuulæ compareant, & propagatio istius venæ ad omentum Lienis & Ventriculo interiectum, ut putat Tulpus; & ad emulgentes: inflanda etiam Thoracica, ut utriusque vasis sub pectorali musculo coitus obseruetur, diligenter intuendus in curatione pleuritidis, ut Sanguis potius detrahatur è basilica, quàm è cephalica, & mediana, si fieri possit.

Inflanda etiam Trachea Arteria, ut observes aëris penetrationem usque ad Cordis Ventriculos binos, & in Aortam.

Idem tentabis in Vena Arteriosa: si istæ partes commemoratæ intumescunt, ea-

dem opera innotescet, quantum pulmo amplificatur, & si Diaphragma ab eo deorsum impellitur in inspiratione, quod fieri debet prudenter, nondum toto ster-
no sublato.

In collo Carotidas Arterias inflabis, ut videas spiritus progressum, an peruenire queat ad ventriculos, & canales duræ meningis, atque post longam & fortem sufflaminationem, priusquam tubulum eximas, arcte supra foramen filo religabis carotidem.

Si perite detracta dimidij cranij portione, inoffensa meninge crassa, alicubi perforata, adigas arundinem, videbis ipsius eleuationem & distensionem à Cerebro.

Inflabis etiam iugulares internas, ut ascensum explores spiritus ad sinus duræ meningis, & an descendat in Cerebri substantiam. Id animaduertes, ex inflatione alterius Carotidis & Iugularium Venarum.

Arterias & Venas Tibiæ & Cubiti seorsim inflabis, ut possis deprehendere istorum vasorum communicationem inter se, & an valuulæ intra Venas sistant cursum spiritus impulsus, vel an ab arteriis ocyus subeat spiritus in Venas, à Venis tardius in Arterias.

Istæ Observationes rectius fieri possunt,

in Nosocomiis , in macilentis corporibus , quorum vasa non obruuntur , adipe sepulta , in diuersis cadaueribus ; vacuis Venis & Arteriis , modo non sint corrupta , & adhuc caleant ; Nam in strangulatis , superiora vasa colli & capitis tument ex Sanguine suppresso , & vasa colli , Venæ Inguulares , & Arteriæ Carotides sunt adeo compressæ , & contusæ ex laqueo , vt difficile pateant.

Tempestate frigida ista experimenta sunt peragenda , ne lædant & noceant Anatomicis secantibus , & aliis spectantibus : id libenter præstarem in hac ætate senili , nisi pulmonum imbecillitas me ab hoc Opere reuocaret.

Ad istas administrationes rite peragendas opus est variis tubulis crassioribus , quorum foramina sint ampla , etiam tenuioribus , rectis , & obliquis , brevioribus , & longis , qui sint vel argentei , vel cornei , vel ex calamis conflati. Opus est etiam spongiis , acubus incuruis ad vasa comprehendenda , & filum traiciendum , scalpello tenui , forfice , & exili vnco ferreo ad eleuationem ; fila quoque ærea , flexilia , oblonga , varia sunt necessaria ad introducendum in vasa ; quædam sint in vno extremo capitata.

F I N I S.

Prætermiffa fuis locis restituenda.

P Ag. 30. in fine, post inferiorem. Quod si non arrideant istæ viæ circulandi Sanguinem, aliam demonstrabo; Sanguis ex Caua à Corde sorptus, atque tractus per septum Cordis in Aortam, effunditur per omnes corporis partes; superfluus ac refluus per venas. In trunco venæ Cauæ à iugulis ad inguina extenso recipitur, vbi incipiunt valuulæ emergere. In isto trunco tanquam in promocondo Sanguis asseruatur ad vsus necessarios, siue ad nutritionem partium, siue ad suggerendum Sanguinem Cordi: Sanguis è Corde profiliens, vt per Aortam descendentem distribuitur, ita per Aortam ascendentem Cerebro & brachiis diditur. Vterque ab externis partibus recurrens in venas, corriuatur ad Truncum Cauæ iam designatum, in quo quandiu sanitate integra fruimur, continetur, magna quantitate ferme quartæ partis massæ sanguineæ: si exuberet habet suum excursum ad artus extremos, inde in Arterias, vel si impetu quodam irruat in dextrum Cordis ventriculum, suum habet effugium per pulmones in Aortam. Hæc est altera cir-

culandi Sanguinem via : vtræque ad curationem morborum diligenter expendi debet : prima in fuma plenitudine vaforum perficitur : altera magis eft naturalis , fine vlla confufione fubftantiarum Sanguinis , venofi , & arteriofi. Vtræque abfoluitur fine tranfitu totius Sanguinis per Cor & pulmones , nifi urgente neceffitate.

Pag. 79. lin. 5. poft *Hippocratica*, adde.
Tandem fanguinẽ unicũ effe, uniformẽ, in Corde confectũ, tam ad nutritionem corporis, quàm eius vitalitatem confervandam. Id falſum variis in locis demonſtratum.

Pag. 113. l. 12. *Aduerſus Harueum, & Valleum*, quod Sanguis nunquam deſcendit, notabile experimentum produco: Vidi in duello, & in bello, aperta vena cruciali, quatuor digitos infra inguen, Sanguinem affatim fluentem ſiſti non potuiſſe, niſi ligata vena ſupra & infra vulnus. Memini vidiffẽ cum D. *Pimpinello*, Chirurgo experientiſſimo, à 30. annis Secretarium D. *de Marinæus*. Senatoris magnæ Cameræ ſupremi Senatus, cui ab agyrta operatore Herniario, ex cauteriis bis terve appreſſis ſupra os pubis, vbi ia-

176 *Pratermissa suis locis restit.*

cet productio peritonæi, ad intercipiendum descensum intestini in scrotum, callo inde procreato, ut sperabat & pollicebatur, erosam venam cruralem, quæ superueniente hæmorrhagia, ægrum iugulauit. Illaqueata fuit cruralis vena tribus digitis infra inguen, sed ex trunco superno assidue fluens Sanguis ipsum interfecit, manifesto indicio Sanguinem descendere.

*Errata corrigenda in Prima Parte
de Circulatione Sanguinis.*

P Ag. 61. lin. 20. lege, reuocarit.

P. 88. l. 24. dele Pag. 6.

P. 98. l. 15. titulus Capitis, esse Sanguinis circuitum ex primo supposito confirmatur.

P. 100. l. 15. resorberi.

P. 119. l. 12. l. confici.

P. 122. l. 14. l. mesentericam.

P. 139. l. 2. l. animatus.

Pag. 155. l. penult. pro ferti, lege, Recte.

Errata Secunda Partis.

Pag. 251. l. 8. lege, duplex Officina Sanguinis Hepar, & Cor, ad distributionem duplex Canalis.

Pag. 328. l. 10. lege, celerem, pro calorem.

Pag. 366. l. 15. lege, circularentur.

F I N I S,